

ПЕТӢ 1926 ВОСЯНЬ

ЛЭДЗӢНЫ: КОМИ РЕСПУБЛИКАСА ГИЖЫСЬ КОТЫР, ПЕЧАТЬ ДА ЮӢР
СЕТАН КОМИ РЕСПУБЛИКАСА АГЕНТСТВО

ВОЙВЫВ КОДЗУВ



ISSN 0134-4323

БЫД ТӢЛЫССЯ ЛИТЕРАТУРНО-ХУДОЖЕСТВЕННОЙ ЖУРНАЛ

5

ОДА КОРА (МАЙ)

2012

ТАЙӢ НОМЕРЫН:

Владимир ТИМИН. Вежай. Документа повесът	3
Любовь АНУФРИЕВА. Выль кывбуръяс	23
Зинаида ПРОШЕВА. Рӧмпӧштан. Повесът	25
ЗАРНИ ЛЮСЯ. Выль кывбуръяс	47
Альбина СЕЛИВАНОВА. Кальта Толь. Висът	48
Алексей МИШАРИН. Дженьыдик висътъяс	64
Никон ХАТАНЗЕЙСКИЙ. Тундра пи	70
Александр ПАНЮКОВ. Колӧ документ подув вылын гижны	77

Обложка вылын снимокыс Фӣдор Макаровӧн.

© «Войвыв кодзув» («Северная звезда»), 2012 г.

СЫКТЫВКАР

СЕВЕРНАЯ ЗВЕЗДА



***Ежемесячный
литературно-художественный
журнал***



Учредители:

СОЮЗ ПИСАТЕЛЕЙ РЕСПУБЛИКИ КОМИ

**АГЕНТСТВО РЕСПУБЛИКИ КОМИ ПО ПЕЧАТИ
И МАССОВЫМ КОММУНИКАЦИЯМ**



АУ РК «ИЗДАТЕЛЬСКИЙ ДОМ КОМИ»



ДИРЕКТОР: БЫКОВСКАЯ Н.Н.



РЕДАКЦИОННАЯ КОЛЛЕГИЯ:

Главный редактор

ЕЛЬКИН М.А.

Ответственный
секретарь

КИЧИГИН И.Н.

ПОЛУТРУДОВ А.В.

УЛЯШЕВ О.И.

ЛИМЕРОВА В.А.

ТИМИН В.В.

УЛЬЯНОВ А.В.



Вежай

ДОКУМЕНТА ПОВЕСЬТ

Сакара сур

Миян рёдын матросъяс эз вёвны, та вёсна, позьё шуны, тшапа восьлалі лонь гожся рытё сиктса клублань. Талун вежалун, клубын йөктөмъяс. Печораын речной училищеса курсант, шуйга соскын зарни рёма ёсь пельёса куим визь петкөдліс, велөдча пё коймөд курсын. Съод клёш, гюйс, тельняшка, кокарда, якөр — ставыс тыдаліс ылісянь. Төдсаыс уна паныдасьліс, өд тані чужлі и быдми.

Клубын, колё лоны, виччысис нывка, дай зэв аслыспөлөс. Меысь төкөтьё ичөтджык арлыда. Абу уна сёрниа. Ёнджыка радейтіс кывзыны. Сыкөд письмөасьлім. Дженъыдик письмөаясыс век помасьлісны юалөмөн, мый йылысь нөшта гижны, мый эськө көйи төдны. А гижліс сійө аслас дасөд классын велөдчөм йылысь. Дерт, виччыси письмөаясас унджыктор, өд некымынысь воддза гожөмнас колльөдлі и весиг окыштчим керкаыс бердын потшөс дорас. Дыркодъ та бөрын эгө лысьтөй видзөдлыны өтамөд вылө...

Но, мый вөчан. Велөдчис сійө бура, та йылысь и гижліс, став велөдан предметъяссө лыддьөдлөмөн. Нимыс Валя.

Восьлалі збодера. Мөвпалі, мый йылысь талун висьтасьны. Печора ю кузя воөдчывлі паракодөн Нарьян-Марөдз. Тайө вөлі практика, а өні со каникул. Сиктыд абу кар. Луннад ковмывліс ытшкыны и куртны, бугритны картофелъ муяс, ёг турун нетшкавны, да и гожъявны, шондіа кө. А рытыс — аслам. Ай-мам оз кутны, ичөтджык чой-вок керка дорынөсь, либө керкаынөсь, вокъяс менам флотскөй паськөмөн выланыс рөмпөштанө видзөдчөны. Паськөмыс, дерт, абу на серти и ортсө петны оз вермыны. Да и оз лысьтны. Казявла паськөм вөрөдөмсө, но нинөм ог шу. На местаын эськө тадз жө вөчи.

Өти керка дорын менө чукөстісны. Видзөда: вежай. Сэтшөм пө югыд паськөма, ылысянь тыдалан. Вежайөс ёна пыдди пукта, мед көть и аддзысьлам шоча. Сиктад быдөнлөн аслас төжд, ёна лоө уджавны-мырсьыны тулысьянь арөдз, да и төвнас быдсяма нокыс тырмө. Ме, дерт, кежи горөдөмыс вылө. Здравойтчим. Пырав, шуө, мед керка пытшкөсөй тшөтш югдылас. Нюмъялө. Аддзысьны мем окота жө, кокөй ачыс нуө вежайлань. Төда, миянө воывлө, сійөс пыдди пуктөны ай-мамө. Мамө вежайөн жө шуө. Опрөсь чожинь и пияныс — Михайлө да айыс нима Ольөксан — эз тыдавын. Шоньд гожся рытө вежай өтнасөн гажтөмаліс.

Варовитыштім, но эгö дыр. Вежай веськыда юалис:

— Сакара көдзыд сур он видлы? Гөбөчын видза.

Эг ло паныд. Йөктөмъяс дырйи збойджык лоан. Оз кодзöд, абу öд водка.

Катöдiс көшын сурсö. Кисьталiс стöканъясö. Танi шуöны стокан. Бергöдлышті киын, стокнитчим, и лöсьыда искөвтöдi сакара көдзыд суртö. Ас йывсьыс вежай торъя эз висътась, но ме тöдi, олан туйыс сьлөн эз вöв кокни. Быдсямасö лöма вуджны: война, контузия, плен...

— Ок и чöскыд!— ошки сурсö.— Мамö вöчлö жö, праздникъ-яс кeжлö.

— Тöда,— шуис вежай.— Кажитчис кө и бур. Училищеад öд татшöмъястö он аддзыв.

— Он, дерт. Сэнi дисциплина.

— Со и личöдчышт. Регыд öд бара ковмас войвывлань сетчыны.

— Öнi клубö мöдöдча.

— Клубö кө и клубö. Том йöзлы гажыд век колö. Том пöраыд медбур кад. Миянысь нö öнi мый... Гашкö, неуна нöшта видлан? Вежай нюжöдчис кинас көшысла.

— Неунасö нöшта, гашкö и, позьö,— эг кут пыксьыны.

Вежай мöдысь лэччылис гөбөчас...

Мый вöлi тайö здукöдзыс, юрам коли. А мый бöрынджык артмис...

Синмös востi. Рöмыд. Часi серти — вой шöр кад. Очсышті да чеччи.

Көтшассьыс мыччысис вежай.

— Эг кут садьмöдны, унмовсин бура, весиг сьывны мыйкö заводитлiн...

Ме сöмын шенышті киөн.

— Ог, ог казътыв нинöм абусö,— ки пыдöснас öтарö-мöдарö вöчыштіс вежай.— Ачым ог радейт, кор заводитасны лыддьöдлыны нимкодъсьöмөн, крукасьыны быд артмöм шыбöльö. Кодлы нö сийö кажитчас. Узь асылöдзыс. Вольсася. Öпрöсь чожиньыд орчча жыръяс, эз жö кут садьмöдны. А пиян эз на воны. Бурлакасьöны көнкö. Найö лөнъöсь.

Меным абу лöсьыд. Ачымös дивитiг, юрөн пыркöдышті.

— Аттьö, оз ков. Дöзмöдчи, да и гортын воштісны нин. Шызьöмаöсь, дерт. Муна гортö.

— Но, инö. Кыдз тöдан. Аттьö, мый пыралiн. Меным зэв любö. Тэ öд пыравлытöм морт, вежа пиö. Ачыд менö эн дивит. Нинöм эг шу та вылö.

— Мöдi!

— Гортад? Танi лөнъ, гуляйтöны асылöдзыс.

— Гортö мöдi. Ог, дерт, клубö. Сийö важөн нин пöдса,— Валья дум вылö уси. Лöсьыдтöма артмис. Сёрнитчылим бура.

— Эн шогав.

— Ог шогав, вежайö, ог... Сöмын артмис менам аслыспölös «Цусима».

Вежай гөгөрвоана гогнитiс юрнас. Радейтлис лыддьысьны и «Цусиматö», тöдöмысь, ме ног жö гөгөрвоис.

Воськовті войся ывлаас. Ыркыд төвруыс öвтыштіс чужöмö. Гөгөр чöv-лөнъ. Некод некөн эз тыдав. Көнкö ылын пон увтыштіс, сэсся и сийö ланьтіс.

Кыдзи вежайнас лои...

Век на быттё син водзын вежайё, Ёльоксан Никитьевич Киселёв. Меным кажитчыліс, кор сійё пыравліс миянё — могөн, могтөг... сёрниыд век сюрліс. Пырмунігмоз, кутшөмкө нелючки-тор кө аддзас: турун юр пёлынътчөма либё потшөссьыс кутшөмкө потш усянвыйын — лөсьөдыштас, ошкөм оз виччысь, быттё ассьыс лөсьөдө. Сёйны пуксьөдасны, өтчыд-мөдысьтө лоё, дерт, корны, но сэсса пуксяс, оз ыждав, ас морт. Некор нинөм эз корлы. Нинөм. Книгаясысь кындзи.

Рам, небыд оласа, йөз дорас сибыд. Паныд кыв некор эз шулы. Некодлы. Чөв усяс, но вензьөмөдз оз во. Праздникъяс дырйи, юлігьясё, гажмыліс, но кыдзкө лабутнөя, некодөс эз дөзмөдлы, и код юра, медся букад морт эз крукасьлы сы дорё — дзик нинөмла вөлі крукасьнысё, и ыръянитысьыс ачыс та вөсна шөйөвошліс.

Вежайлөн быд волөм вөлі югыд праздникөн — лөньөдас, бурөдас, мыйкө ассьыс висьтыштас, здукасьлы лөсяланаөс. Локтөмунө век бурөн. Ме эг кывлы, мед кодкө сійөс дивитіс. Быд котырын кокниа сөльнитчас, оз тшапитчы, пыр йөзкөд и йөзыс дор.

Мыйла вежайөн шулам, весиг мамө? Ачыс аттё на шулө, мый вежайөн нимөдам. Ёб сиктса вичкоё, менө пыртігөн, абу волөма. Сөмын вежань, айөлөн чойыс, кияс кутөма да вөчөма ставсё, мый колө. Абу пө быть вежайыслы лоны пыртігас. Тадз висьталөмаөсь. Сөглас кө и ладнө. А вежай нимыс сылы кажитчө. Мортсө быттё кыпөдө. Ачыс тадз шуө. А сідзсө и рөд лыдө пырө, ыджыд мамсянь. Гөтырсө чожиньөн шулім. Кык пи налөн. Ёта-мөднымөс ми, дерт, төдім, но налөн асланыс өртъяс-төдсаяс, миян — асланым. Челядьдырсянь найө кутісны асьнысө верстьө йөз вылө видзөдөмөн. Айтөг мортъяммисны. Мыйла айтөг? Помкаыс война, а сэсса войнабөрся вояс...

Война йылысь...

Война йылысь сёрнияс вежайкөд панлім. Коркө рытнас видзөдім телевизор, сьода-еджыда экрана, уна рөмаыд эз на быдөнөдз во. Видзөдім кольөм ыджыд война йылысь кино. Бур кино. Кажитчис. Вежай буретш миянын жө пукаліс, войнатө ас сертыс төдө.

— Кыдз тэд кажитчис?— юалім.

— Сьөлөмтө вөрзьөдө,— вочавидзис сійө.— Но войнаыд эз вөв татшөм. Некутшөм «ура» сэн эг кывлы. Сьөд удж войнаыд. Сыысь пежыс нинөм абу.

— Но өд наркомыдлөн сё граммыд век вөлі?

Вежай шеныштис кинас.

— Кутшөм сё грамм... Нянь чир мукөддырйиыс эз вөв. Зэр улын куйлан. Винтовкаыд эськө и сьөрсьыд, да пытшкас сөмын кык-ө-куим патрон. А уналөн и сійө абу. Ёнджыкыс со и зырис. Патронъястө немечыд эз лыдды. Сявкйис, кыдз көсйис. Эскы-төмъяс кутісны гусьөн Енлы эскыны. А коді нө сэсса видзас-доръяс? Быд камандир сөмын биө сүйө.

— Но сё граммтö, вежай, гаравлöны. Кывлан вöвлöм армееч-
яссиянь.

— Пыртисны сё граммтö, кор венны пондiм. Кор тöлкыс
лоиджык. Мыйöнкö öд колö йöзсö ышöдны. Торъя нин атака
водзвылад. Но ме пай вылö татшöмыд эз нин усьлы.

— А мыйла буретш юктöднысö колö?

Тайö Галя чойлөн гөлöсыс. Код юра морттö рöд оз радейт.
Вежай балябöжсö гыжйыштiс.

— Гажа мортыд, асьныд тöданныд... Биö кöть ваö...

— А кутшöм фронт вылын тэ вöлiн, вежай?— юалi ме.
Вочакывйыс эз ло...

Вежайлөн война

Вежай веськалöма Волхов ю бердö, Ленинградсянь неылын.
Тадзи висътасис бöрынджык. Тiяны пö колö, юöртисны, мезды-
ны тайö карсö германечьяс кытшысь ортсысяньыс. А карсаяс
мый вермöны водзсасьöны, и йöзыс сэнi ёна тшыгъялöны. Лои
тöдса, мый менам веськавсьöма Мöд ударнöй армияö. Сэктö
ротаса камандирысь кындзи вылöджык некодöс эгö тöдöй. Сийö
и висъталiс. Таöдз ме коддьöмсö велöдiсны лыйсьыны. Эз дыр.
Но мед. Ружйötö ме ас кийн кутлi, айöсянь на кольiс. Дасьты-
сямöй уськöдчыны водзлань, Ленинград мездыны, а мый миян
дасьтысьöмыд. Винтовкатö киад босьтiн да и котöртiн, кодарö
да кор тшöктасны. Некумын патрон сетiсны содтöд, а сэсса пö
тiян быдöнлөн штык эм. Велöдiсны розьбöдлыны идзас-туруна
топыд мешöкъяс. Немечыд пö век и пышгьяс. Штыктö найö оз
радейтны и оз кужны бытшласьнытö.

Тадзи вежай висътасьлiс. А бöрынджык нин уна выльтор
тöдмалiм. Коръясöкö и варовмылö. Ми абу паныдöсь. Миянлы
кывыв, кор варовмö.

Ленинградлань писькöдчöм заводитчис бура, но регыд тöлкыс
воши. Фрицъяс асьныс кытшалiсны. Патронъяс бырисны, сёйны
нинöм. Кöдзыд арся зэръяс заводитчисны. Новлан көлуй лои
сыри-летки. Тадзи кө вöлi, шуам, нелямын öтиöд воын — гөгөр-
воана, но öд мöдöд во нин войнаыс мунö, водзсасьны велалiм,
а көнсюрö и венны пондiм. Мый вöчсьö гөгөр, некод оз тöд.
И камандиръясным кытчöкö вошины. Оз тыдавны.

Сэсса кывсис, миян пö ударнöй армияса медыджыд каман-
дирным сетчöма немечыдлы, сволочыд, и ставнымлы тшöктöма
сетчыны. Генерал Власов, öнитö быдөн тöдам. Юр вылад бомбаяс
гылалöны, а кор лöняс, радио горалö, чуксалö дутдыны водзсась-
ны. Архангельскысь Чумаков, нимсö вунöдi, миян ног кө, кардор-
са, ме кодъ жö радöвöй, сюсь детина, шуö, пышгьям пö, петам
кытшсьыс. Регыд бара бомбаяс улö сюрим, енэжас омлялöны
креста самолётгьяс, недыр мысти кутiсны кывны горöдöмгьяс.
Увтöны быттö. Немечьяс! Гөгөр вөр, уськöдчим асыввывлань.
Öтлаасим асыввывлань жö писькöдчысь миян йöз котыркöд. Сэнi
зэв збой камандир, абу и ыджыд чина, шөр арлыда морт —
индö, пинялö, нарадитö, и сийöс кывзысьöны!

Кыссим быдсяма ногыс, миян котырысь кодсюрö торйöдчис,
кодсюрö колис зыбуч нюръясас. Быдөнлөн эбöсным быранвы-

йын. Та пасьтала нюръястё войдөр эг аддзыв. А лыйлом шы отырышъя кыліс: коркё веськыдыввсянь, шуйгавывсянь, да и водзланьын лоньлуныс торксьывліс. Йёз тэрмасисны. Зілісны усйысьны ылоджык шуштём шыяссьыс. Тулыс пом. А зэрё лункосмёсөн. Сёян-юан некутшём. Водзын — сотчём сиктъяс да эновтём понъяс. Унджык олысьыс сетчисны матігөгөрсә вөръясё. Тышё пыравлім неокотапырысь и шоча, сёмын мынтёдчём могысь. Откымынлөн некутшём оружйё абу. Да и менсьым винтовкаёс гусялісны. Оти войё сынисады унмовси, мудзсьёма ёна. Садьми асья рёмыднас, кватитчи: винтовкаёй абу. Киняулысь кодкё кыскёма, дерт, бокё пышйысьыд. Сёмын кодарё пышйысь? Миянланё али мёдарё? Чёмутыс тёдё. Йёзыд од быдсямаыс. Висьталі та йылысь стрөг камандирлы, шуё, петам пё кытшысьыс да трибуналё сета. Оружietё воштёмысь. Тайён менё сёмын збодермёдіс, сідзкё, кытшысь петан надеяыс эм на. А оружйё... Сы кадё юрын оти мөвп сёмын бергаліс, мед эськё ловйён колыны. Но и дивё босьтліс, од быдса армия воштім оти морт вёсна. Да нёшта и ударной. Ленинград босьтчим дорйыны. А оні со асьным зілям мездысьны, кытшысь петны.

И петім од!

Чумаковкөд зілим орччөн кутчысьны. Кардорсаыд од земляк коды. Ёрта-ёрт ордё поэё ва туйод воёдчыны. Шойччигъясё сійё ас йывсьыс висьтасис. Службасё нуёма Мөд ударной армияса «Отвага» нима газет бердын. Газетыс киям сюрлі, лыддылі мыйсюрё и чигарка гартлі. Чумаков видзёма газет вөчанінсё, отсасёма ректыны-сөвтны бумагасё и дась газетъяссё. Ставсё вөлөн вайлісны-нулісны. Машинатё шоча аддзывлім. И висьталіс Чумаков, зэв пё бур морт сәні вөлі. Газет вөчанінас. Эг кө дзик вунөд, старшой политрук Муса Мустафович Залилов, асьсё шуліс Муса Джалиль. Татарин.

Мясной Бор нима ыджыд сикт бердын пансьёма вир кысьтана тыш. Мыйкөдыра отлаын пё кутчысим. Син водзын старшой политрук чөвтис граната тыртём му керкаас, көні «Отвага» нима газетнымөс вөчисны. Мед нинөм эз сюр фашист кйё. И ми пё чепөсйим матысса вөрлань. Сәні регыд и воштім ёрта-ёртөс...

...Тшай юигөн нин вежайлы мыйкё дум вылас воис, ниртыштіс кымөссё.

Муса Джалиль йывсьыд, код йылысь висьтасис Чумаков, унаысь кывлі онія лунъясё нин. Татараса енбия кывбуралысь, поэт Муса Джалиль. Власов армияё веськалёма, но абу янөдёма асьсё. Доймалёма, воштылёма садьсё и сюрёма германечьяслы пленё. Германияс нуёмаось, көсьёмаось асланыдны, но мортыс абу сетчёма и сійөс лыйлёмаось Моабит нима лагерын.

А миян йылысь кө... Чумаковкөд кытшысьыд петім. Ылодз мунсьёма. Петсьёма сук егыр пыр Ильмень тысянь неылын. Виччысьтөг горөдісны рочөн, и ми веськалім асланым салдатъяс кытшё нин.

Некымын лун Чумаковкөд отлаын на вөлім. Сійё сетіс штыксё аслас винтовкасьыс, гашкё пё, оружйёон жё лыддясны да оз судитны. Стрөг камандиртё син водзысь воштім. Татшём камандирьяс эськё и колёны. А Чумаков прамой морт вөлі. Землякөн и лыддис.

Мыйкё нёшта на Чумаковыд висьталіс. Муса Джалильсяньыд

кывлӧма. Власовыд пӧ вежӧма Мӧд ударнӧй армияса камандир генерал Соколовӧс, кодӧ висьмӧма. Власовтӧ ыстӧмаӧсь Москва-сянь. Сыкӧд воӧмаӧсь самолётон Ворошилов, авиацияса генерал Новиков да мукӧд ыджыд йӧз, медым тӧдмӧдны штабыскӧд да армияса могъясыскӧд. Тадз кывлӧма старшӧй политрук Джа-лильыд. Тайӧ нимнас ӧнӧ сійӧс гаравлӧны...

Сэсся Чумаковкӧд разалім, кодӧ кытчӧ. Войнаыд ӧд паськыда муніс. Менӧ эз мыждыны, но юасисны ӧна и стрӧга. Винтовкатӧ, дерт, воштӧ, но колана эскӧдан бумагаяс вӧліны сьӧрысь. Вушйӧм тупыльяс нин колисны кыздсюрӧ кыссигад, ставыс мӧрчис. Сэки зэв унаӧн сетчӧмаӧсь, да асланым дорӧ петысьястӧ эз ӧна мыжавны. Пинялісны, мыйла эгӧ водзсасьӧй Рӧдина вӧсна олӧм помӧдз. Мый татчӧ шуан? Эгӧ тай.

А Чумаковтӧ сэсся эг нин аддзыв, и ӧнӧ ог тӧд, кӧнӧ сійӧ, воис-ӧ гортас тайӧ вир кысытана война вывсьыс. Сьӧкыд шуны. Но со тай, ог вунӧд.

Мӧдысь тышӧ пырӧм

Сюрин кӧ война вылад, сійӧ тӧнӧ бурӧн оз лӧдз, он кӧ ӧна доймав либӧ мӧдарьюгыдӧ он мун. Война вылад мый он думышт, сійӧ и лоӧ. Ыджыд чина камандиртӧ шоча аддзывлӧ, а меысь ичӧтыс эз вӧв. Радӧвӧй. И ас вылад абу ыджыд. Кык пи да гӧ-тыр кӧнкӧ ылын олӧны, виччысьӧны, а кор воа гортӧ, веситӧ и Сталиныд оз тӧд. Мед вӧлі Сталинград, но артмылісны и сы бӧрын нелючкияс.

Косталӧмъясӧн ми, и верстьӧ и челядь, Юрик воккӧд вом паськӧдӧмӧн кывзім вежайнымӧс. Быд воліг корим висьтасьны, и эз дӧзмыв мортыд. Меысь ичӧтджык Юрик вок вежайӧн жӧ шуліс. Дерт, висьтасис, кор гырысь сёрнияс помассясны, кор миянланьӧ чӧвтлас синсӧ. А миянлы сійӧ и колӧ.

Водзӧ со мый тӧдмалім.

...Мыйлакӧ век веськавлӧ сэтчӧ, кӧнӧ ставыс удитӧма нин дзугсыны и тӧлкыс вошӧма. Рӧкыс кӧ тойліс-а. Вежай казытыліс, и быттӧ миян йылысь сэки вунӧдліс. Видзӧдіс кытчӧкӧ бокӧ.

...Харьков бердын тыш некор оз вун,— ышловзис вежай.— Волховскӧй фронтад миян сэки нинӧм эз артмы. Шызьӧдіс Ста-линград. Немечыдлы ныр-вомас бура ляскисны. Кыськӧ менам киӧ сюри листовка: сыръя чышъяна Гитлер бӧрдӧ-шогсьӧ, ки пыдӧссӧ тшӧка бокас топӧдӧма, а уліас гижӧма: «Потеряла я колечко (а в колечке двадцать две дивизии)»...» Ӧтарсянь и мӧ-дарсянь нырисны сэки йӧзтӧ. Мыйтаӧн усины.

Сталинград бӧрад выныштчисны водзӧ мунны — Украина мездыны. Миянӧс сылань и вайисны. Ӧти тувсов асылӧ грымӧб-тісны пушкаяс, весиг самолётъяс, миян самолётъяс, лэбисны юр весьтӧ рыгывыввлань. Мӧдӧдчам пӧ Харьков мездыны, Укра-иналысь воддза юркарсӧ, ӧнӧ со Киев юркарыс. А ми сэк прамӧй салдатъяс нин, пельпомын погонъяс, камандиръяслӧн ылісянь югзьӧны. И мӧдӧдчим. Гӧгӧр садъяс дзоридзалӧны, лэбачьяс сьы-лӧны, и ӧттшӧтш гӧгӧр гымалӧ — пушкаяс гымакылӧны, жвуньк-йӧдлӧны. Тэрмасым водзӧ. Сувтны оз позь. Гылавны миян пондіс-ны, воча би сяркӧдны мӧдіс. Кашка-котӧрта и мӧвпала, мед

эськӧ эз жӧ вины, а кӧть нин санитарлы удж вӧчисны, ӧд кык пи гортын дай гӧтыр. Сьӧкыд ӧнӧ налы, миянысь на сьӧкыд. Ми кӧть пӧтӧсь и дась паськӧмаӧсь.

...Босьтім Харьковтӧ! Кымыныськӧ и лыйлыны ковмис. Гашкӧ и, веськалі на. Ылысьтӧ он аддзы.

А карыс мича! Тырыс йӧз. Петалисны, нимкодясӧны. И миянылы нимкодъ. Мездім найӧс. Татшӧм карад дивъя красуйтчыны-овны.

Вердісны-шойчӧдісны, и водзӧ нуӧдӧны. Кыпыда мӧдӧдчим. Танкъяс мурзӧны-ордйӧны. Войтыр шмонитӧ: тадзнад кӧ, ӧнӧ Берлинӧдз воам. Абу Волховскӧй фронтыд, кӧнӧ «Отвага» газетсӧ вӧла-телегаӧн разӧдӧны, кытчӧ он видзӧдлы — нйит, помтӧм нюръяс, а машинатӧ аддзан шоча. А танӧ гырысь и посни машинаяс журъялӧны, аддзылі и «студебеккеръяс» — найӧс вайӧмаӧсь ылысь, Америкаысь пӧ.

И со, Харьков коли мыш сайын. Немеч-фашистыд пышйӧ. Зэв ӧдйӧ мунам. Шоныд, лӧсьыд. Войнась шынель вылын чӧскыда узьсьӧ, мед и весиг войнась лӧнь оз овлы, век кӧнкӧ шковгӧны-луйлӧны. Лун бӧрся лун, армияным оз и сувтлы, исковтӧ-мунӧ водзлань. Юр весьтын креста самолётъясыд мыччысьлӧны, но и миян тыдовтчылӧны жӧ. Водзын пӧ Полтава кар, а сы сайын Днепр ю. Быд ногыс тэрмӧдлӧны миянӧс. «Наркомовскӧй сӧ граммыд» лой, тыш водзвылын ышӧдӧны. И котӧртан, кытчӧ индӧны, скӧр, весиг матыкыштан. Сэки ставыс вунлӧ: кодӧ тэ, кытысь и мый тэӧ виччысьӧ — он тӧждысь ӧна. Шуӧма — водзӧ, сідзкӧ водзӧ! Войнаыс пӧ «Отечественнӧй». И венам быть — миян делӧ правӧй.

Тадзи мунам водзлань. Сэсся сувтім... Мыйкӧ гудыртчис. Кутісны шыблавны ӧти йӧз чукӧр шуйгавывлань, мӧд йӧз чукӧр веськыдывывлань, мукӧдъясӧс весиг бӧрлань. Гӧгӧр шызис. Миянӧс пӧ кытшалісны. Бара?! Но ӧд ставыс бур вӧлі. Харьков мездім, Днепр юлань матысмам. Йӧз лыдыс миян чиніс. Унаӧн олӧмнаныс вештысисны. Кутшӧмкӧ лунӧ камандир, капитан чина, виччысьтӧг индіс менӧ миномёт дорӧ. Винтовкаысь кындзи, мися, нинӧм ог тӧд. А оз пӧ и ков тӧдны. Ичӧт калибра миномёт, но километра сайӧ веськалӧ. Тэ кутан минаяссӧ мыччавны. Тэ ӧдз кодӧ вӧлі, уси. Колӧ мунны пыр жӧ. Ӑдйӧ велалан. Со, ефрейтор сулалӧ, тэӧ виччысьӧ.

И лой ме миномётчикӧн. Сэки и кывлі, немечъяс пӧ Харьковтӧ бӧр босьтӧмаӧсь. Тайӧ вӧлі, ӧнӧ на юрын, 1943 вося март тӧлысьын. Пӧсявтӧдз ковмис вӧрны. Минаяс мыйтакӧ вӧліны. Тэрыба косявла ящикъяссӧ да мыччала минаяссӧ. Куимӧн сэн бергалім: сержант, ефрейтор да ме, радӧвӧй. Нӧшта пӧ ӧти колӧ, да кысь босьтан. Ылісянь тыдовтчисны миянлань матысмысь креста танкъяс, на бӧрся пехота локтӧ дзик миян вылӧ. Минаяс-тӧ лыйлам ӧти бӧрся мӧдӧс. Пельыд чунавлӧ лыйигас. Абу винтовкаыд, сійӧ эськӧ и дзенӧбтӧ пельпомад, но кыдзкӧ велалан. Сэсся и минаыд миян кутіс бырны. Шочджыка мӧдім лыйлыны. Кор тшӧктасны. Но и тшӧктысьыс эз ло. Колим ефрейторкӧд кыкӧн. Сійӧ миномёт дорас мый колӧ вӧчӧ, сылы мыччала кольомасӧ. Ог тӧд, мый лӧӧ водзӧ. Немечъяс со нин матынӧсь. Неылын котӧрӧн бӧрыньтчис миян ыджыд котыр. Юр кӧртӧда майор мыйкӧ горзис налы, но некод нин сылысь эз кывзы.

Котёртёны Харьковланы, а сійё немецьяс кийн. Татшөм лёк юёрыс өдйё паськаліс.

Нёшта өти мина лэбыштис код төдас кытчө, и та вылын ставыс помасис. Кодкө быттё швачёбтис менө тыдавтөм кабырнас. Син водзын пемдіс, и ме вошти садьёс. Эг удит нинөм мөвпыштны, дойыс личкис.

Пленын

Ас садьё вои — кодкө чужьялө. Гөгөр жөдзёны йөз. Лыйлөм шыяс оз кывны. Креста танк мясянь матын трактор өдөн катласьё-кыссьё, оз тэрмась. Некутшөм шы сыладорсянь оз кыв.

Немеч менө некымынысь чужйис, кинас индө, мед пö сувті. Тайкө виас, автоматыс ме вылө видзөдө. Мыйкө шуасьё, но ог кыв нинөм. Гөгөрвои: пельтөмми. Но ловъя! А мукөдыс? Сержант оз тыдав, ефрейтор куйлө ылынкодь, чужёмыс муас сатшкысьёма. Мина ящикьяссө кодкө быттё шыблалөма, унджыксө чагйө пөртөма, а миномётысь кольөма көрт чукөр. Танкысь лыйөм снаряд пасьвартөма сійёс. Куйла, зіля сувтны, а юрын жувгө. Но со и сулала нин.

Немечыд чужьялөмнас сувтөдіс. Автомат стволсө лэдзис увланы. Миян дорті довгисны йөз, юрьяснысө лэдзөмөн. Миян йөз. Сөмын на босьтісны Харьков, а өні ружйөтөмөсь, кодкө шынеля, кодкө абу. Найөс тэрмөдлісны горзөмөн: «Шнель! Шнель!» Сідзкө: Өдйө! Өдйө! Найө кодкө каскаа, кодкө абу. Но быдсөн кыпыдөсь. А миян, повзём чужөмаөсь, өдва люзгыёны-мунёны. Кытчө? Пленө, дерт. Видзөдлі менө чужьялысь вылө, а сійё тувкис прикладнас да индіс, мед веськөдчи пленө сюрөм восьялалысьяс дінө.

Кадыс ньөжйө кыссис. Дыркодь шлапиктім, коді кыдзи вермө. Ёна доймалөмаяс унаөн усяны, эз вермыны водзө восьялавны, быттё ылісянь кылісны лыйөм шыяс, туйным чөж кодкө да кодкө усьліс. Найөс и лыйісны. Доймөмөс эг казаяв, но син водзын вөлі рөмыд, а юрам дугдывтөг жувгис. Шатлөдліс. Нуөдысьяс унаысь ыршасьлісны, но колисны ловйөн. Енмөй дзикөдз эз эновт.

Көрт туй станцияө вайөдісны. Тані юклісны ичөтджык котырьяс вылө. Веськалі кутшөмкө ыджыд складө, быдсямасө тані видзлөмаөсь, мешөк колясьяс туплясисны, кодсюрө шышйисисны-корсисны. Өти мешөкысь сюри өтруб коляс, пыдөсас чорзёма. Сійёс гыжйөн парсалі да тяпөдышті. Сэсся мешөксө нетшыштисны ныр улысь, но сэні нинөм нин эз вөв. Рытланыыс петкөдісны ывлаө, сувтөдісны стройөн кодь, лыддисны — кымынөнөсь, сэсся өтикөн-өтикөн бөр лэдзисны миян өнія оланінө, тадз гөгөрвои. Быдөнлы киас сюйисны мыйкө жмык сяма, топөдөм шондіюр чаз. Пыр жө уськөдчим йирны. Сеталысьыс татчөс морт, явө абу пленө сюрөм. Бөрынджык вайисны шонтөм ва тыра бак, некымын көрт кружка йитісны кузь чептөн бак вугйас: сөйөй-юй...

Мортыд өти вира морттө век аддзө. Степан Козачек, роч морт, Белгородысь пө, Харьковсынь абу ылын. Ог төд, мыйөн шыбитчи синмас, корис менө кинас шоныд ва тыра бак дорас,

мыччис кружкасö, горöдiс, мед юи. Гөгөрвои пö, тэнад контузия. Коркö мынтöдчан, кывны кутан. Йöзыс уна, бак дорад рамджык мортыд оз и писькöдчы. Öтиысь эськö и содтылісны васö, но и сійöс öдйö юисны. Эз на и тырмы. Меститчим ылöджык öдзöссянныс, сэнi век кодкö пырис-петіс. Кодъя пö. Степан гор-раа пельö сёрнитіс. Белгород карсö пö немечыд бөр босьтіс, öти сайын Харьковкöд. Шулі тай, 1943 вося март тöлысь сулаліс. Сталинград бöрын быдлаын быттьö везитны кутіс, но со тай — сы ыжда каръяс бара воштім. Тадзнад кор войнаыс помасяс? Уна-ö на йöз мян коли? Сы мында нин воштім. Власовыд со быдса армия сетіс фашистыдлы. Унаөн ме коддьöмыс писькöд-чисны кызкö-мыйкö асланымланьö, кывлі, некымын сюрс пö. Но на йылысь этша гаравлісны, кöть кор. Ёна нин йöзыслы мустöм лои генерал Власовыд. Ме, дерт, эг сійöс аддзых.

Асывнас нуöдісны водзö, асланымъяссиянь ылöджык бөрö. Туйö петтöдз бара на жмыктö юклісны. Татысь, дерт, аддзöмабсь.

Степанкöд орччөн зiля кутчысьны, довгам-лётіктам. Дошлöй морт. Татшöмъяс дорад колö кутчысьны. Сыкöд он йöрмы весиг со тані. Корсюрö вердлісны. Луннас öтчыд. Пленö сюрöм йöз гылалісны öти бöрся мöд, но туйным чöж öтлаöдлісны мукöдъяс-öс, некодöс морт туйö эз пуктывны. Гортö веськавны надея бы-ри. Быд лун вермас лоны бөрьяөн. Вöліны збойджыкъяс, найöс öлөдлісны прикладөн, но тшыглуныд быдөнöс раммөдліс. Некод-лы синмö эг усылы, удайтчыліс кö сёйыштны, сійö ладнö нин. Да и абу öтнам. Прамöй йöзыд уна жö. Накöд сёрниö пыран видзчысьмөн, но лов вылад шоныдджык овлö, кор аддзан тэ кодъ жö шöйöвошöм мортöс. Некод оз тöд, кытчö мянöс нуöдö-ны. И быттьö веськодъ, бурсö некод оз виччысь. А ме, сьökыд пеля, дивуйтча, мыйла эбöсöй эз на дзикöдз быр, öд меысь ён-джык йöз гылалісны муніганым код тöдас мында. Найöс, дерт, некод эз лыдды. Туяд. Морт усяс, кольöдысь немеч лыяс öт-чыд-мöдысь, и та вöсна колонна весиг воськовсö эз ньöжмöдлы, быттьö нинöм эз и лолы.

Степан Козачек эз век орччөн восьлав, сувтлöм бöрын вош-лывліс, но сэсся бара мыччысьліс, сьölöм сетліс: «Видз эбöстö, ковмас на. Пышгьям». Кытчö? Кор? Сылы висьтасьлі, кытысь ме да коді колис гортын. Ёртöй кывзiс да ассыйс мөвпаліс. Гор-тад, шуö, тэ сiдз и тадз он веськав, кытчöдз войнаыс оз помас-сьы. А войнаыд, аддзан со, дыр на мунас. Олöм доныс öні не-кутшöм. Кодарсянь он босьт. Но асланым кöть дзевасны да крестөн пасьясны. Мездысям кö быттьö. Усим кö ас кадö, гортад эськö юөртісны «Погиб при защите социалистической Родины». А öні тэкöд «без вести пропавшöйяс». Тайö тэд кажитчö?

Коркö-некоркö сувтöдісны мянöс сарай сяма стрöйбаяс до-рö. Разöдісны, кодöс кытчö. Слава богу, Козачеккöд веськалім öти котырö. «Отче наш» некымынысь лыдди, пернапасасьмөн. Мортнога йöзыс вöліны, и эз этша, но Степан быттьö рöдня туйö нин лои. Лов вылын кокныдджык сылөн сёрнияс бöрын. А сёрниясным, дерт, йитчöмабсь мян быдлунся олöмнымкöд. Кутшöм эськö тайö олöм да! Лои тані сьökыд удж бертны. Степан тöдмалöма кыськö, мый веськалім пленö сюрöм войтыр-лөн лагерö, Полтава карсянь неылын. Быд асыв вöтлылісны мян-нöс кодйыны му керкаяс улö гуяс да джуджыд канаваяс. Гөгөрво-

им: немечьяслы тайо абу водзо муном выло, а дорйисьом могысь. Мед и воштим Харьковто да Белгородто, бор воштим, найос босьтлом борын нин, но волины нин од Москва бердын тыш и Сталинград. Немечьяс век на наянось, но вынныс абу нин важкодъис, ноксьоны-тэрмасьоны, скорджыкось. Миянлы, найос нойтомысь, водзос мынтоны, тодчодлис Степан. Тайо тыдало. Оні налон синныс водзын и борын. Ыршасьоны топодом коинъяс моз. Эралоны. Этпсё оз тодны. Но ничево, катовтчо налон шондыс.

Кодьян канаваысыс кузьось, синмыд оз судз. А вердоны, он и шу вердомон: рыт да асыв човтасны картофель сора бруль ва, со и ов сэсся. Пось петтодзыд уджав. Тшыг синмыд век кытчөкө бокө видзөдө. Со и отчид Степан Козачек шуо мем: «Ольоксан, ме казялі, кор вежсьоны миян мустом кыйодысясыс, сэк ас костаныс больгоны, тшынасьоны, голчитоны гораа да миянысь синнысө вештывлөны. Шыблалом му мылькъяс сыйысь казялі кустъяс, а сы сайын сентор, и сэсся вөр заводитчө. Абу войвывса вөръяс кодъ, ме найос аддзывлі, а геждоджык, но вөр жө. Ми коддьом мырсьысь войтырсө сыланьо пилитчыныкерасьны нуодлоны. Му керкаясө куим-нель повста вевт лосьодоны, и аддзыломаось водзысь неыджид ю. Сэти келам, мед понъясон эз суодны. Рыгтя лыддьодломъясодз удитам ылодз мунны. А сэсся од оти кывья ас му».

Оз кө немечыд, кодкө миян казялас пышйомнымос, удтас... Ме куті майшасьны. Степан борө-водзо видзөдлис, мем кывмон сомын эскөдө: мудод саяс унаон ветлодлоны асмогон. Тао конвоирьясыд велалөмаось, и миян пыдди оз пуктыны.

«Таысь лыйлыны вермасны»,— бара куті майшасьны. «Вермасны»,— сөгласа шуис Степан. Тадзи и воим оти кывйө.

Пышйом

Оти кымөра-зэра лунө слөймөдчим кодйысьны тодтомджык йоз повстын, некодкөд эгө сёрнитөй, кутчысим зырийо и чола мовкъям ас водзаным васод съод мусө. Украинаад пыдөдз куйло съод муыд, шулоны, суй муас додь вож — и пу быдмас, веждоны кутас. Но ва муыд съөкыд. Мудзны кутім. Степан видзөдө конвоирьяс борся. Найө юркышаось, веськодя човтлоны синсө мырсьысь йөзланьыс. Кианыс часі выло видзөдлывлөны унджыкысь. И со, воисны найос вежысьяс. Гора сёрни да серам кылам. Налон и серамыс абу миян кодъ: мыйыськө дөзмөм дзодзөгъяс тадз шыасьлоны, го-го-го... Ме выло видзөдомон, Степан довкнитлис юрнас мудодланьыс. Но миянөдз морт кык-куим, ог нин помнит, петавлісны мудод саяс и бор лэччисны канаваас. Сійө, кырөдыс, эз на во колана джуджыдөдз. Кодкө, бригадир сяма, абу немеч, котраліс канава полөныс, горзис-матькис. Сійө оні ылын воли миянсянь. Лэччөм йөз борся кыкөн сёрсьон-борсьон кавшасим, саявлім оти мыльк сайө. Конвоирьяс гөрдлісны ас костаныс. Некод быттө миянлань синсө эз чөвтлы. Нинөм торъяыс. Ас дела, дерт, вөчим. Кузяла, отарө-мөдарө дзоркнитлім — легөны, мырсьоны. Көн-мый вөчсьө, некодлы дела абу.

Котөрөн саялім медводдза кустъяс сайө. Лолөй тыри. Водзо мунны ог вермы. «Шойччышт,— шуө Степан.— Миянөс рытөдзыс оз кватитчыны. Оз кө соритны асланым».

Лолыштём бёрын мёдодчим водзё. Воёдчим юёдзыс, ва пёлёныс муныштём, пырим ваас и мёдарё кутём кевны-мунны. Шуим пемдытёдзыс тадзи восьлавны. Петём васьыс и вадор пёлёныс мёдодчим. Юыс чуклясьё, муныштан мыйтакё и он нин тыдав. Чукыль бёрся чукыль. Рытланыс сувтём косьтысьны. Шойччыштём, кывзысим. Кёнкё водзын кыліс сикт, но сэтчё эгё лысьтёй мунны. Медводдза сиктё пырны оз позь. Да и паськёмным ва на. Зэрискодь, но сэсса дугдіс. Ойбыртлім, óta-мёднымёс вежёмён. Водз асывнас матыстчим ыджыд ты дорё. «Тані шуёны — став»,— гёгөрвоёдис Степан. Аддзим: пёль, еджыд тошка, вуграсьё. Степан óta-матыстчис сы дорё, ме ылісянь видзёді, ас гёгөр гоньялёмён. Виччысьтёмысла пёльыд чепёсйис, но Степан мыйкё кутіс висьтавны, сійё украина кывсё тёдис. Пёльыд лёнис да кутіс кывзыны. А сёрниныс помассис сійён, мый Степан матыстчис ме дорё, киас кутіс пёльён кыйём чери да нёшта няньтор. Сиктын, шуё, немечьяс абуюсь, но полицайяс, мед и асланым йёз, немечьясысь кык пёв лёкджыкось. Сідз и шуис: кык пёв лёкджыкось.

Ты дорсьыс тэрмасьёмён вешйим. «Да и пёльыс код тёдас кутшём,— шуис Степан.— Повзьёмпырысь асьё кутіс и петкёдіс, быттё миян дор».

Чуклёдлёмён ми бара мёдім асыввывлань. Лун да вой — тшётсё воштім. Степан — сюсь морт вёлёма, да и сибыд йёз дорас. Судзёдёма кыкнаннымлы вёляыввса паськём, йёз синмё огё нин сэтшёма шыбитчой. Судзёдёма весиг бритчан көлуй.

Дошлөй морт. Паныдасьёма нывбабакөд. Сёрниё воёмаось. Нывбабаыд сюсь синма жё, и варов. Сы ордын и войсё коллялёма. Локтіс водз асывнас, неыджыд сепысён киас. Ачыс вежсьём паськёма, вайис и меным новлантор. Да нёшта кутшёмсюрё нур, и бритва көлуйсё. Верёсыс нывбабалён усьлёма война заводитчан воас, со и убёлитіс сетны сылысь паськёмсё. И вердіс-юкталіс пё. Сэсса нинём йылысь Степан торъя эз висьтась. «Молодеч!»— сёмын и артмис менам. Кёсйисы пё война бёрас, ловйён кө коля, волены. Кажитчана аныс. Оланінтьясным абу ылын óta-мёдсянь. Ставыс позяна и ставыс Ен сайын.

Контузия вёсна туяд, дерт, сьёкыд вөлі, меым Степан Козачеккөд лоны өтрөвняын. Юрөй жувгё, сувтывны ковмывлё, и коркё шусис, мый метөг сійё эськё ылөджык нин воис. А меным пё, вочавидзё, төварышыд колё. Сэки пё ме кыла ас пытшкын кывкутём и ставыс быттё артмөджык. Збыль, шуё. Прамөй йөзыд, унаысь шула, эмось быдлаын. Не кө найё, эськё ок-ок-ок...

Өтчыд вуджим ёна гөрём-пузувтём сён. Тыдаліс, тані вёлёма чорыд тыш. Гёгөр туплясис быдсяма жуглём көрта көлуй. Эжвидзисны усьём снаряжьясысь джуджыд гёгрёс гуяс. Водзын лажмыдик сён. Помланыс нин казялі табак видзан көшель сяма кодьёс. Кучикысь. Степан унаысь гаравліс тшынасьны окота йывсьыд. Нывбабаылён верёсыс табакөн абу вөдитчылёма. А тайё вёлём бива сепыс. Восьті да аддзи: тані ставыс эм би чуктөдём могысь. Пыр и видлі бисё чуктөдны: би киньясыс өдйё и дзирдыштисны. Тайё добра! И унаысь аттьөавлі төдтём мортёс, кыськё войывывланысь, чайта, коді усьёма вөрөгкөд социалистической Рёдина вёсна тышын и усьём бёрас нин со отсалё ловья йөзлы.

Оти асылö воöдчим кутшöмкö ыджыд овмöдчанінö. Посёлок, а гашкö, и кар. Дерт, огö лысьтöй пырны, татшöм овмöдчанінсö бурджык гөгöртны. Но весиг и повнытö колö кужны, не вывтi-асьны. Тадзнад öдйöджык бокöвöй син улад веськалан. Крука-сясны — миян некодлөн некутшöм бумага абу. Ывла вылад öнтя кадö гражданскöй паськöмаыд этша, верстьö йöз öнi фронт вылынöсь, а кöнкö уджалысьясыдлөн «аусвайсыд», паспорт сямаыд, век зептас. Эськö судзöдны кö... Но кытысь? Да и мыйла? Став серти тöдчö, фронт матысмö. Корсюрö гырысь калибра пушкаяс кылöны, самолётъяс юр весьтын лэбалöны, креста самолётъяс, но, овлö, и миян гөрö звездааяс мыччысьлöны. Колö кытшовтны карсö, либö посёлоксö. Мый миян водзын — огö тöдöй.

Мöдiм зэв видзчысьмөн. Оланінтъяс дортi войын ветлыны оз позь. Öнi быдлаын сiдз шусяна «комендантскöй час». Кватитасны пыр жö, юасьны мöдлаын кутасны. Водзын — ёг чукöр. Ыджыд чукöр. Морт судта. Сы сайын будка кодь. Кодкö казялас кö, ми быттьö ёг дорас уджалысьяс. Кутам ёгсö тэчны öтилаясь мöдлаö. Ас костын сёрнитны. Степан сёрнитас украина кыв вылын, ме кывза да дженъыда мыйкö вочавидза. Тадзи и вöчим. Ог тöд öнi, дыр-ö «уджалiм». Некод кö оз тыдав — сулалам, мöвпалам, кодарö водзö мöдöдчыны. Петкöдчас кö ылысь морт, яра уськöдчам миянöс видзысь ёг чукöр вылас.

Но öти кодкö, паськыд бана, дыр видзöдiс миянлань, кодöскö чукöстi, и кыкөн кутiсны матыстчыны миянлань. Полицайяс! Танi? Мыйла? Кыкнанныслөн сояс еджыд кöртöдъяс.

«Аусвайс!» — кылiм горöдöм. Ми сувтiм. Степан паськöдiс кисö, зiлис гөгöрвоöдны, сьöрысь пö огö новлöдлöй. Тадзи и шуис. Полицайяс öд рочсö тöдöны, асьныс украинасаяс либö рочъяс. Паськыд банаыс кинас петкöдiс, мед эновтiм «уджны-мöс». Дыш сылы кывсö шуны. Велалöма ыджыднас лоны.

Мöдöдчим накöд. Кылам, юасьöны: кодъяс? кöнi олам? Мися, ноксям ёг чукöр дорын, виччысям, мед кодкö локтас, и сы пыр медасям уджавны. Локтам ылысь. Сиктнымöс сотiсны. Овны некытөн. Со и корсям удж, мед тшыглы не кувны.

Туй чöжөн гөгöрвоим и аддзим: öтиыс роч морт, сiйö вуджöдчысь, а мöдыс немеч, да нöшта и офицер. Вайöдiсны ыджыд керкаö. Танi комендатура. Офицер-немеч кутчысис телепон трубкаö. Мыйкö кывзiс да довкнитiс юрнас. Миянкöд сэсся эз и сёрнит. Шöр арлыда салдат тойлалiс миянöс кутшöмкö сарайö. Воисны нöшта кыкөн. Эз лыйлыны, но косьöбтiсны некымынысь, усьтöдз, и содтöд чужъялiсны на. Клопкисны-пöдлалiсны öдзöссö. Игналiсны. Ружта-куйла, орчöн Степан матькö. Кузяла киөн юрсянь кокöдз нуöдi. Уналатi доймö, но некытi абу чегöма. Дерт, регыд лыйласны. Мöд ног ог и чайт. Биваös зептысь эг аддзы. Пемыдас корсьны сьöкыд да и вöрнысö дойысла сьöкыд. Биваöдз-ö öнi? Ружтöм шы кылiс и сарай пельöсысь. Миян кодь жö морт татчö сюрöма, и вичмöма сылы, став серти тöдчö, миян дорысь абу этшаджык. Бöрынджык сысянь тöдмалiм: посёлокыс шусьö Староверовка. Буретш танi, посёлок бердас, вöлöма пленö сюрöмаяслөн нöшта öти лагер. Мортыс татысь и видлöма пышйыны. Со и ми веськалiм. Нинöмла вöли танi сувтлыны. Колöма зэв ылiтi кытшовтны. А ми тайкö веськыда лагерас эгö сатшкысьöй. Судьбаыд мый вöчö...

Нөйтөмөн миянлысь ставсө, мый көсйисны, пычкисны. Дзеб-нысө торъя нинөм вөлі. Юөртөмаөсь сэтчө, кытысь пышйим. Немечыд радейтө, медым быдторйын вөлі «орднунг» — пөрадок. Но «орднунгсө» налысь оз вөлөм быдөн пыдди пуктыны. Вич-чысьтөг кутісны кывны лэбысь самолётъяслөн шыяс. Немечьяс шызисны. Сідзкө, миян самолётъяс. Усины медводдза бомбаяс. Муыс сыркмунліс. «Мед эськө миянланьö өти бомба веська-ліс», — пөся вашнитіс вьль төдсаным да чөвтис пернапас.

Сёрөнджык ывлаыс шызис гырысь пушкаяслөн лыйлөмысь. Миянөс вөтлісны сарайысь прикладъясөн тувкөдөмөн, сөмын и кылан: «Шнель! Шнель! Шнель!» Аддзим: ми коддьөмъясөс вөт-лөны орчча баракъясысь, өти горзөм кылан: «Шнель! Шнель!» Чукөртісны, кутісны вөтлыны лыйлан шыяссиянь ылөджык. Чай-тім: асьнымөс лыйласны. Нуөдөны рытывывлань. Но сылань жө и тэрмасьöны гырысь машинаяс, ылын танкъяс лөкысь мур-зöны, салдатъяс восьлалöны, но оз радөн-радөн, а кыздсюрө шлапсьөдöны. «Фашистьясыд пышйöны!» — ставным тайөс гө-гөрвоим. И личөдіс кутшөмакө. Но мый миянөс асьнымөс вич-чысьö?

Германия — Торгау

Эз лыйлыны миянөс. Воссис бөрын: вөлөма ыджыд тыш Курск кар гөгöрын. Та йылысь төдмалім Германияын. Сэтчө вайисны пода новлөдлан вагонъясын. Кузь туйын унаөн мөдаръ-югыдас веськалісны. Чөв усьөм ёртъяснымөс петкөдалам, а ась-ным өдва легам. Дзик вынтөмөсь лоим. Вердісны өтчыд луннас. Вердөмөн позис шуны сөмын ылөсас. Чеччөдісны ловйөн кольö-маясөс, лыдыс миян ёна чиніс. Төдмалім недыр мысти, ми — Торгау карсянь неылын...

Юриkkөд торклім вежайлысь висътасьөмсө.

— А Степан Козачек йывсьыд мыйлакө он гарав. Мый сыкөд лои?

Вежай ышловзис.

— Син водзысь воши сійö. Видзөді-сьмекайті эськө туй чө-жыс, но эз вуджөртлы некөн. Кытчө-мый лои, ог төд. Гашкө, ловъя коли, а гашкө, и эз. Код төдас. Уна йөз пиас воши. Ми өд сзэся и ас вөляөн некытчө эгö вешйылöй. А мортыс дельнөй, өні на казтыла. И сюсь. Чайта, ловйөн коли.

Кузь баракө йөршитісны, орччөн татшөм жө стрөйбаяс. Уджө-дісны асывсянь рытөдз, вердісны, мед сөмын сулыштны вермин кок йылад. Быдөнөс индісны удж вөчны, вөліны цехъяс — көрт удж вөчны, пу удж — сзэні ме и вөчаси, мый тшөктасны. Пет-көдласны, мый колө керны, инструментыд — быдсямаыс, а мый вөчан и кытчө сійö мунас — он төд. Вөлісны цехъяс и му пытшкын. Татчө вайөм йөзсянь, быдлаысь кватлалөмаөсь, ун-джыкыслысь сёрнисө он гөгөрво, ми и төдмалім, мый неылын миянсянь Торгау кар. Кодсюрө шулісны, Енмыс пө видзөма на, мый эгö веськалөй Бухенвальдө, сійö көнкө матын жө. Сзэні нөшта на лөк. Но и татчөс лагерса служакъяссө, немеч ли код-кө мөд, некодөс мортөн он шу. Налы тэ номыр. Татшвартасны и нинөмысь оз кывкутны. Сьökыд тайö кад йывсьыс висътасьны.

Кинояссыд аддылан, а збылыс нөшта на шуштөмджик. И ме бытгы абу нин морт, а кутшөмкө кывтөм пемөс. Вичмылөны сөмын горөдөм да кучкөм. Весиг чужан муой вунліс. Сёрнитны эгө кутөй кужны. Мөвпавны дугдөм. Пөрим скөтө. Дерт, быдсяма йөзыс вөліны, соритісны, удтысисны, весиг Власов армияө, РОА-ө, вөйысисны да мунлісны. Ме некодөс ог дивит. Лагерад понйө пөран. Тшыглуныд вайөдас. Мый сэсся... Енмыд быдөнлы ассыс дон сетас.

Союзник

Мездісны мянөс америкаса союзникъяс. Буретш Торгау кар весьтын найө петісны 1945 вося апрель төлысь помын, тані и вочаасисны мян да америкаса армияяс. Төв ныр моз пырисны союзникъяс мян лагерө, некод, дерт, эз водзсась. Немечъяс пыр и сетчисны. Американечъяс восьталісны барак өдзөсъяс, и ми абу нин пленынөсь. И со, ружйө улын нуөдөны кытчөкө оз нин мянөс, коньөръясөс, а найөс, кодъяс мянөс морт туйө эз пуктывны. Сэсся мянөс, пасибө, вердісны, пельшер видзөдліс, юасисны, коді кытысь, сэні и роч вылө вуджөдысь сюри, и лэдзисны, мунөй пө гортаныд, нинөмысь энө полөй. Войнаыс помасянвийын нин. Меным сухөй паёк сетісны и шуисны, тіян армияыд пө матын, өдйө воан. И мөдөдчи. Паёкыд, дерт, өдйө бырис. Эг вермы кутчысьны, гудйи-сөйи... Да!!! Юрын гөрд звездаа пилотка. Ог вунөд. Лагерас на серамбана том салдат, америкаса, киас бергөдлө пилоткасө, кытыськө аддзөма, кутшөмкө складысь. Ме сылы син улас веськалі.

— Сталин, рашен, Сталинград?— юалө.

— Да,— шуа.

— Презент! Ого! Сталинград!

И шняпкис пилоткатө юр вылө. Но ме и мөдөдчи. Гөгөр Германия, а повны оз нин ков. Лунтыр восьлалі. Туйыд тані уна, өти — өтилаө нуөдө, мөд — мөдлаө. Отарө-мөдарө жөдзөны йөз, а юасьны некодлысь. Быдсямаыс мунө. Быдөн, ме коддьөмыс, зільө өдйөджык усйысьны шуштөм местасъяс. Слабми сэсся. Кокөй оз на прамөя ну. Рытланыс зэрны-буситны мөдіс, йөзыс чинісны, паныд меным восьлалө съөд чужөмбана, ыджыд, ён тушаа американеч, аддза, асланыс формаа. Гажа юра, тыдалө. Весиг код. Шатласьөмөн шавксьөдө-локтө меным воча. Пельпом вылас өшөдөма, бовъялө отарө-мөдарө, турунвиж мышноп, кинас кутыштны зільө, тайкө воштас и ачыс шматкыяс-усяс. Туй пөлөн кустъяс, көтасьөмаөсь, кок улын ва визувтө.

Ме водзын съөд чужөма морт сувтіс. Аддзис звездаа пилоткаөс.

— Рашен! Ол райт!— горөдіс.

Кузь тушаа, ён. Кабырыс картофель пуан чугун ыджда.

— Рашен, рашен,— сөгласа довкйөдла юрөн. Киөн петкөдла: асланымланы муна.

— Ага! Рашен гөрл!— корана горөдіс сійө да гөгөрвоөдіс, коді сылы колө.

Ме и гөгөрвои — роч аньөс корө. Киөс паськөдлі, кысь мем, мися, «гөрлыд», ачым сөмын на мездыси Торгау концлагерысь, и чуньясөн петкөдла, кытысь ме петі.

А негр-салдатыд ассыс дольö, вай пö «гёрлос» и ставыс... Ковмöма сылы роч «гёрл»... Кыскис, трасичаыд, мышнопсыыс ыджыд консерв банка. Петкöдлö чуньнас:

— Гёрл...

И мыччöкодь банкасö. Некрымынысь тадз шуасис. А ме сулала сы водзын, кыв ог нин шу...

Ас садьö вои, куйла туй бокас. Гөгөр ляпкыдик кустъяс, туй пölöныс нюжалöны. Вölöк кодь. Матын морт оз тыдав. Көнкö ылын вуджрасьöны. Юрын жувгö, а сы улын мыйкö чорыд. Гыравыласи. Видзöда: ыджыд консерв банкаыд. Гогнитлі гөгөр, рузумтор аддзи, гаровтi банкатö. Киняулын топöдi. Гортын, сиктаным, ёна бöрынджык, аддзылі татшöм банкаястö öшиньдорса быдмögъяс улысь, кодсюрö черпушка пыдди вöдитöны, öшмöсысь ва босьтöны. Уналы дозмук пыдди вöвлi...

Но сэки... Кывийöн вөрöдыштi вомын. Мыйкö быттö оз тырмы. Чуньöн видлi. Куим пинь оз тырмы. Сiдз нин некрымын и коли, да нöшта на куим пиньöн этшаджык лои. Негрыдлы дышöдöма дöжнасьны «гёрлад», сöтыштöма мем чужöмö аслас чугун ыджда сьöд кабырнас, а сэсса, тыдалö, яндзим лоöма — век жö союзник, суйöма юр улö яй банкасö да и довксöдöма водзö.

Чугун ыджда сьöд кабырсьыс и менам юрöй чугун кодь сьöкыд лои. Но мöдöдчи водзö. Банкасö содтöд тубыртi аддзöм кутшöмкö важ ромонньöн, мед некод эз казав да эз мырдды. Ог вöлі тöд, мать кыв чегны сьöд союзникыслы али аттö шуны, но яйыс банкаас ёна отсалiс мем воöдчыны асланым дорöдз. Кыдзкö восьтi көртторйöн да чуньясөн и сёйи. Асланым военнöй-яс эз на и вердны пырысь-пыр. Юасисны, көнi да кыдзи веськалi пленас. Власовлөн армия йылысь лои гарыштлыны, кужöны мортыдлысь пычкыны «смершад». Бур, мый вермим писькöдчыны кытшалöмсьыс. А Харьков йывсьыд быдөн кывлöмаöсь. Сэни унаөн сюрöмаöсь. Позьö шуны, асланым генералъяс и вöтлiсны ми вокнымöс пленад. Гөгөрбок абу бура думыштöмаöсь. Ышмöмаöсь Сталинград бöрад, со и чорыда öлöдiс немечыд.

А союзник йывсьыд... «Аттö» кыв быттö лöсялöджык шуны. Мед и нажöвитöма лои яй банкасö аслам куим пинь донөн. Мый вöчан. Öнöдз на пуктытöмöсь.

Ас мулань!

— ...Но сэсса öд, вежай, войнаыд помассис. Воин гортад, а танi позис нин и кокниа лолыштны.

Вежай эз пыр вочавидз.

— Ог тöд, мый и шуны. Гортад, дерт, война чöжыс кыскис, мед и прамöя воуйтöм эз артмы. Унаысь вöтөн волi. Ылiад гортыд юрсьыд оз пет. Бурлачитöмыс, томдырся ышмöмъясыс, турун пуктан кадыс. Томдырйи öд збой вöлі, öнитö мый. Кыдзи гижлöма Куратовыд: «Кöть и ышман вöлі быдмиг, жугöдiсны вояс лыдмиг...»

Да-а... И семьяыд, дерт...

Германияд менö ыстiсны матысса комендатураö. Абу пö ылын, воан. Сетiсны кабалатор, а мукöд бумагасö пö сэни сетасны. Бумагаятöгыс пö тэ дезертир. Комендатураын менö гут и

бан бергөдісны. Овмөдісны томана өдзөс сайын, сэтчөс салдатъ-яскөд, найөс йөртөмаөсь неыджыд мыжъясысь лун-мөд кезлө. Вердісны, и сійө нин бур. Союзникыдлөн яй банкаыс татчөс воис, кушмөма, но чунь йывъясө век на мыйкө мында шедө. Та кузя комендатураад менө бара зілісны топөдны: кытысь? коді сетіс? мыйла? гашкө, шпионөн воин татчө? Майор водзө сувтөдісны. Олөма морт. Сылы эськө стопкаасыны да гортас ыджыдавыны. Дзор юрсиа, дзор уска. Дыр чөла ме вылө видзөдіс. Шуө: «Енымс видзөма тэнө». Сетіс колана бумага туй вылө. А сэсся пө мөдөдчан Вөлөгда карө. Шуө: «Контузия тэнад? Бура на видзөдчан. А гортад... Ог төд. Йөзыс колөны. Менам ставыс. Верман мунны».

Вөлөгдаад индісны менө Воркута бердө мыжалөмаясөс видзны. Ме кодъ жө видзсыяс вөліны: кодкө синпөла, кодкө чотө, кодкө, ме моз, контузия бөрын. Войнаыс помассис, йөзсө нем жалиттөг шырисны, сэсся и Япониякөд на война вөлі. Видзам, винтовкаөн қианым, мыжалөм йөзсө. Жальөсь мем найө. Коркө нем думайттөм кыв шусис ыджыдө пуксысьсө өчкаа том лейтенантлы. Аттьө висътав, шуө, мый на лыдө ачыд эн веськав. Төда боевөй туйтө. Чөв ов да служит, көсьян кө коркө гортад воны. А татчө сюрны абу дыр.

«Гулаг» өні шуөны. Сэки татшөм нимыс эз на бергав. Война бөрад вөлі видзчысян, мед эз шусы кутшөмкө ковтөмтор. Йөзыс өта-мөднысө кыйөдісны. Ланьтан да олан. Но веськавлі сьөд син улө.

Нуөда быдса колонна уджъяс вылө. Көрт туй станция бердын рельс улас сиралөм подувъяссө вөлі тэчөны. Воисны. Сэні асланыс ыджыдалысь. А ме чигарка гарті. Шпунькъя-тшынася. Матыстчис өти пукалысь, сійө өд тшөтш менам син улын, и сійөс тшөтш колө видзны. А мортис өдва кок йылас сулалө, бандзибыс нөпмунөма. Оставь пө «сорок». Чигарка помсө кольны корө. Ота-мөдныслысь тадз корөны. Колян «сорок» помсө, матыстчас мөд, корас «двадцать». Кыскыштас тшынсө некымынысь, коймөд локтө: оставь «десять». Сэсся: оставь «пять», а сійө нин өтчыдысь кыскыштны оз тырмы. Но ме и нюжөді нөпмунөм бандзибаыслы «сороксө». Быттьө некод эз казав. Но лагерө йөзсө бөр вайөдөм бөрын сувті гажа юра капитан водзө. Но и горзіс, но и матъкис. Тэ пө абу конвоир, а ачыд «враг народа». Баракас пө тэнад местаыс. Соритөма өчкаа лейтенантыд. А сылы кодкө висъталөма. Вөтліс син водзсыс. Асывнас, палялөма, мем нинөм эз шу, но куті зільны сюсьджыкөн лоны. Дерт, пукалысьяс и өнөдз на жальөсь. Талунъя серти кө, мыжныс унджыкыслөн скөнь абу. Сэки нинөм абусыс пуксьөдавлісны, удтөмөн, гусьөн либө кырымпастөм гижөд ыстөмөн, анонимкаөн. Вөлөмаөсь татшөм йөзыс.

Кык во чөж лагерад лои пуксьөдөмаяскөд орччөн кадсө коллявыны. Личкис войнадырся контузияыс, нинөм эг кут вермыны вөчны. Юрөй бергөдчө, син водзын пемыд. Дутді кывны. Сөрний эз кут артмыны. Заводиті кусны. И погона начальство кинас өвтыштис — менө лэдзисны гортө.

— И тані, вежай, тэ ловзин?

— Сиктад ловзышті. Пенсиятор сетісны. Эг ло дась нянь сөйысьөн. Правитчыны куті. Ас йөзыс, олөмыс кок йылө сувтөдісны. А сэсся өд и ме гөгөр йөз пессьөны-уджалөны во гөгөр

чөж, кынөмпөт перйоны, а ме видзёда налань и яндзим босьтлө. Арлыд серти кө, пөрной мужик на. Окота лои киö босьтны ви-ла, чер, зыр, окота лои зорөд чөвтны, бергавны йёзыскөд олөм шөрас, чолөмавны быд асыв Енмөс аттьоалана кывъясөн, кевмө-мөн, водзё вылө милөсьт корны — аслым, йёзыслы и, дерт, ас семьялы. Быдөнлы. Тадзи Енмыс тшөктө.

— Бур йёзыс тэныд шоча паныдасьлісны. Висьтасьом сертиыд.

— Быдөнөс гаравны он вермы. Но не кө бур йёзыс, тані эськө тіян водзын өні эг висьтась, важөн нин эськө мөдаръ-югыдас вөлі. Прамөй мортыд быдлаын эм, вөчө бурсө — ошкөм оз виччысь. Тадзи и колө овны. Мортыс чужө бур вөчны. И ве-жай туйө кө нин, содта: тэ кө Енмыскөд, сідзкө, и Енмыс тэ-көд. Бласлө Кристос!

И аслад позйыд овлө көдзыд

Вежайлөн олөмыс и ас чужан сиктас эз артмы колана ногөн. Епрөсь чожинь, тадзи ми шулім вежайлысь гөтырсө, тэрыб вө-раса, косіник туша-мыгөра ань, война чөж виччысис верөссө, мед и некутшөм юөр сылы эз волы. Но и усьөм йылысь бумага эз жө волы. Быдтор удитліс вөчны, уджаліс колхозын асывсянь сёр рытөдз. Уджалан кадсө колхозад вөлі лыддьоны шонді петөм-сянь шонді пуксьытөдз. Торъя нин страднаяс дырйи. Отнасөн быдтіс кык пиös, Михайлөös да Ольөös. Михайлөыс — ыджыд-джык вокыс. Ольө суөдіс сійөс, но кык вок өта-мөдсьыс ёна эз торъявны. Война бөрад олөмыс дыр на эз личав, и, дерт, сьөкыд вөлі. Сэсся норась көть эн, быдөн олісны тшыг нисьö пөт.

Кокняммыштіс семьяыслөн олөмыс, кор вежай, Опрөсь чо-жиньлөн верөсыс, воис гортас. Вежайлы, вермө көть оз, быть лои кутчысьны уджө. Керка-картасө вильмөдіс, скөт лөсьөдісны; быдлаө кийс вежайлөн сибавліс. Оттшөттш контузияыскөд зіліс венласьны. Рытьяснас лыддьысьны кутіс радейтны. Мый киас сюрө, сійөс и лыддьө. Миянө унаысь воліс, кутшөмсюрө книгаяс миян вөліны, босьтліс гортас. «За компанию» тшай юигмоз варо-витіс, и рытыс кызкө лөсьыда кольліс. Миян ай-мам, дерт, сі-йөс пыдди пуктылісны. Некутшөм радио оз ков: вежай сы мында ветліс-адзыліс, кужис висьтасьны, и рытивбыд кывзан, ньөти он дөзмы, мөдарө, окота, мед эськө водзө сувтлытөг висьтасис. Став семьяөн радейтлім сійөс кывзыны. Вочасөн казялім: гортас кымын водзө, сымын эз кут сійөс кыскыны. Но юасьны абу лөсьыд.

...И со, кутшөмкө кад мысти олөма мортлөн ставыс бергөдчис мөдаргут. Торксис олөмыс вежай семьяын. Гозъя дугдөмаөсь гөгөрвоньы өта-мөднысө. Епрөсь чожинь, йөз висьталөм серти, пыр тшөкыджыка мөдөма кыпөдны гөлөссө верөсыс вылө. Чир-зөмөдз воліс. Кыкнан пиыс быдмисны, но кыкнанныс лоины шушкыль кывъяөн. Да и ас сертиныс торъялісны мукөдсьыс, и откымынъяс, на йылысь сёрнитігөн, видзчысьмөн бергөдлісны чунь помнаныс көсичаас. Но гораа некод эз дивит. Вөліны ёнөсь, уджачөсь. Эз дышөдчыны. Мамныс, дерт, медводз казяліс накөд нелаdnөторсө и кутіс скөравны верөсыс вылө, тэ пө таысь мыжа. Тэнад рөдын пө вөліны торксялөмаясыс. Зыксьөмыс лои быд

лун, весиг лыддысьны радейтөмсö вежайлысь чожиньным лё-
кöдны мöдiс. Гоз-мöд книга вежай киысь мырддылис, косявлiс
да пачас шыбитлiс. Вежайлөн оланногыс вежсис. Öнi сiйö лыд-
дысис гусьöн, пöдвöлöкаас либö овтöм жыръяс. Сиктад öд век
вöлины кык жыр — тöвся и гожся, гожöмнас олöны югыдджык
жыръяс, сiйö и ыджыдджык, а тöвнас — ичöтджыкас, кöнi сö-
мын öти либö кык ичöт öшинь.

Кузь кад чöж велöдчи бокын, сэсся и куим во чöж армияын
вöли. Галя чой, миянысь дзояджык, висътасис сэкся олöм йы-
лысь. Век пö полi, медым чожинь эз сот миянлысь книганымöс.
Вежай воывлöма миянö, ёнджыкасö, медым кольны лыддыöм
нин небöгсö да босътны кутшöмкö выльöс. Водзтi уна книгаыд
эз вöв, лыддысьлим библиотекаын, а бöръя воясö книга чукöр-
тöм лои модаөн. Кык вок ми разалiм, и книгаяс чукöртны мöдiс
Галя чойным. Ачыс сэсся велöдысьöн лои. Нöшта на кык вок
вöлины сэки, Галяысь на дзояджыкöсь. И со, Галя кутiс повны,
чожиньным пö казяс да сотас миянлысь книганымöс. Сылы
öд веськодь, кутшöм небöг сотны. Чожинь эськö и эз вöв миянлы
паныд, и зыртчис быдсяма ногыс сöмын вежай вылö. Шуасис
пö быдсяма ногыс: и пеж чужöм, и пельтöм мутöй, кор верöсыс
сьöкыда мöдiс кывны. Гортын олöмыс скöнь эз кут лоны, шогсис
вежай. Да нöшта и Михайлö писö пуксьöдiсны тюрмаö ай-
мамыслысь керкасö сотны заводитлöмысь. Йöзыс казялöмаöсь
да юöртöмаöсь. Бисö эськö сяммисны кусöдны, дзоньталiсны
сотчöминьяссö, но Михайлö письмöын öлöдöма гортсаяссö, пета
пö дзескыдiнсьыс да быть сота, помöдзыс нин. Юрнас, тыдалö,
збыльысь матайтчöма. Öльö вокыс, ичöтджыкыс, кыдзкö-мыйкö
олiс, но олöмыс эз жö артмы. Со и Öпрöсь чожинь ставсьыс
мыжалiс верöссö, вежайнымöс. Нимыс лои вежайлөн — пежгаг.
Тшыкöдiн пö олöмнымöс ставнымлысь.

Вежай дорйысьлис Галя водзын, ме пö öнi контузия вöсна
ёнджыкасö горт гөгöрын бергала, зырийөн да куранөн вöдитча,
а ытшкыны ог нин вермы. Пенсия воö, сiйö көть неуна менö
дорйö да видзö. А лыддыся пö гусьöн, мед гöтыр эз казяс,
книгасö сарайын турун пытшкö сюя. Сэтысь корсьны оз слöй-
мы. Менам пельöй, а сылөн синмыс слабмыны мöдiс. Кодлөн
мый. А скöрлуныс оз быр. Да мый и вöчны...

Со татшöм олöм пуксис вежайлөн. Та выйöдз ставыс сылөн
дзугсис. Сiйö тшöкыдджыка кутiс воыны миянö. Гортас эз кут
овсьыны. И эз кыскы сэтчö. А воас миянö, пукалыштас, берга-
лыштас керка гөгöр, вöзъяс мыйкö верманатор вöчыштны, тайөн
оз дöзмöд.

Айö менам сэки уджалiс сиктсöветын, мамö дöзёритiс кол-
хозса куканьясöс. Лöня олiмöй. Юöртлiсны коркö, вежай пö
кутöма корны, мед айö отсалас овмöдчыны пöрысьясöс видзан
керкаö. Сэтшöмыс вöли Куниб сиктын. Айö шыасьлис кытчö ко-
лö, дыр нинöм абу артмöма. Вежай шогö нин уси, некутшöм
олöм пö менам эз ло, быть колö кытчöкö мунны. Сэсся коркö
и, пывсян бöрын юыштiгөн, шуöма, а вот пö босьта да öшöдча
тiян со этiйö кыддзас. Мамö кинас швуч-швач, он жö пö öд,
вежайö, миян вылö эта ыжда грек көвъяс. А кыддзыс тайö
миян дзик керка водзын. Быдмö-красуйтчö. Вежай и чöv усьöма.
Ланьтöма.

Куниб

Коркө төдмалі, вежай Кунибын нин олө. Дыр кад мысти босьтөмаось вермытөм пөрысь-инвалидъяс керкаө. Ме уджала карын. Сиктө воывла. Кадыс унакодь коли, но некыдз ог слөймы веськавны Кунибас, эг на и вөвлы тані. Но коркө и веськалі. Гожөм пом нин вөлі. Командировкаысь воигөн машинаөн кежим сыланьө. Өдйө и аддзим олөма йөзлысь оланінсө — кузь керка, өти судтаа, гөгөрыс — мича вөр сулалө. Лун шөр бөр. Пыри. Пытшкас лөнь. Некымын пөчө пукалөны телевизор водзын, чөла видзөдөны. Коридор кузялаыс уна өдзөс тыдалө. Юалі еджыд калата анылысь вежай йылысь, овсө да ним-вичсө висьталі. Ань пыр и индіс өдзөссө. Эз кут юасьны: коді, мыйла, кытысь? Воывлөны, сідзкө. Пыри индөминас. Некымын крөвать. Шуйга-ладорса крөватяс, аддза, вежайө пукалө, чөла видзөдө өшиняс. Сійө луннас зэрис и пуяс вылысь тєпкисны ва войтьяс, тшөтш и өшинь саяс войталөмыс кыліс. Керка вевтсянныс. Веськыдладорас вежайсянь куим (а гашкө и, нель — вунөді нин) крөвать, тыдалө, сэні узылөны жө, но өні некод абу, петөмаось, оз тыдавны.

Ме видзааси. Вежай бергөдчис мелань. Чужөмыс пыр и югдіс. Аддза, нимкодь мортыслы, и менам нюмө петө. Ас морт, рөд, вежай. Индіс кинас орчча крөватьө, пуксы пө. Сэні шебрас улын — морт. Дорыс прөст. Видзчысьөмөн пукси. Кутім сєрнитны вежайкөд. Кытысь-мый? Кыдзи аддзин да кыдзи гөгөрвоин воны та ылнаас? Зіли вочавидзны вежайлөн став юасьөмыс вылө. Тані, мися, өна лөсьыд тиян, вердөны-видзөны, телевизор эм, медсестраяс ветлөдлөны, врач, дерт, эм. Эм пө врачыд. Аддзан со, и век сійө тиянкөд орччөн, оз ков ылө мунны. Гөгөр сөстөм, лөнь — ов да ов! Сідз эськө да, вежай шуө, сөмын гажтөм. Лючки-ладнө кө ставыс вөлі, лөсьыд и гортад. Гөгөр ас йөз. Быд керөс, быд видз, быд сєн, төдса вөрад любө восьлавны. Слава богу, өні и сиктад некод оз тшыгъяв. Да мый со вөчан, вежа пиө! Став олөмөй менам гута лои. И нинөм вөчны он вермы. Да и эбөсөй бырөма нин.

Ме видзөдлі гөгөрбок и кыски «дипломат» портфельысь водка сулея да этшаник лөсялана нур сы дорө. Гусьөнпырысь, дерт. Видзөдлі вежайлань. Сійө гөгөрвоана нюммуныштис, индіс, кисьт пө этійө стөканас. Сы водзын, тумбочка шөрас сулаліс стөкан, но сэні, джынийөдзыс кымын, еджыдаліс йөв. Юалана видзөдлі вежайлань... А ничево пө, кисьт. Озджык казявны. Ме и кисьті. Юыштис да дзебис вайөмторйөс. Ми варовмим. Ме водзө висьтаси сиктаным олөм-вылөм йылысь, төдса йөз йылысь. Казьтылі клубө мунігөн сы ордө пыралөм йылысь, сур йылысь, мыйөн вежай гөститөдіс сэки, клубас сэк эг и воөдчы. Төдса нылөй важөн нин верөс сайын, челядыс ыджыдөсь, верөсыс прамөй, уджач, оз ю ни оз курит. Вежай дась вөлі кывзыны рытөдзыс, но менө машинаын виччысисны. Узысь морт дорысь вешйышті, мися, ог-ө дзескөд. А он пө, шуө вежай. Сійө пө час-мөд сайын, тэнад вотөдз, куліс. Ме тайкө эг чеччышт пыр жө. Көдзыдсө мортсянныс куті кывны. Пукав, пукав, лөньөдө менө вежай. А мортсө пө регыд нуасны дзебны. Бур морт вөлі. Миян со и казьтылөм артмис.

Кутшөм нин сэн пукалөм! Ме сии вежайлы став бурсө, мися, пырала на, кор лоо позянлуныс, да регыд и петі. Волі, видлі...

Мөдысь волөм Кунибө менам артмыліс на. Волім Ольо пиыскөд. Арлыдаджык сыысь Микайлө воыс йылысь тюрмаяс бөрын нинөм эз кывсы. Ая-пия нормисны да варовитісны синва сорөн. Кольлі найөс ас кежсыныс. Янсалігөн вежай ёна корис копыртчывны миян сиктнымлы да висьтасьны төдсаяслы сыкөд аддзысьлөм йылысь. Мыйкөдыра ола на пө...

Вежай дорысь петігөн нин казялі шемөсмөдана серпас. Дзик стен пөлөныс, кузь коридорас, өта-мөдыслы воча матысмисны ньөжйөникөн кык олөма морт. Öти коксө вештасны, сэсся мөдсө. Ёна нин слабитөмаөсь. Стенсыс вешйыштны некоднанныс оз вермыны. Но воча, воськов бөрся воськов, дугдывтөг матысмөны. Öтиыслөн пинджак морөсас орден-медальяс, мөдыс — татчөс паськөма. Сэсся сувтісны воча и оз төдны, мый вөчны. Ме шөйөвошлі на вылө видзөдөмөн, но сэсся матыстчи югыд морөса ветеран дорө — сійө сьөкыда кашкис-лолаліс. Видзчысьмөмөн босьті киняулөдыс да вуджөді воча сулалысь ёртыс дорті. Öні вермасны водзө мунны. Ветеран өдва кывмөн аттьөаліс. Чуньнас индіс орден-медальясас. Сталинград пө. Мыйкө, тыдалө, пасйө, кутшөмкө кадпас олөмас.

Мөдөдчи машиналань, и век на син водзын сулалісны тайө кык олөма мортыс.

Бөркыв пыдди

Некымын во мысти вежайө кувсис. Кунибас. Ёна корөма, медем кулөм бөрас сійөс ас сиктас дзебасны. Лои сідз, кыз сійө көсйис. Война чөж пө ас сиктысь гажтөм вөлі. Сыктыв юсө казтыліс, паськыд парма-ягсө, семьясө, но шудсө аслыс тан эз и аддзы. Колины бур морт йылысь казтылөмтьясным. Талунгя лунсянь видзөдөмөн, унаторйө колө вежайлысь велөдчыны. Кутшөм олөм вуджис...

Вежайлөн керкаыс сиктын öні на сулалө. Гөгөр вьылөн потшөсалөма. Но абу нин сійө ни вежайлөн, ни Öпрөсь чожиньлөн. Ылыс рөд пө олө. Вежай кувсьөм бөрын регыдөн синтөмис чожинь. Колляліс ассыс нэм помсө пөрысьяс керкаын, эз Кунибын, а кытчөкө мөдлаө овмөдөмаөсь.

Олөмыд быдөмлөн аслас. Öти. И татчө нинөм содтыны.



Любовь АНУФРИЕВА



Выль кывбуръяс

* * *

А.Ш.

Коді нӧ татшӧм
дзирыд лысвасӧ
ӧшлӧма турун сі вылас,
Алёна?..
Некодлы висътавтӧг,
ӧтлаын
вай кытшовтам гӧгӧрбок
и аддзам сіӧ мортсӧ —
тыдавтӧмсӧ...
мед сіӧ лоланым
койыштас мич
и мед тайӧ Югыдыс
кодкӧлы дзирдовтас
кывбурӧн!

* * *

Абу енӧж ме...
абу му...
Кымӧр чир...
турун сі...
Гашкӧ.
Ачымӧс корсьны
эг куж.
...Рытъя кыаыс
гӧрдсьыс-гӧрд.
Гашкӧ, талун ме
олышта
кыаӧн?

* * *

Лыа вылө
беддён
гижті
шонді часі.
Ассьым кадөс.

* * *

Эм-ө изйыслөн сёлөм?
Ог төд.
Эськө окота вөлі төдны
кыдзи сійө
вермасьö кадыскөд...
Менам сёлөмөй тай
оз куж-а...

* * *

Олөмад
ме
дас витөд из*.

* * *

Кор меын косьмис
вильшасьысь юыс,
ыджыд из мыччысис.
Некод оз вешты сійөс.
Сөмын выль ю,
гашкө,
выннас тойыштас.
Но ылө-ө?..

❖ ❖ ❖

* Японияса садйын 15 из, найөс тэчөма сідзи, мый өти некор оз тыдав.

Рөмпөштан*

ПОВЕСЬТ

* * *

Сиктас воём бөрын Дарья юалис Игорлысь, аски пö мый пондан вöчны. Мöдыс пырысьтöм-пыр и вочавидзис:

— Ме аски босьта документъясöс да лэчча карö, кута корсьны удж.

— Бать-мамыдкöд сэсся он сёрнитлы?.. Найö öд абу сöгласенöсь. Тэ, сідзкö, öкöверт мунап сиктысь, нинöм выlö видзöдтöг?

— Даш, ме жö тэнö ог неволит... Тэныд тані бур, уджалан окотапырысь... Планъясыд со кутшöм гырысьöсь да, буракö, и совхозыслы ёна коланаöсь... Уджав. А меным тані нинöм вöчнысö. Тайö уджыс менö ньöти оз кыскы, но вот дзик ньöти... Тэ та-йöс верман гөгөрвоны? И некод менö оз вермы тувъявны тайö удж вылас. Мыйла меным быть колö тані овны да уджавны?

— Дерт, лолыд кö нин оз лэпты, сьökыд тані овнытö. А мыйкö, гашкö, позьö вежны? Мöд ног видзöдлыны удж вылад, олöм вылас, асьным выlö, со этійö ичöt мортыс выlö.

— Даша, ме жö тiянöс мырдөн ог нуöд. Олöй тані. Патераыд абу лёк. Елька садьö нин ветлöдлö, удж вылад оз кут сорасьны**.

— А тэ он кöсйы казавны, мый миян семьяным киссьö?— юалис Дарья. Сійö эськö эз кöсйы каймöстны та йылысь, виччысис, мый Игорь ачыс панас сёрнисö семьяөн олöм йывсьыс. Даша пыр на чайтiс, мый сы коддьöм мужичöйясыслы семьянас олöмыс ёнджыка лöсялö, öд Игорь радейтö, мед гортас ставыс вöли дась, сöстöм, пуöма-пöжалöма... Гашкö, сійö кöсйö бать-мамыскöд овны, а аслас семьяыс ньöти оз дзугльöдлы-майшöдлы. А гашкö, оз и лыдды семьяөн да, и оз кöсйы овмöдны Дарьяöс Елюккöд бать-мам дорас.

— Мыйла киссьö? Вай кыкнанным мунам татысь. Корсям уджсö карысь. Ме чайта, сюрас уджыд, да и бать-мам отсаласны. Патера эм. Но öнi тэныд оз на ков татысь вөрззыны.

— Меным, дерт, зэв жаль кольны ставсö. Сы мында нин лои вöчöма. Да и йöзыс сэтшöм вежавидзысьöсь, гөгөрвоысьöсь, уджачöсь... А медся жаль лабораторияыс. Öд сэнi эськö асьным кутiм экспериментируйтны: выль быдмөгъяс быдтыны-сöвмöдны, наука выlö подуласьöмөн аслыным коланаöс да туянаöс лöсьöдны,— сьölöмсянныс висьталiс Дарья.

— Ме тэ моз жö чайта... Тэныд оз на ков мунны тась пырсö. Видлы збыльмöдны думъястö, практикуйт... Ме чайта, лабораторияс и ачyd унаторийö велалан, и йöзсö бöрыннас велöдан. А сэсся и диссертацияöдз воöдчан.

* Заводитчöмыс 2012 вося 4 номерын.

** Сорасьны (диал.) — мешайтчыны.

«Со өд, пыр удж йылысь сёрнитам. А көнөсь нө асьным? Семьяным? Радейтөмным?»— мөвпыштіс Дарья, сэсся шуис:

— А тэ он көсйи меным таын отсыштны? Көть нин сійөн, мед орччөн лоны, муса мортөй,— кутыштіс Игорёс Дарья.

— Ме жө кута воливлыны ті дорө тшөкыда-тшөкыда, видзөдны, кыдзи ті оланнды, кыдзи Елька быдмө-сөвмө...

«Сідзсө өд абу шыбитана морт,— мөвпыштіс Дарья, но Игорён шуом быд кыв емөн моз чутйөдліс сылысь сьөлөмсө.— Талун, сөмын талун ыло став тайө кывйыс, сёрниис... Аски лоас мөд ног. Ставыс өшгяс «гашкө» да «видзөдлам» ыло. Сэтшөм өмөй кокни мывкыда Игорөй? Оз пыдіа мөвпав олом, семья, удж йывсьыс... Оз көсйи асьсө сьөктөдны. Сылы, гашкө, и семьяыс на оз ков... Оз на шымырт ыджыд радунөн, оз вөрзөд сьөлөмсө...»

Тайө мөвпыс быттьө дзенөбтіс Дашалы юрас, весиг пеляс чунгыштіс... Сёрни бара эз артмы. Чөв-чөлөн водісны узыны.

Асывнас ставөн өттшөтш петісны гортсыс. Елюкөс батыс нуөдіс садйө, Даша мөдөдчис удж вылас.

— Тэ талун лэччан карас?— юалис мунігмозыс Игорлысь.

— Да. Документгястө, көнкө, оз ковмы дыр чукөртны, өти конторасыд. Дыр-ө и гижны приказтө?

Эз коль и кык час, Игорь пырис Дарья дорө. Зэв кыпыд руа:

— Ме сідзи и чайті, мый менам мунөмлы паныд оз лоны. Да и законыс ме дор. Куим восьыс дырджык нин лои уджалөма.

Дарья эз төд, мый шуны. Обидаыс пөдтіс ловсө, но эз нин көсйыссы нинөм корны ни вөзйыны...

— Но, Даш, аддзысьлытөдз... Ме звөнитла тиянлы, кыдз-мый сэні артмыны кутас,— кыпыда сёрнитіс Игорь. Сійө эз дзеб нимкодълунсө, быттьө лэчкысь мынөма. Видзөдліс часі вылас, тэрмасьмөмөн окыштіс Дашаөс и муніс...

Игорь петөм бөрын регыд мысти пырис Алевтина да өдзөс дорсянныс и юалис:

— Муніс?

Дарья весиг чурмуніс виччысьтөмысла:

— Коді муніс?

— Игорыд. Удж вывсьыс чөвтчөма и. Меным Пётр Иванович висьталіс,— водзө нуөдіс сёрнисө Алевтина.— Сэтшөм виччысьтөг муніс!

— Эз кажитчы сылы уджыс,— кайтыштіс Даша.

— Даша, тэ эн дөзмы ме ыло. А сійө висьтавлывліс тэныд, мыйла оз кажитчы да кутшөм удж воө сьөлөм вылас? Өд кадыс тырмымөн вөлі, позис нин куим вонад мөвпыштыны,— сьөлөм-сянныс дивитіс Игорёс Алевтина. Думсьыс сійө көсйис лөньөдны Дарьяөс, мед эз өна нормы да усь шөгө.— А карас кыськө адзөма нин уджсө?

— Эз нинөм висьтавлы. Өдвакө кытчөкө шыасьліс на. Батыс эз сет сөглассө, өна скөрмис да, но, буракө, отсалас кытчөкө пырны уджавны, индас...

Алевтинали жаль вөлі нывьёртыс. Өд Дашалы ковмас өтнаслы быдтыны Елюкөс, веййөдчыны быдлаө... А сиктад гожөмнад уджыд помасьлытөм...

Дарья лунтыр ноксис-мошкоритчис теплицаын уджалысьяс-көд, сёрнитіс-варовитіс, и гортас вотөдз некор вөлі мөвпыштынысө ас йывсьыс. Сэсся ветліс нылысла детсадйө. Елька зэв

нимкодя паныдаліс мамсө, пырысьтөм-пыр восьтіс шкапсө, босьтіс көмсө да пуксис лабич вылө көмасыны. Сійө радейтіс ачыс пасытасыны, көть эз на ставыс бура артмы.

— Елюк, со нин кутшөм тэ авъя менам,— ошкис нывсө Дарья.— Зэв нин бур да ыджыд.

— Да,— шуыштіс Елька. Сэсса мыйкө нөшта на тельөдіс, но сійөс мамыс эз гөгөрво. Елька сувтіс да кутіс корсьны папсө:— Папа?— видзөдіс мамыс вылө.

— Папаяд муніс карө, регыд локтас... Талун кыкөн лоам тэа-меа,— ышловзис Даша.

Гортас воисны да, сылы нөшта на гажтөм лои: быттё керка-ыс тыртөммөма. Дарья курыда нюмъевтіс, гажтөма видзөдіс гөгөр, чөвтліс синсө креслө вылас, көні пыр пукавліс Игорь да лыддысис. Сьөлөмыс дількмуніс... Дарья некор эз шогсьывлы тадзи, көть эськө унаысь кольывліс өтнас: шойччан лунъясө Игорь тшөкыда ветывліс карө, а өти гожөм шойччис Ялтаын.

«Мый нө тайө мекөд лои?»— весиг повзис Дашук. Керкаас сулаіс шуштөм чөв-лөнь, дзик быттё кулөмаөс петкөдөм бөрын... Даша дугдывтөг сёрнитіс Елькакөд, медым вөтлыны керка пытшкөссьыс тайө лөньсө:

— Öні ми Елькакөд мыссям да лөсьөдам ужын. Елька көсйө сөйыштны, мед ыджыда быдмыны да лоны мамаыслы отсасысьсөн. Да?

— Ольга бабушөс вайөдам, Елька!— Дашук быттё ловзис тайө мөвпсьыс.— И сылы любө лоө олыштны миянкөд.

Дарья ылаліс тайө мөвпнас: «Збыль, пока ловъя ыджыд мам, өти рөднөй морт, коді гөгөрвоас менө да отсалас. Вайөда, а то пөда татчө».

Эз кө вөвны Елькаыс да удж йывсьыс помасьлытөм мөвпъясыс, нинөмөн эськө лои лолавнысө Дарьялы, сьөд руөн топөдіс гөгөр, весиг керкапытшса пельөсьясыс чайтсисны пемыдөн, быттё би югыдыс сэтчө эз веськав.

Кодкө торкөдчис өдзөсө. Эня-ныла восьтісны. Пырис Алевтина.

— Даша, со ме йөвтор вайышті Елькалы, да мамө зэв чөскыд пирөгъяс ыстіс тіяны. Кутам чай юны, а Елька — йөв. Юан?— босьтіс мездорас нывкаөс Алевтина.

— Да,— шуис Елька да топөдчис сы бердө.

— Елька, шу, тётя Аля, аттьө,— тшөктіс Даша.

— Атя,— шуис Елька.

Кыкнан нывбабаыс ёна нимкодъмисны. Алевтина окыштіс Елькаөс:

— Вот и шань нывка, сёрнитны велөдчө, вот и шань.— Сійө пуксьөдіс Елькаөс пызан сайө да ачыс тшөтш пуксис. Даша ваяліс сөянторъяс.

— Сянь,— шуыштіс Елька.

Нывбабаяс небыдика серөктыштісны, видзөдісны өта-мөд выланыс да сывъясисны. Даша эз нин вермы кутчысьнысө да шытөг бөрддзис нывъөрт морөс бердас топөдчөмөн.

— Бөрдышт, бөрдышт, Дашенька, личөд сьөлөмтө, эн кут пытшкад... Көть эськө Елюкыд дырйи оз ков бөрднытө... Мамыд-лөн бөрдөмыд челядыды зэв страшнөйтор... Сійө кырлөдлө налысь сьөлөмсө, вурьсыяс сэтчө кольө... Ме ас серти төда...

Челядыд мамтö кылöны став пытшкöснас. Найö мам лов шы улас и олöны-быдмöны,— шуалис ньöжйöникöн Алевтина.

Дарья тöдiс, мый Алевтина вит арöсöн кольöма бать-мамтöг. Батыс вөр пөрöдiгөн веськалöма трактор улö... Мамыс ёна жалитöма-бёрдöма. Сэсся регыд и ачыс чорыда висьмöма да мунöма таладор югыдсьыс, эновтöма нывсö. Алевтинаöс быдтöма-öсь тьöткаясыс ыджыд мывкыда да бур сьölöма мортөн.

Алевтинакöд öтлаын уджавны заводитöм бöрын Дарья öдйö и велалис сы дорö, пондiс сöветуйтчыны удж кузяыс. Öнi кывзiс сийöс и эскис: оз ылöсас шуав Алевтина, ас пырыс мунöм лов-кылöмыс петö-вöзйысьö. И Дарьялөн быттö личмуныштiс лолыс, сьölöм поткöдан дойыс чинiс.

Дыр пукалiс Алевтина Даша дорын. Уна буртор висьталiс школаын биологияыс велöдысь йылысь. Тайö велöдысьыс вайöддывлiс челядсьö лабораторияö, и бöрыннас уна нывка кутiс волывлыны отсасыны теплицаясын. А лабораторияс Дарьякöд тшöтш нуöдiсны опытьяс быдмөгъяс вылын, видзöдiсны торъя уджтас серти быдмөгъяс сöвмöм бёрся.

А град выв пуктасъяс кöдзиг-идралiг кө ковмылiс отсöг, Дарьялы пыр отсасисны сиктсаяс, и мукöддырйиыс аслыс уджыс эз кольы. Дарьяöс сиктын ёна пыдди пуктiсны да шуисны шурыд мортөн: сылөн пö и чегöм вужъя рöсадаыс ловзьö да быдмö.

— Ме гөгөрвоа, Дашенька, уджыд да семьяыд абу öти путш-пöлын, көть и гартчöны-кыссьöны орчöн. Семьяыд йиджтысьö сьölöмад торъя местаö, ловтö кыпöдö-бурмöдö,— шуалис Алевтина,— дерт, бур семья кө... Ме öд сöмын сизим класс помалi да психологиястö эг велöдлы, и мый аддза да гөгөрвоа, сiдзи и сёрнита и олöмсö донъяла. Гашкö, мыйкö чорыдджыка шусяс, но мöд ногсö оз позь. Со тэ ёна шогö усян, Игорыд мунiс да: семья киссьö. А эм-ö семьяыс, Даш? Тэ öд уджнад и олан, уджыд и кутö-пыкö тэнö, да Елька, зарни тусьыд. Игорыд сiдз прöстö... быттö патераын тi ордын олö...

— Гашкö, ми Елькакöд сы ордын патераас олам да... Со тай, пышйис сэсся миянысь...— шуис Дарья да курыда нюмдыштiс.

Алевтина быдөн нимкодъмис сылөн кывъясыс: «Лöняс, бура-сяс Дашук. Елька да уджыс содтасны олан вынсö. Да и ачыс оз сетчы шогыслы, абу сэтшöм Дашук, оз куж няргыны-элясьны, тырмас сямыс кутны этшсö».

* * *

Игорь мунöм бöрын Дарья эз усь сьölöмнас. Сийö ёнджыка кутiс зильны удж вылас. Но морöсас коли кутшöмкö тыртöмин, быттö розялöма да тöлыс сы пыр ветлö. И Даша сэтшöма вöйтчис уджас, мый Елькалы мойдöм пыдди тшöкыда висьтавлiс ассьыс ылö водзö чуксалысь мөвпъяссö.

Звöнитлiс Домна Вавиловна, висьталiс, мый Степан Иванович иналiс пинысö лесхозсянь вөр вöдитöм экспедицияö. Аски Игорь петас туйö. Кутас уджавны гожöм чöж и сентябрсö тшöтш. Мунöны зэв ылö, кытчöкö Нюмлöд вөръясö, туту йылас. Игорь оз тöд, кор вермас волыны гортас. Тшöктö висьтавны муса нывбабаясылы ыджыд чолöм. Ёна гажтöмтчö наысь. Волынысö на дорö абу нин кадыс. Домна Вавиловналы жаль лэдзны пиуксö

экспедицияс. Бур, ворад ачыс ёна ветлөдліс да, тәдә, кыззи көмөдны-пасытөдны Игорөс.

Домна Вавиловна неважөн ветлөма видлыны Ольга Степановнаос. Тшөктөкодъ босытны сійөс Дашалы сиктас, өтлаынто пө гажаджык лоө. Патерасө көсйө видзөддывлыны. Да и суседъясыс Ольга Степановналөн бурөсь. Гашкө, гожөмнад совхозад оз сетны шойччан лунъястө да, Домна Вавиловна көсйө ачыс воыывлыны Степан Ивановичкөд внучкасө да моньсө видлыны.

Дарья мөвпыштис ыджыд мамсө сиктө вайөдөм йылысь да быттө лөныштис ловнас. Аслыс весиг яндзимкодъ лоис, өд важөн нин позис тайөс вөчны. А Домна Вавиловна, гашкө, поліс Дашенька вөсна, да сійөн и вөзйис ыджыд мамсө босытны. Мичаник да том өтка нывбаба дорад өд кыскө мужик рөдтө.

Ольга Степановна регыд мысти и воис сиктө овны. Сэки Дарьялөн оломыс бөр пондіс ладмыны. Найө быд рыт уна сёрнитисны, казыгылісны мамсө, и Дарья быттө бөр веськавліс челядыдырас. Но тшөкыда уськөдліс дум вылас Игоркөд оломсө, и сылы чайтсис, мый Игорь и водзынджык, и өні, мунөм бөрас, пыр быттө вөлі саймовтчөма кутшөмкө ру пытшкө, и сійө руыс эз и воссый, пыр торйөдіс, ылыстис найөс.

Даша коркө висьталіс та йылысь ыджыд мамыслы. Ольга Степановнаос эз и чуймөдны сылөн кывъясыс.

— А ме гөгөрволі. Эз вөв тіян костын онялан шоныдыс. Сійөн и вөлі Игорыд ру пытшкын. Эн сибава тэ сы дорө... Энө лоөй ті өти вир-ййөн кодъ, энө сөльнитчөй өти войтө, кыззи велөдө Библияыд. Игорыдлы гөтырыд колө ыджыдджык туйө пуксысыс, уставитан сяма, мед кывзысыны сылысыс, служитны. Тэ сійөс чайтін ас кодынад жө. Абу сійө тэ кодъ сөстөм лола... Сысянь быдторсө поэь виччысыны, бурсө и лексө. Сійө радейтө сөмын асьсө и оз көсйы пыдди пуктыны медся матысса йөзсө, тэнө, нывсө... Тэкөд сылы зэв лөсьыд овнысө: нинөм он кор, он ыждава сы вылын, он няргы. Оти кыв на сылы паныд эн шулы... Тэ, нылука, эн лөгась ме вылө, ме өд век ставсө веськыда шуа да.

Дарьялы эз көсйыссы лёкөдны Игорөс, да юаліс Ольга Степановналысь:

— Ыджыд мам, а ыджыд батъ некор эз соссыывлы, ставсө век висьтавліс тэныд?

— Висьтавліс кө-а. Думъястө өд ме ог төд, а сёрнитис пыр веськыда. А сьолөм вылас кө мыйкө эз во, пыр и өлөдліс, эскөдліс, мый абу ме прав. Сійө өд эз аслыс сөмын ов, радейтис йөзтө, бур сьолөма вөлі... Сійө и менө пыр велөдіс сідзи жө овны. Ми пө обществоын олам, и оз ков йөзсө кедзөвтны. А прөступитчас кө, колө индыны да бура гөгөрвоөдны өшыбкасө. Некор эз видчыв, маматө эз пинявлы ни. Коркө, кыла, сёрнитөны батя-ныла (мамаыдлы ар 5—6 вөлі): «Тэ, Антонина, лёка талун олін. Мамаыдысь эн кывзысь, чачаястө эн идрав местаас, кыз шедө разөдін да сідзи и колин... А мый сэсся лоис, аддзылін?»

— Да,— зэв лөня шуис мамаыд.

— А мый аддзылін?— бара юаліс батъыс.

— Мама удж вылө тэрмасис... Төдлытөгыс чужйис жугалөм будильникад — сійө куйліс джоджын, эг идрав да. Будильникыс...— бөрддзис мамаыд.

— Но вот, бөрдан өні, асытө жалитан, мый будильникыс коктө дойдіс, гөгыльтчис да... А мамыдлы кутшөмджык вөлі сэки, тэнө вирөдз дойдіс да? Ачыс бөрдіс. Мам сьолөмыд челядь вөснаыд медьёна доймө... А мыйла тадзисө лои?

— Ме вөсна,— бөрдіс мамыд,— эг идрав чачаясөс да...

— Öнi гөгөрвоин, Тонюк?— босьтис ыджыд батыд маматө мездорас.— Некор эн вунөдчы, мый öти лектор чужтө мөдөс, мөдыс — коймөдөс... и сідзи став бурыс вешйө, бырө... Миян колө бурсө видзны, бурыс и вайө бурсө...»

— Ме сэки тшөтш топөдчи на дінө, видлала мамыдлыс коксө: ыджыд ранаыс, а өд кор йоднас мавтім, мамыд сөмын «т-с-с» шуыштис. Сэсса сылы некор эз ковлы кыкыс шуны, мед мыйкө вөчас. А доймөмсыд некор эз бөрдлы. Война вылас ранитчөмсыс кутшөм дой терпитис, дитяй, некор эз норасылы со, мед миянөс шөгө не уськөдны... Тi нин бура олөй, видзөй öта-мөднытө. Дорйисны мам-батыныд тiяны бур олөмсө, да видзөй сийөс, кутөй асынытө колана ногөн.

Зятсө дум вылас уськөдөмсыс Ольга Степановналөн бара доймыштис сьолөмыс, да ань веськыда и шуис:

— Ог төд, Игoryдлөн мыйкө артмас оз-а. Чайтан, мыйкө быттьө көсийө олөмсыс, а оз төд, мый. И оз зиль төдмавын, корсьны, аддзыны. Ыджыд батыд эськө шуис веськыда — дыш сийө, оз көсий уджавны. Том, дзоньвидза, специальносът эм... А му вылад оз позь овны уджавтөгыд. Тшөкыда вөлі вайөд-лас апостол Павелыдлыс кывъяссө: «Если кто не хочет трудиться, тот и не ешь».

— Лениныд сідз жө шуліс,— содтис Дарья.

— Лениныд өд апостол бөрас нин шуис, гашкө, сы гижөдыс и босьтис. Ыджыд батыд эз радейт дышгьястө да дыр узьысыастө. Видз-му уджалысьыдлы пө колө водз чеччыны да сөрөн водны. Сэки и олан. Сэки и Енмыс отсалас бура овны, няньөн да скөтөн. Тэ тай эськө, нылукө, ыджыд батыд рөдө и мунөмыд да, уджтө радейтан да зiя уджалан, нинөм абу энөвтөма да эндөдөма. Ыджыд батыд эськө кутшөма нимкодясис тэөн. Сылы ёна сьолөм вылас воисны му радейтыс йөзыд. Быд лун вөлі мусө рад окавын, торья нин тулыснас, кор муыс шоналө, ловзьө, выль урожай вайны лөсьөдчө. Ыджыд батыд тшөкыда кутліс мусө китырас, ме пө өд мусыс жө вөчөма и муыс меным сетө дзоньвидзалунсө. Со, шуас, китырад шоналас муыс, да весиг пө ог казав, мый кийн мыйкө эм. А кыткө дойдас кө вөлі вирөдз, рана вылас дуль сорнас пуктас мусө да видзыштас вирыс дугдытөдз. Некор некутшөм йод ни көртөд эз ковлы. Сідзи эскис муыслөн бур вынө. Енлөн пө муыс.

* * *

Игорь воис карө пажын бөрас нин. Сийө ньоти эз дзев нимкодълунсө мам-батьсыс, мый сэтшөм кокниа мыні совхозыс. Приказас вөлі гижөма, мый Сорвачёв Игорь Степановичөс лэдзөма отпускө, а сэсса лоө мездөма удж вывсьыс. Батыс видзөдліс приказсө да эз вермы не крукыштны Игорөс:

— Дерт нин, отпускө. Аддзан-ө, кытчөдз мездөма весь олiгад, кокыс оз новлөдлы.

Дөзмөмысла Степан Иванович петіс керкасыыс, пинжаксö чөвтіс да. Сійö эз чайт, мый пиыс татшөм регыдөн мездыяс уджсыыс. И öні тэрмасьöмөн муніс лесхозö: сәні чукөртісны экспедицияö таксаторьясöс. Степан Иванович төдіс: экспедиция-ас босытлывлöны отсасысыясөн мукöд специальносъта йöзöс, и надейтчис, мый Игорь сәні справитчас. Да и төдса йöз сәні уджалöны, оз öткажитны. Сідзи и лои. Софронов весиг эз юав Сорвачёвлысь, мыйла пиыс вежö уджсö. Тшөктіс ыстывны Игорöс асьсö кабалаяснас. Аскомысь пö чукөртла став мунысьсö — индöдьяс сета. Ставыс пö квайт морт лоö.

Сорвачёв корис Софроновöс, мед уджöдас писö ставнысьсö моз жö, оз жалит да пöтакайт:

— Эн родöй, тшөктöй вöчны быд удж, кутшöмöс ковмас. Абу дзик йöй. Висыталанныд, кыдзи да мый, гөгөрвоас, вöчас... Оз кө кут вöчны, ыстöй бөр, мед оз гартчы кок уланыд. Мед төдö, мый мортыслы аслыс колö öтвечайтны, йöз водзас и ас водзас.

Гортас Сорвачёв висыталіс Игорлы, мый аски документьяснас колö ветлыны лесхозö, а лун-мöд мысти туйö нин петны. Ужын бöрас Домна Вавиловна быттьö дзик төдлытöгыс паніс сёрни таксаторьяслөн удж йылысь. Сійö дыр уджаліс вөр овмөс тайö юкөнас да вöлі мый казытыштнысö. Тшөкыда сувтöдліс син водзас енэжöдзыс кыпöдчысь нэмөвöйся пожöма-ния сора вөрьяссьö.

— Ме кө уджала на вöлі, кутшöм эськö лөсьыда уджалім мама-пия өтлаын,— жалитіс писö Домна Вавиловна.

— Дерт, сідз. Эськö мамыд ставсö ас вылас босытис да вöчис, дась велалöмвылысь... Тэн эськö, пиук, жель эз ковмыв бергöдны, ставыс дась вöлі,— эз вермы кутчысьны Степан Иванович.— Тэ, Домна, вай сет вöлясö пиыды аслыс мөвпавны да вöчны... Мед ачыс корсяс асьыс морттуйсö да уджавны велöдчас. Йöзыс быдөн уджалöны да уджалігас и аддзöны асьыныс коланлунсö, олөмас да уджас местасö. А тэ, пиö, эн лыдды асьтö век на дас вит арöсаөн, кызь витланьö матыстчан, быдтысьны заводитін,— Сорвачёв быд кывйөн зілис эскöдны писö, мый кад нин верстяммыны да заводитны вöчны мыйкö коланаös да туянаös.

Сэсся гозья дыр төлкуйтисны Игорлы, мый таксацияыс — вөр донъялөм: вөр запас ыдждаыс, кер кызтаыс, кузьятаыс, кубометр лыдыс. Игорь зэвсюся кывзис, эз көйы янöдны батымамсö төдса йöз водзаныс да.

* * *

Гожөмбыд Игорь уджаліс экспедицияын да сентябрсö на ставнас: вöчис өтчөтьяс, аддзысьліс вөр лэдзан предприятиясөн веськөдлысьяскöд. Сійö зілис сьөлөмсяныс уджавны, унатор төдмаліс. Юрас весиг визнитліс мөвп велöдчыны вөр инженерö, водзö нүөдны баты-мамыслысь уджсö... Октябрь заводитчигас нин сөмын воис гортас. Батыс пыр и ветліс Софронов дорас. Эз кулит Игорöс Софронов, пöслукман пö и культурнöй, мывкыда, бур пиös пö быдтөмныд.

Игорь гөгөрвоис, мый лөкөдны сійös некод оз кут, öд уджаліс усяра, зіля. И батыс лөняс, оз понды крукасьлыны. И гашкö,

оз кут пыксыны Ялтаӧ ветлӧмысь, ӧд экспедицияс Игорлы ёна мудзыс сюрис.

Збыль, Степан Иванович лэдзис писӧ Ялтаӧ, а Домна Вавиловна нӧшта нин дай, весиг вӧзйис корсылыны сэтись уджсӧ. Тшӧктис ветлыны Ялта гӧраясса Вӧр заповедникӧ, Никитскӧй ботанической садйӧ. Ӧд сэнӧ и Дашенькалы тшӧтш вермас мойвины уджнас. Домна Вавиловна думсьыс ёна нин лӧсьӧдчис мӧдӧдлыны Игорӧс Ялтаӧ шойччыны. И эз весиг думыштлы, мый пиыслы медводз колӧс гӧтырыскӧд шойччӧм сертиыс сёрнитлыны.

Домна Вавиловналы дум вылас усис Кондратий пӧлыс. Сійӧ зэв стрӧга шуасьлис гозъя олӧм йывсьыс. Домна Вавиловна радейтис пӧльсӧ, пыр орччӧдӧлис ен ув пельӧсын ӧшалысь Саваоф ӧбразкӧд, ӧд пӧлыс сэтшӧм жӧ еджыд кузь тошка да кузь юрсиа. Сылӧн вӧлі зэв аслыспӧлӧс сынан: плавкӧс лыысь вӧчлӧма. Зэв шыльыд, паськыд пинь костъяса. Домна Вавиловна радейтис тайӧ сынаннас шыльӧдны пӧлыслысь юрсисӧ, тошсӧ. И ассьыс юрсисӧ сынавлӧс сійӧн.

Кондратий пӧлыс ёна пыдди пуктис семьясӧ и радейтис, но ныв-пиыскӧд и быд ичӧт морткӧд сёрнитис верстыӧкӧд моз. Босьтас китыс сӧмын на таджыасьны заводитӧм да ас ногыс мыйкӧ шуалысь дзоля мортсӧ да новлӧдлӧ сійӧс, мыйкӧ висьтавлӧ, петкӧдлӧ, юасьӧ. Некодӧс эз дивитлы кужтӧмысь: кӧсйӧ кӧ моргыд вӧчны — велалас, а оз кӧ велав, сідзкӧ, дышӧдчӧ. А гӧтырсӧ лыддис аслас джынйӧн. Гӧтрасьтӧдзыд пӧ мужичӧйыд джын морт, а гӧтрася, да гозъяыд «одна плоть». Библияда пӧ сідзи и гижӧма: гӧтрася мужичӧйыд да «прилипнет к жене», оз кут ковны сылы мам ни батъ, и лоасны гозъя кызди ӧти морт, ӧти вир-йй.

Вунӧдӧлис нин Домна Вавиловна Кондратий пӧлыслысь тайӧ тӧлкуйтӧм-велӧдӧмсӧ. И ӧні юрас друг воис мӧвп: колӧ тшӧтш мӧдӧдлыны Ялтаас Игорлысь гӧтырсӧ да нывкасӧ. Сӧмын вот арыс нин талыліс, да сэнӧ, гашкӧ, ыркыд октябрнад, купайтчынысӧ кӧдзыд лоӧ.

Рытнас и панӧс тайӧ сёрнисӧ Домна Вавиловна:

— Игорь, тэ кор мӧдӧдчан Ялтаас?

— Удждонӧс кӧсйӧны сетны куим лун мысти. Буракӧ, октябр дасӧд лунӧдзыс сетасны. А мый?— чошкӧдчис Игорь.

— Кадыс тай эм на... Дашенькаыдлӧн ӧд ӧні сезоныс помасьсӧ жӧ нин. Кызвын урожайсӧ идралӧсны нин, кӧнкӧ, меститисны. Лэдзласны сійӧс отпускас. Ӧглаын и ветлӧй, Елюнька да. Купайтчынытӧ, гашкӧ, ыркыд лоӧ-а. Вайӧ звӧнитлам Дашенькаыдлы, ӧні ӧд, кӧнкӧ, гортасӧсь нин, кӧкъямыс час да.

Ок, кутшӧма эз кӧсйы Игорь та йылысь сёрнитнысӧ! Сійӧ став пытшкӧснас нин лӧсьӧдчис ветлыны ӧтнас, ас вӧлясьыс овны, мед некод эз гӧграв-бротъяв дінас. Игорь эз чайт, мый мам-батъыс пондасны тшӧктыны ветлыны семьянас, да эз и мӧвпыштлы некутшӧм помка, мед ӧлӧдны найӧс Дашаӧс корӧмысь. Сійӧ став тушанас зэлавліс, а сесся нурбыльтис:

— Мама, ми жӧ другъяскӧд мунам, куимӧн... Билетъяс вылас заявкасӧ сетӧма нин, сизимӧд лунас ваясны Сергейлы.

— Другъяс кыськӧ лоӧмаӧсь! А Дашаыдлы, думайтан, абу окота шойччыштнысӧ?— шыасис Степан Иванович.

— Ме чайта, Дашаӧс бара оз лэдзны. Коляннас тай эз лэдзны,— посйысис Игорь.

— Сэки өд вөлі гөра-көдза кад. Кыдзи агрономос лэдзасны быдса овмөсысь? Да и Дашенька, көнкө, ёнасө эз кор, гөгөрвоо өд. Оні, ме думысь, оз өткажитны, висьталас Даша, мый семьяон мунанныд да,— эскөдіс Домна Вавиловна.

— Но, мама, кыдзи нө ме оні вежа сетөм кывйөс? Кодөн нө менө кутасны лыддыны сэсся, кута кө өча-мөчаасыны?— дорйысис Игорь.

— Да, пиө, өча-мөчаасымыд зэв мисьтөмтор, торъя нин семья водзад. Гөгөрвоан тай, вөлөмкө,— велөдіс сійөс Степан Иванович.

— А семьясө мыйла татчө йитанныд?— скөрмис Игорь.

— Оз, дерт, ков тэ дорө йитны семьятө. Сорси ме, пиө, прөстит. Тэнад өд абу семья, Подоровъяс найө, Подоров Рафаил-лөн да Антониналөн ныв да внучка. А Дарья — сійө, тшук, друг видзысь нывбаба дай. Тадзи на йылысь көсьян шуны?!— пузис Степан Иванович.

— Тэ, папа, век медся лөсявтөмторъяснас сирасян... Друг видзысь... Ми, куим во нин регыд лоө,— гозъя...— дөзмис Игорь.

— Гозьяылөн овыс өткодь: гижсьөны да олөм визьсө өтсөг-ласөн нуөдоны, а оз тэ моз: «Ме муні, а тэ кыз көсьян!»

— Папа, пыр өмөй сэсся кута овны тјан индөдъяс серти? Ме, гашкө, мөд ног көсья?

Дыр кешлө пуксьыліс чөв-лөнь. Куимнанныс, буракө, вөйт-чисны асланыс думъясө. Домна Вавиловна бара казътыліс пө-льыслысь кывъяссө...

Сорвачёв эз виччысь писяныс татшөм вочакывсө да оні өд-ва кутчысис горзөмысь... Колө морттуя сёрниөн гөгөрвоодны пиыслы сылысь шыбелитөмъяссө. Дерт, абу любө, кор пөрнөй мортлы индалөны, мый вөчны. Но өд Игорь ачыс оз казая, ку-тшөм лёка, кокни мывкыдөн көсийө овмөдчыны, нинөмө пуктө гөтырсө, нывсө. А гашкө, оз и көсийы гөгөрвоны, мый сійө гөтыра и челядя морт нин. Ёртъясыс сылөн быттө абуөсь и: некод оз звөнитлы, пыравлы. Пөдругаясөс быттө оз жө видз и...

Нинөм эз кут гөгөрвоны Сорвачёв. Ёти питө эз тырмы сямыс быдтыны төлка, мывкыда мужичөй мортөн. А кык-куим кө вөлі? Сэк, гашкө-й, бурджык на вөлі: өта-мөдсыс эськө видзчысисны, родыштисны да авъяджыкөн быдмисны... Колө мездысьны тайө дзугсыс. Сорвачёв некор на та выйөдз эз шөйөвошлы. Но коліс помавны сёрнисө, мед мыйкө гөгөрвоны и, кыдзи ачыс шулывлө, тшукны кутшөмкө озынө, а то таdzi павъялігад дзикөдз кылалан...

— Игорь,— заводитіс Сорвачёв,— ме видзөда да, тэнад мөвпъясыд зэв кокниа бергалөны. Вот уджалыштін, пөльза вылө лоис уджалөма, и мынтасны, ме чайта, оз этша. А тэ, көнкө, эн на и мөвпыштылы, уна-ө лишөдан гөтырыды да нылыды... Али чайтан, не быть налы торйөднысө? Дарья уджалө, ачыс вердас-пасьтөдас ассыс нывсө?.. Тайө өти. А мөд-кө, таdzi торйөн да өта-мөдтө ловнад кывтөг олөмыд вермас чорыда, нем жалиттөг ылөдз шатовтөдны. Окота лоө бөр косны бөрийлөм озынад, да он нин сійөс аддзы, кырөдас ойдлан ваөн... Дзөръявны и колян... Тэ тайөс көсьян? Татшөмыд зэв өдйө артмас... Сөмын вот Елькалөн быд документын «Бать» весьтас ичөтик визьтор лоө... Дарья эськө ачыс батьтөг жө быдмөма, но сылөн эз вөв визьтор, а зэв төдчана гижөд: «Усьөма война вылын». И помнитө нылыс батьсө, көть и вывті ичөтөн на кольлөма, казътылө, гор-

дитчö, оз янöд бать-мамыслысь паметьсö... Вот, Игорь, муса пи, ме таdzi донъяла тайö комсö, а тэ сэсся ачыд төдан... Висьтасян тай верстьö мортөн... Ме чайта, мортыслы кö кызь арнас эз «öшйöдны» мывкыдсö вежöрас, сьölöмыс сьлөн чорыд да кöдзыд...

Домна Вавиловна чöв пукаліс. Верöсылөн кывъясыс вөрзьö-дісны сьölöмсö, нормöдісны. «Сёрөн, сёрөн, Степан, пондім велöдны пинымöс... Ачыс пö со пёрной морт... Кодарсянь матыстчан?»— мөвпаліс сійö да кевмис, мед жö отсалас Енмыс бура овны Игорыслы. А сэсся мый Домна Вавиловна вермис вöчны? Сійö став олöмсö нин сетіс пиыслы.

— Папа, быдөн тай кызкö олöны... Ми кутам жö зільны бура овны,— шыасис Игорь, а сэсся содтіс:— Тэ эськö он эскы меным да... Ме нинöм водзвыв ог и кöсйысь. Олöмыс петкöдлас...

— Да, да, олöмыс петкöдлас... Абу али мый нö сійö тэ сыйын? Абу мый тэ ассыйд олöмтö кутысь-нуöдысьыс?.. Вот и сёрнитчим,— помаліс Степан Иванович. Сэсся уповод чöв оліс да шыасис гöтырыс дінö:

— Домна, нылö, вай юктöд миянös чайөн, ассыйд мужикуловтö, госпожаой менам,— да топöдыштліс сійös ас бердас. Степан Иванович төдіс, мый Домналөн нимыс латинскöй, роч вылö вуджöдсьö «госпожа». Но некор сідз эз шулы гöтырсö, пыр видзчысис: господин-госпожаястö эз пыдди пуктивны, да эз нин зіль кодсюрöлысь пельсö сьöдмöдны. А талун жаль лоис гöтырыс, тшöкыда кутіс висьöдчыны да, öдöлитö вөрк висьöмыс. Сэсся и майшасьöмыс бөръя кадас тырмис.

Оз кут Степан Иванович көритны гöтырсö Игорь вöсна. Öні писö горзёмөн ни ньөр-тасмаөн он велöд. Ачыс пö со верстьö... Оз кö тырмы аслас төлкыс, олöмыс да бур йöзыс велöдасны...

* * *

Куим лун мысти Игорь босьтіс рöштшöt. Мыйтакö колис гортас Дарьялы сетöм вылö. А мунан рытьяас звöнитліс сылы да висьталіс, аски пö нин муна Ялтаö, жалитіс, мый другъясыс билетсö босьтöмаöсь сыкöд сёрнитчытөг и оз нин слöймы волены муса нывбабаяс дорас...

Тасянь, буракö, и заводитчис Игорлөн пörъясян-правдайтчан тупыль панасыс, а сэсся пыр ыдждіс, гартовтіс бать-мамсö и семьясö, и бөр разьсьöм вылö быри став лачаыс...

Степан Иванович мöд луннас муніс удж вылас, а Домна Вавиловна висьöдчис, и Игорös некод эз вермы колльöдны. Тайö сылы буретш лöсяліс: эз ковмы петкöдлыны бать-мамыслы абу-тöм другъяссö. Игорь муніс плацкартын, вылыс джадж вылас. Кöсйыліс ньöбны билетсö купеö, да думыштіс: öткодь узыньтö да лыддысьынтö, кöть купеын, кöть плацкартын.

Мыйөн вөрзис поездыс, Игорь пыр и муніс проводник дінö вольпась көлуйла. Проводникыс вöлі том морт. Зэв сибыда шыасис Игорь дорö:

— Тэрмасын водны?.. Войсö лёка узин, колльöдчин?

— Ог эськö тэрмась да, мед лöсьöдчаласны йöзыс вöляпырысь, меститаласны көлуйнысö,— вочавидзис Игорь.

— Вольпасыс сэнi, со бельёыс,— мыччис көлуйсö проводник, босьтіс Игорлысь билетсö да пасйис, кытчöдз мунö.— Кузь

лоо туйыд. Коркө пырав ме дорө, варовитыштам,— шуис да мыгчис кисө Игорлы.

Модыс серөктыштіс да воча мыгчис кисө:

— Игорь.

— Тьозкаяс тай ми,— шуис проводник,— гашкө и, тшөтшгьяс? Меным 27.

— Меным 25 тырө,— вочавидзис Игорь.

— Но, пыравлыв ме дорө, кор прөст лоа,— шуис проводник.

— Позьө,— сетіс сөглас Игорь, босьтіс бельөсө да муніс ас местаас. Зэв өкуратнөя вольсасис, сэсся пөрччис ботинкисө, пинжаксө да дөвөльпырысь нюжөдчис мыш вылас, шебрасис эшкыннас. «Со көні вөляйс»,— мөвпыштіс. Öні сыөдз некодлы мог абу: куйлы, узь, лыддысь... Книгасө восьттөдзис Игорь дыркодь казтыліс бать-мамыскөд сёрнисө: көсийс гөгөрвоны, дөзмис эз на вылө. Обидитіс-ө бать-мамсө, сійөс эз майшөдлы: өд ассыс олөмсө олө, на олөмө оз суйсы.

Рытнас Игорь ветліс выль төдса дорас. Найө дыр пукалісны, варовитісны өттор-мөдтор йылысь, юисны чай. Игорь Петрухин вөлөма Симферопольсь, помалөма ПТУ, уджалыштөма электро-мөнтөрөн, а татчө ёртгьясыс корөмаөсь ыджыдджык удждон вылө. Стрөйтчө, көсийө гөтрассны. Сорвачёв висьталіс, мый сійө зоотехник, но уджыс оз во сьөлөм вылас, көсийө вежны. Эм гө-тырпу. Игорь мыйлакө эз гарав кага йывсыйс.

Мөд лунас найө бара аддзысьлісны. Сорвачёв радліс, мый бур морткөд төдмасис, а Петрухин сюся видзөдіс сы бөрся, зі-лис гөгөрвоны, кутшөмджык сійө морт, туяс оз «делө» вылө. Коймөд луннас Петрухин воөдчис сёрниө, ме пө ньөби зэв бур итальянскөй свитер, верма пө вузавны тэныд, а аслым выльөс судзөда. Ме пө ньөби 65 шайтысь, а сета 55-ысь; дас шайтсө кызди бур мортлы козынала. Тані пө татшөмтө оз вузавны.

Сорвачёвлы яндзим вөлі босьтны дөнтөммөдөм свитерсө, көть эськө ёна воис сьөлөм вылас. Но Петрухин мырдөн корис пась-тавыны сійөс.

— Со кутшөм бура тэныд мунө, красавец-мужичөй лоин,— ошкис Петрухин.— Вот тайөн и щөгөляйт. Кыв сета, некодлөн Ялтаад татшөм свитерыд абу.

Сорвачёвлы окота лои төдны, вермас оз эськө сійө уджавны проводникнас, да юаліс та йылысь. Петрухин видзөдліс сы вылө донгялана синмөн да шуис:

— Проводникнад бурджык уджавны сэтшөм мортлы, коді век кужас кольны правөн. Сідзкө, быд комысь колө петны шмонь да серам өтсөгөн. А тэ, видзөда да, яндысьысь, родысь. Видлыны, дерт, позьө. Первой ичөт рейсө, а сэсся, артмас кө, ыджөдчыны. Видлы. Шуам, Симферополь—Джанкой—Херсон либө Днепропетровск. Менам öні вит лун прөст, ветла көрт туй управлениеас да юасьла. Эм кө местаыс, кызд тэныд юөртнысө?

— Көсья öні вежон кыксө шойччыштны саридз дорас, рөдня-көд аддзысьлыны. Ме эськө саридз дорысь жө локті да, но сійө мөд пөлөс — веж коргья-лыска парма. Миян өти ыджыд поэт парматө коми саридзөн шуис кывбурас... А Ялтаын менам адре-сыс татшөм: Улыс Магарач, 8 керка.

— А коми саридз дорад?

— Сэні Сыктывдін, Поляков улича, 92 керка, 12 патера,— вочавидзис Сорвачёв.— А тэнад кызди адресыд?

— Симферополь, Базарной эрд, 95 керка, 14 патера,— вись-таліс Петрухин.— Милости просим. Ветлам мянэ, олыштан сэні, ме буретш гортын лоа. И управлениеас ветлам, сёрнитчам лёсялан кад вылё...

— Аттьо, тызё, зэв ыджыд. Но менэ виччысьоны... Ме телеграфируйтлі. Паныд локтасны троллейбус дорас... А тэ вот мен сет поезд расписаниетэ Симферополь—Сыктывдін рейс вылас.

Петрухин гижис блокнот лист вылё, косяліс да сетіс Сорвачёвлы:

— Тайо гожсяс на. Вежсяс да, выльсё ыста.

Сорвачёвэс Ялтаын радпырысь паныдаліс рөдняыс, быдтор юасис. Лариса тытыс эз вермы кутчысьнысэ да казытыштіс:

— Тэ, Игорь, мыйлако тай бара отнад? Али век на жөникалан? Гөтыраон тай нэ висьтасьлін? Тадзтэ, зонмэ, и ылавны абу дыр... Нывбабаясыд ода зэв лютэсэ отка мужичёй вылад... Да и мужичёйыдлөн гөтыртөгыс кодзалэ жэ синмыс.

— Лариса тыот, ме абу сэтшөм,— серөктіс Игорь.

— Кызди мамыдлөн дзоньвидзалуныс?

— Бөрк вылас норасё.

— Мамтэ март помланыс быть колэ татчэ вайөдны. Сэки шоныд нин лоэ. Сылы колэ тырвийэ прөйдитны бурдөдчан курсэ. А сійэ корсюрэ сөмын и уськөдчылас татчэ. Со бара нин во эз воы. Сылы аслас дзоньвидзалуныс веськодэ, сөмын тэ вөсна и олё, пешитчэ.

— Мама, буракэ, звөнитлөма?

— Звөнитліс.

— Мыйкэ тшөктіс висьтавын?

— Нинөм торъя эз. Надейтчэ, мый регыд бөр воан семьяыд дорэ,— тшөктана төдчөдіс тытыс.

— Ме татысь удж көсъя корсылыны, аслым и Дашалы. Медводз Никитскёй садйэ и ветла... Дашалы, гашкэ, и мойвиас,— дорйысянмоз висьталіс Игорь.

— Вот тайэ сёрниыс лөсяланаджык,— ошкыштіс сійэс тытыс.

Игорь кык вежон оліс-гулайтіс Ялтаын. Ветліс Никитскёй ботаническёй садйэ. Юасис агроном удж йылысь... Уджыс, дерт, эз вөв: Ялтаад уджавнытэ быдөн көсйө...

Коймөд вежонас Петрухин локтіс Ялтаэ. Сійэ висьталіс Сорвачёвлы, тэнэ пэ босытасны проводникөн Симферополь—Джанкой—Херсон линия вылё. И вежон мысти пэ колэ локны Симферопольэ көрт туй управлениеас.

Сорвачёвлы лоис зэв нимкодэ: со кутшөм төждысьыс морт Петрухин, весиг кадсэ оз жалит, Ялтаөдз воліс...

И заводитчис Игорлөн ас вөляөн олом да удж. Медводдза рейсас сыкөд веськаліс мунны Херсонөдз Петрухинлөн төдсаыс — Володя. Сэтшөм жэ төждысьыс, зілис отсасын Игорлы быдторйын. И Сорвачёв кокниа и пырөдчис уджас. Бөрсэ локтіс ас кежыс, быттьо пыр и уджалөма проводникөн... Зілис сёрнитны пассажирьяскөд вежавидзөмөн, сёлөмсяныс. Документъяссэ лыддис сюся, мед не сорсыны. Кор поездыс бөр воис Симферопольэ, Игорэс зэв кыпыд нюмөн паныдаліс Петрухин.

— Но, тызё, сёлөмсянэ чолөмала медводдза рейсөн! Вот и

лоис «боевой крещение»! Но висьтась, кутшöма ветлн-мунн,— шмонлива да кыпыда сёрнитис Петрухин, зилис петкöдлыны Игорь вöсна тöждысьöмсö.

Сорвачёв нимкодпырысь висьталис ассъыс медводдза ветлöм-сö. Тöдчис: уджыс ёна воöма сьölöм вылас. А рейс-мöд-коймöд бöрын Игорь дошлöйджыка нин кутис асьсö, збоймис. Öнi кöть и ыли рейсö мöдöдасны, оз пов.

Куим-нель рейс бöрын Петрухин вöзйис Сорвачёвлы мунысьсö, сэсся ыстис кодлыкö чемодан: Херсонын пö купеад сыла пыралас мужичöй. Öтчыл Петрухин ачыс ветлис Херсонöдз, тöд-мöдис Сорвачёвöс Андрейкöд да шмонитыштис:

— Тайö öслöпаныс зэв бур морт, дельной,— тапнитис мышкас.— Прошу любить да жаловать. Кутас тэкöд аддзöдчывлыны Херсонын...

Тайö лунсянныс Игорь быттьö суныштис кутшöмкö вабергачö: быд рейсын ковмылис аддзöдлыны кодöскö, мыйкö нуны-вайны — сумка, чемодан, дипломат, кутшöмкö кöлуй... Быд пöрийö сийöс аттьöавлисны — мынтысисны «конвертөн», эз прöста «уджöдны». Унаысь ковмылис нуан-ваянторсö вайлыны патераас. Патерасö сылы Петрухин жö индис — овмöдис тьотка ордас ичöтик жырйö. Кöзйякаыс, зэв бур нывбаба, ас овмöснас öлис-бергöдчис, челядыслы ёна отсасис, уджалис ковёр кыан артельын. Игорлы крöвать дорас пыр и пуктис ичöтик ковёр, небыд, мича. Сьöмсö эз и босът, козин пö, а патеруйтöмсьыс сёрнитчисны мынтысьны.

Сорвачёвлы воис сьölöм вылас аслас öнiя öлöмыс: пыр выль йöзкöд тöдмасын, сьöм воыштö. Весиг слöймöдчис ыстыштны Дашалы. И кадыс визувтис öдйö, быттьö öтарö-мöдарö ветлöдлысь поездыс каттис кадсö. Со нин январ пом. Домна Вавиловна гижис пиыслы письмö, март помас пö вола Ялтаö бурдöдчыны, Елькаöс пö тшöтш вайöдла гожöм кежлас, мед купайтчыштас саридзас. Батьыд пö уджалö. А неважөн ветлим видлыны Дашенькаöс да Елюкöс. Öлöны бура. Ольга сваттыс на дорын жö. Дашенька тырöма уджөн, некор весиг юрсö гыжйыштны. Öнi лöсьöдчöны зэв ыджыд совещание кежлö, октябрь тöлыяс пö лоö, урожай идралöм бöрын. Видз-му уджалысьяссö пö чукöртласны некымын обласът-республикаысь. Дашенькалы тшöктöмаöсь лöсьöдны доклад лаборатория котыртöм серти. Выставка вывсьыс Дашенька лöсьöдчö ньöбны лабораторияс оборудованне. Совхоз пö сьöмсö кöсийö вичмöдны куим-нель сюрс.

Домна Вавиловна письмö помас юасис, кор лоö Игорлөн отпускыс да дыр-ö, гашкö пö, поэяс ставнымлы аддзöдчывны Ялтайн, Лариса зэв ёна корö да. Дашенькалы письмöсö тшöктис гижны тшöкыдджыка, мед пö оз гажтöмтчы...

Игорь эськö кöть гижас, но нинöм йылысь торъя: пыр öти пölös мунöм-локтöм, нуöм-вайöм кутшöмкö да. Öтчыл сийö юалис Петрухинлысь новлöдданторьяс йывсьыс. А Петрухин шуис Игорöс товароведөн да бара шмонитис:

— Уна ветлан, а этша тöдан, тьöзö. Мед, сідзсö бурджыка узьяс. Гудрасьöмсьыд öд тöлктö он жö аддзы... Ов да уджав, кызди мöдöмыд,— тапнитис мышкас.

Мартнас Степан Иванович вайöдис Домна Вавиловнаöс да Елькаöс Ялтаö. Ачыс олыштис вежон мында да бөр мунис. Чайтис, пиыс волас аддзöдчывны. Но эз артмы. Сийö кадас Игорь ветлöд-

ліс Харьковё да Днепропетровскё. Звонитліс мам-батьыслы, корис ёна прөститны. Весиг од отгульяссё эз сетны, отлаодасны пö отпуск дорас.

Отчыд Сорвачёв дорё локтіс Петрухин, тьоткаос пö видлыны вои, кутшөмкө гөснечьяс сылы пыртис, сэсся пырис Игорь жыр-йö, топыда пöдлаліс öдзөссö да шуис:

— Вот мый, тьöзö, ме тэн шуа: эн лөгась, а сумкаяснад идö-радзык вöдитчы. Аслад купеад эн некор видз. Быдсяма йöзыс од эм. Астöгыд пыраласны, да төварыдлысь бөжсö он аддзыв. Пассажирьяс купеас пуктывлы, көні этшаджык көлуяось. Вагонад тэ көзяин. Висьталан йöзыслы, лишной белльö ли мый ли, и мед сумкаыд сэн куйлö. Гөгөрвоин?— сувтöдліс синсö Сорвачёв былö. Мöдыс быттьö весиг йöжгыльтчыштліс, но нинөм эз шу.

Петрухинкөд сёрни бöрын регыд и пыраліс купеас формаа морт. Сöмын Сорвачёв эз гөгөрво, тайö следователь али таможняса уджалысь. Көйялан синнас сійö дзөркнитліс Игорь купеö, быттьö вирдыштіс синнас. Сорвачёвлөн мышку кузяыс юзнитіс. Бур, сійö вевъяліс нин сетны Андрейлы сумкасö поездыслөн полустанокö сувтлігөн.

Игорь пöгибö воис: «Буракö, кутшөмкө контрабанда котырö веськалі... Колö сёрнитлыны Петрухинкөд». Но Петрухин некөн матігөгөрас эз вуджрась, и юавны вöлі некодлысь, кысь сійös аддзывны.

Отчыд Андрей вайис Сорвачёвлы дөраөн кышөм дипломат.

— Херсонын тала локтас Володя. Помнитан сійös? Сылы сеттöдзыс кышöдсö куль. Аслад купеад эн видз. Дзөньвидзалун тэныд,— и муніс.

Та бöрын некод нинөм эз вайлы. Игорь нимкодясис, лöньыштіс сьölөмнас. Сентябрь заводитчигас сійö локтіс симферопольса патераас отгульяс былö. Пөрччысигас и казяліс: уна көлуй куйлö оз сідз, кызди ачыс пуктывліс. Игорь видзöдаліс жырсö, но некутшөм тöдтөм көлуй эз аддзы. Мыссис душ улын, кутіс пасьтавны пижамасö. И соссьыс уси кабалатор. Игорь лэптис сійös, лыддис. Гижис Петрухин: «Ошка, тьöзö, нинөм «лишнийыс» абу жырьяд. Öні дыр ог аддзысьлөй. Менö эн корсь ни эн юась некодлысь. Гашкө, колö гортланьыд сетчыны. Андрейсянь видзчысьышт. Кабаласö сот. Ло дзөньвидзаөн. Пока». Игорь лыддис, и сьölөмыс пондіс тэрыба тіпкыны. «Кодьяс дінö ме веськалі? Кытчөкө быттьö вöйи тöдлытөг. Вот нем думайттөг олөмыд мый вайö. Вöля корси. Мынтöдчи ставсьыс... Мед ас вöляысь сöмын овны...— мөвпаліс сійö.— Гашкө, колö öдйöджык мунны татысь?! Кытчө? Ялтаö оз кыскы. Сыктывдінö?!»

Дерт жö, медводдзаысь на воисны юрас татшөм мөвпьясыс. Öні, гашкө и, көритыштіс асьсö, но правлунсö чорыда на кыліс ас пытшкас. Сійö некор эз куж мөвпыштылыны, мый йöзыс оз ылөсас чужны, а öта-мөдныслөн олөм вöсна. Мам-бать, ныв-пи, чой-вок — кыз нö найös торйөдан, колян öткөн? Öд и пуяс, и турун — ставыс быдмө-олө öта-мөд дорас инмөдчөмөн — корнас, лыснас, чальнась... Öд сідз кө нин шуны, мортыслы Енмыс сетіс сöмын видзöдлас, а видзöдлассö кө мортыс петкөдлө былö пуксьөмөн, тшاپитчөмөн-ышнясьөмөн, сэтшөм мортыд коньор кодь. Да нöшта нин ачыс кө оз көсйи казавны олан сямсö...

Пырис патераса көзяйкаыс. Пыртис письмö. Ялтаысь. Висьта-

ліс, кодкө пö пошта кудсö восьтылö, а томансö оз жугöд. Но письмөяссыс вооны, оз вошласыны. Игорьь босьтис письмөсö. Батыссянь. Восьтлөмөсь! Бөр клеитөмөсь. Нинөм эз кут юасыны көзйякаыслыс: дерт жö, эз сійö восьтылы.

Батыс гижис, мамыдлы пö лои лёкджык, сьöктöдны пондїс висьöмыс. Врачыс первой шуисны, гашкө пö, бурдны кутас, но сэсся эз ло надеяныс.

Игорь звөнитліс батыссы да бара муніс рейсö: сійö нинөмөн эз вермы отсавны мамыссы. Но öтчыд октябрас көзйякаыс пыртöдіс Игорьь жырийö почтальонöс. Сійö вайис телеграмма. Мамыс кувсьöм йылыс.

Игорь зэв öдйö муніс Ялтаö. Сійö дзикöдз уси сьöлөмнас. Öд некор эз вермы мөвпыштлыны, мый коркө мамыс оз ло... Но со, сэтшöм кадыс воис, и нинөм некод оз вермы вежны...

Домна Вавиловнаöс медбөръя туйö чукөртисны-лөсьöдісны чойыс да верöсыс.

А Игорьь сöмын и вермис шуны:

— Мама, кыдзи нö ме тэтöг, мама?!

Дарьяöс шуисны не корны, öд совещаниеыс буретш тайö кад вылас веськаліс. Степан Иванович Елькакöд лөсьöдчис муніс Сыктывдінö сöмын нелямын лун бöрас.

А Игорьь вит лун мысти локтис Симферопольö. Көзйякаыс шызьöмөн паныдаліс сійöс, мыччис повестка следователь дорö. Юасисны пö Петрухин йылыс. Жырсö пузувтөмөсь. Көзйякаыс висьталöма Игорсö Ялтаыс, мамсö пö гуалö... Адрессö сэтыс найö тöдöны жö.

Игорь зэв ёна повзис. Сідзкө, Ялтаö мунны оз позь. Дум вылас учины Петрухинлөн кывъясыс: гашкө, гортланьыд сетчан... Игорьь шуис мунны Сыктывдінö, талун жö... Симферопольыс поездыс вөрзьö рытнас, 9 часын. Колö öдйөджык мунны патерасыс. И аддзöдлыны тöдса проводникъясöс... Найö отсаласны.

Луннас Игорлы удайтчис сёрнитчыны öти проводниккөд, коді ветлөддіс Сыктывдінö, да поезд вөрзигас нин чеччыштис вагонас. Проводникыс индіс плацкартын вылыс джаджйыс места.

Сыктывдінö воөм бöрын Игорьь гортас эз пыр, чайтис, мый и татыс адрессö тöдöны. Муніс Ольга Степановналөн патераö. Кутис лача, мый Дарьяös суас сәні. А Дарья и збылыс на эз удит мунны сиктас. Совещание лунъясас сійö ньöбис лабораторияс кутшöмсюрö оборудование да ыстис совхозас. И шуис кольчывны нöшта öти лун кежлö, öд сьöмыс коли на, унатор на позяс ньöбны.

Рытнас Дарья локтис гортас, пузьöдіс чайник, вайис пызан вылас нянь, сыр, сахар. Лөсьöдчис ужнайтны. Но сьöлөмыс зывгис, мыйкө виччысис быттö, лунтыр дзуглясис. Дарья сöмын на пуксис сёйны, öдзöсас звөнитисны. Ань дрөгмуніс... Восьтис öдзöссö да виччысьтöмысла шай-паймуніс:

— Игорьь!— горөдсис сылөн. Сорвачёвлөн мыш сайын сулаліс зэв кузь тушаа ён мужичöй. Коми йöзыд татшöмьястö шулісны гранадёрөн либö гвардеечөн.

— Но, локтö пырöй! Буретш чай юны лөсьöдча, кокныд кузь!..— нимкодмыс Дарья. Со кодös виччысьöма сьöлөмыс — Игорös!

Локтысьяс пырисны. Ӧддор мортыс гӧгӧр видзӧдліс патера пытшкӧссӧ да юаліс:

— Некод абу? Ӧтнаныд, Дарья Рафаиловна?

— Ӧтнам. Вай пӧрчысьӧй,— корис Дарья.

— Дарья Рафаиловна, ми зэв регыдик кежлӧ,— шуис гренадӧрыс.

— Ӧні сэсся вой кежлас некытчӧ нин он мунӧй. Аски лун воас делӧястӧ вӧчны,— зілис кольӧдны воысьясӧс Дашук.— Час, яснича вӧча, пӧрчысьӧй.

Игорь топӧдліс Дашукӧс ас бердас да окыштіс. Гренадӧр матыстчис на дінӧ, вештыштіс Игорӧс да шуис:

— Дарья Рафаиловна, миянлы колӧ сьӧм, и кызд позьӧ регыджык. Ми тӧдам, тѳян эм.

Дарья зэв ӧна повзис, видзӧдліс Игорь вылӧ:

— Менам абу сьӧмыс сетнысӧ,— чорыдакодъ шуис сійӧ да бара видзӧдліс Игорь вылӧ.

— Эм тѳян... Мыйта эм, сійӧс и вайӧй,— шуис гренадӧрыс, босьтіс Дарьялысь сумкасӧ, восьтіс да перйис сэтысь совхоз сьӧмсӧ:— Со эм, Игорь, пуксы, гиж расписка.

— Игорь,— горӧдіс Дарья.— Мый нӧ тайӧ вӧчӧ?

— Игорь, гиж ӧдйӧ!— тшӧктіс гренадӧр. Зэв ӧдйӧ лыддис сьӧмсӧ:— Кык сюрс да ӧкмыссӧ шайт. Кырымав. Вай ме кырымала жӧ. Тайӧ документ... Ми бӧр ваям...— шуис да видзӧдліс Игорь вылӧ:— А тэнад эм вкусыд... Ошка.

Ӧдзӧсӧ звӧнитісны. Гренадӧр уськӧдчис ӧшинь дорӧ, восьтіс сійӧс да горӧдіс Игорлы:

— Чеччышт ӧдйӧ!

Сэсся ачыс чеччыштіс сы бӧрся.

Даша шӧйӧвошӧмӧн восьтіс ӧдзӧссӧ. Пырис суседкаыс:

— Дашенька, тайӧ ме. Гажӧй бырис да локта. Абу на сӧр,— висьталіс пӧрысь мортыд. Но казяліс, мый ӧшиньыс восьса, да матыстчис сиптыны. Дарья эз на удит игнавны ӧдзӧссӧ, кодъяскӧ бара тэрыба кайисны поскӧд. И бара звӧнок. Даша восьтіс ӧдзӧссӧ. Шур-шар пырисны куимӧн:

— Милиция!

Дарьялӧн кокыс лигышмуніс. Суседкаыс сэк кості зілис пӧдлавны ӧшиньсӧ.

Ӧти милиционерыс зэв стрӧга юаліс:

— Кӧнӧсь?!

Дарья нинӧм оз вермы шуны, быттӧ измис. Милиционерыс босьтіс пызан вывсьыс сылысь восьса сумкасӧ:

— Сьӧм сетін? Ті ӧтвыв уджаланныд. А тэ коді лоан?— юаліс суседкаыслысь.

— Ме суседка Дашенькалӧн... Коді кӧнӧсь?— нинӧм оз гӧгӧрво пӧрысь мортыд.

— Ӧшиньтіыс петісны? Да?

— Ме нинӧм эг адзыв. Ӧшиньыс восьса да, ме со сипті. Кӧдзыд ӧд.

Кык милиционерыс уськӧдчисны патераысь.

— Дашенька, мый кӧні лоӧма?— пӧгибӧ воис суседкаыс.

— Тэ Сорвачӧвлӧн гӧтыр?— юаліс милиционер.

— Да,— шуис Даша.

— Кымынӧн найӧ вӧліны?

— Кыкөн.
— Кор воисны?
— Дзик өні пырисны. Ме сөмын чайник удиті пуктыны.
— Мый тэнсьыд корисны?
— Сьомсө ставсө босьтисны сумкаысь. Сьомыс совхозлөн вөлі... Со расписка колисны.
— Мыйла сетін? Отсаян налы?
— Кыдзи нө ме водзсая сэтшөм ён мужичёйыскөд?!
— Аслад верөсыд нө мыйла эз дорйы?
— Ме нинөм эг гөгөрво. Игорь дзик чөв оліс. Сэсса со распискасө гижис.

— Пөшти куим сюрс сетөмьд! Сэтшөма отсаян верөсыдлы! Налөн контрабанда котырө али мый тшөтш пыран?— мыждіс милиционер. Босьтис распискасө да суйис папкаас.

Воисны вөтөдысьясыс. Скөрөсь. Мудзось.

— Быттё сыліны. Понйыд кө эськө вөлі!— дөзмөмөн висьталісны найө.

— Но, вай пасьтась, мунам миянкөд,— шуис Дарьялы ськөд сёрнитысь милиционерыс.

— А мыйла ті менө нуөданныд? Арестуйтанныд?— юаліс Дарья.

— Сэні висьталасны,— шуис милиционер.

— Дашенька, мый нө тайө лои? Мыйла Дашенькасө нуөданныд?— бөрддзис суседкаыс.— Сыысь бур мортыс и некод абу.

— Александровна, ме тэн коля ключсө патерасьыс, кыдзи и век. Зэв ыджыд аттё тэныд. Гашкө өд, бөр лэдзасны,— ышловзис Дарья да кутыштлис суседкасө.— Эн бөрд. Ме некутшөм мыж эг вөч...

Эз лэдзны Дарьяөс. Мыждісны. Отсаян пө контрабандитьяслы. Пуксьөдісны Дашенькаөс куим во кезлө. Письмөсө гижны ни аддзысьлыны кодкөдкө сійөс эз лэдзны, кытчөдз пө став контрабанда группасө оз аддзыны.

Пикө воис Дарья, дзикөдз уси сьөлөмнас. «Куим во! О господь! Мыйысь? Мыйысь?— мөвпаліс сійө.— Колө помавны ставсө, мед некодөс не аддзыны, нинөм не кывны!» Дарья корсис небыд сутуга, дзебис питшөгас. А удж вывсьыс локтігас муніс баракъяс сайө: местасө водзвын нин корсис. Пуксис кер пом вылө. Юрыс жуньгис, син водзыс пемдіс: «Помавны, помавны ставсө!» Даша вунөдіс и Елькасө, и ыджыд мамсө... Пукаліс, гартліс-песлаліс проводсө, быттё вөтын. Мышку сайсьыс кылыштіс кок шы. Дарья көсийс бергөдчывны видзөдлыны, но мыйлакө эз вермы. Локтысьыс шыасис:

— Тэ абу өтнад... Тэнад эм ичөт ныв, пөрысь баб, кодөс ыджыд мамөн шуан... Мыйөн найө тэ водзын мыжаөсь? Мыйла көсьян эновтны найөс? Он көсий отсавны налы! Тэ сөмын ас йывсьыд думайтан!.. Ичөтсө быдты, а пөрысьсө видз да местит... Терпит... Эн сөмын асьтө төд... Водзө видзөд. Водзын бурыс...

Дарья бара көсийс видзөдлыны сёрнитысьыс вылө и бара эз вермы.

— Эн бергав,— шуис локтысьыс.— Тэ менө төдан. Сөмын өні, пөгибас воин да, вунөдін. Ыджыд мамыд менө корис... Тэ эн жө вунөд...

Дарья чурмуніс... И кисьыс быттё кодкө кыскыштіс провод-

сö. Дарья кутіс тіравны став тушанас... Сійö друг казтыштіс Елькасö, ыджыд мамсö... и воштіс садьсö...

Дарья сайкаліс. Видзöдліс гөгөр. Баракин. Ас нар вылас. Вежöрас воис тöрытья сёрниис. «Коді сійö вöлі? Нывбаба? Гөлöсыс нывбабалөн... Богородицаыс?!» О, Господи!— гораа артмис Дарьялөн.

Матыстчис орчча нарвывса суседкаыс.

— Даша, мый тэкöд? Тöрыт сэтшöма повзöдін. Садьтöм куйлан вöлі барактьяс сайын. Кодкö нöйтіс?— юасис нывбаба.

— Эз некод нöйт. Шогыс пöдтö, оз сет овнысö,— шуыштіс Даша.

— Сідзи и шуис врачыс, абу пö нöйтöмаöсь, нервнöй шок пö. Вай эн усь сэтшöма сьölöмнад, видз асьтö, кутчысь... Разберитчасны да лэдзасны. Тэныд быдтысьны на колö.

— Аттьö бур кывсьыд.

Дарья эз висьтав сылы тöрытья думьяссö. Чеччис да муніс мыссьыны. Вомгорулас шöпкөдіс: «Богородица, Дева, радуйся...»

Лагерса оланногыс тані эз вöв сэтшöм стрөг. Да и нывбабаясыд век нин гөгөрвоасны öта-мöднысö. Дарьяöс мыжтөг пуксьöдöмыс öдйö и кывсис налы, да зілісны кызкö бурöдны сійöс, жалитісны. А кор тöдмалісны, мый Дашенька водз кольöма батьмамтöгыс, нöшта на ёнджыка пондісны радейтны. И Дарья оліс сэні быттö общежитиенын, бур йöз пövстын, и сьökыд уджыс весиг сетчис кокныдджыка.

Во джын мысти Дарьялөн артмис аддзысьлыны Алевтинакөд. Вöлөмкö, ыджыд мамсö нуöдöмаöсь карö. Дзоньвидза. Суседкаыс, Александровна, отсасьö сылы. Дерт, Ольга Степановна ёна шогсьö, бöрдö Дашенька вöсна. Степан Иванович пö карын. А Елькасö Лариса Вавиловна абу сетöма, ме дорын пö бурджыка олас, век нин нывбаба син улын. Нöшта Алевтина висьталіс, мый совхозас Дарьяöс оз лөкөдны, виччысьöны бөр.

Сёрөнджык, кор кутісны примитны передачаяс, Сорвачёв тшөкыда пондіс мөдöдлыны Дашалы гөснечьяс. Письмöас гижис, мый Логинов ёртыс зильö корсьны правдасö, докажитны, мый Дарьяöс грабитісны, но абу свидетельыс: суседкаыс öд оз вермы висьтавны аддзывтöмсö.

Кык во да джын ковмис вештыны Дарьялы абутöм мыжсö. Гортас воис апрель помас. Ыджыд мамыс ёна висис, муртса нин вермис виччысьнысö. Куим вежон мысти Дашенька дзебис сійöс. Отсалісны тöдсаясыс, коді мыйöн да кызди вермис. Сиктсьыс воліс Алевтина, но оліс сöмын куим лун. Ёна корис Дарьяöс ветлыны ськөд сиктö, но тöдса бабьясыс шуисны, оз позь пö кольны кушöн Ольга Степановналысь патерасö нелямын лун бөрөдзыс.

Дарья колис дзик öтнасөн. Степан Иванович муніс командировкаö. А суседкасö, Александровнаöс, нылыс нуис сиктас. Дарьялы киас некутшöм удж эз пыр, нинöм эз көйыссьы вöчны. И сьöмыс бырöм бöрын нин гөгөрвоис: таdzi овны водзö оз позь. Сылы воис юрас дум: колö мыйкö вузавны. Син улас уси пызан вылын сулалысь мича рөмпöштаныс... Дарья суйыштіс сійöс киняулас да петіс гортсьыс. Матыстчис вузасянін дөрö.

Вöлі асыыводз. Йöзыс тэрмасьöмөн мунісны удж выланыс. Том на, мича мыгöра, но тувсовья шондіссьы ёна нин гожьялөм

чужома нывбаба бергаліс йөз костас да вөзйис ньобны рөмпөштан. Йөзыс кодкө сувтовкерліс, а кодкө и сідзи прөйдитліс... Век жө өти нывбаба, олыштөмакодь нин, сувтіс Дарья весьтө да видзөдліс рөмпөштан вылас.

— Ньобой, со зэв мича, ни өти чут абу...— нимкодьпырысь шыасис Дарья.— Рамаыс гөрд пуысь...

А нывбабаыд лөнякодь шуис:

— Ачыд абу на видзөдлөмыд анделлөн кодь мича чужөмтө рөмпөштан пырыд, а вузалан сійөс.

— Мыйла эг?— дөзмыштіс мөдыс.

— Видзөдлін кө өд, мыссьытөгыс эськө татшөм йөзаинө эн пет... Со, чужөмыдлөн рөмыс оз төдчы,— шуаліс нывбаба, өд думыштыны эз кууж, мый татшөма поэь гожъявны водз тулысын. А Дарья эз гөгөрво, мый нывбабаыс оз казяв гожъялөмсө сылысь, да дөзмыштіс:

— А тіянлы нө мый? Көть кутшөм! Ме ачым төда!..

— Он тай төд, буракө, кызди овнысө... Мича чужөм-рожатө янөдан... Мамыд принцессаөн чужтылөма, а со кутшөмөдз вайөдөмыд асьтө! Рөмпөштаныд, гашкө, пөрысь бабсянныд на кольөма, а тэныд со ковтөмторйөн лоөма, весиг казытылөм вылө он көсйы аслыд кольны,— көритана шуаліс аныд. Гөлөсас кыліс и жалитөм, и дивитөм, и сьөлөм дой тайө лэдзчысьөм том нывбаба вөснаыс.— Тэ коддьөм пондаыс бур зонъяс гөтрасьнысө оз вермыны, шөйтөны тэ моз жө — семья ни удж.

Дарья чөв сулаліс да шөйөвошөм синмөн видзөдіс тайө ань вылас: кыськө быттьө аддзыліс нин сійөс, но кысь, эз вермы уськөдны төд вылас. «Ыджыд мам дорө воліс али мый?»— мөвпыштіс Дарья. Но тайө нывбабаыс некор сылы эз паныдасьлыв, сөмын мыйөнкө муніс ыджыд мамыс вылө, сөрнинас ли мый ли.

На дорлань котөртис ичөтик нывка. Сійө пыр и кутчысис олөма нывбабаыдлы киас, бергөдчыліс бөрсянныс локтысь мамыслань да тельөдіс:

— Мама, ме сэсся Серафима Павловнакөд муна, тэ мун удж вылад.

Нывкалөн мамыс нюмъөвтіс Серафима Павловналы. Найө видаасисны зэв бур төдсаяс моз.

— Мунам, мунам, дитюк,— шуис нывкалы Серафима Павловна.— А тэ, Настенька, бергөдчы бөр. Рытнас вайөда Дашуктө, локтігөн.— Сійө быттьө вунөдіс нин рөмпөштан вузалысь йывсьыд. А Дарья сулаліс накөд орччөн юрсө өшөдөмөн да казяліс ассьыс өна гожъялөм, быттьө мыськытөм кисө. Яндзим лои, но некытчө вөлі найөс саймовтнысө.

Дзоля Дашук видзөдліс төдтөм тыөт вылө да топөдчыштіс Серафима Павловна дінө. Дарья казяліс тайөс, курыда нюмдіс да шуис:

— Дашук, эн пов меысь... Ме абу лөк төтя... Менө өд ыджыд мамөй Дашукөн да дитюкөн жө шуліс ичөтдырйи... Бур сійө вөлі... Менө быдтіс...— Дарья быттьө көсйис, мед сійөс кывзісны, сөрнитісны ськөд. Виччысьтөг сійө аддзис рөмпөштан пырысь чужөмсө. И эз төд асьсө. Сы вылө видзөдіс өна гожъялөм, быттьө важөн нин мыськывтөм, руд чужөма, мичаа чикыльтчалөм виж юрсиа төдтөм нывбаба. Дарья весиг чурмуніс, повзис ассьыс... И сійөс нөшта өнджыка кутіс кыскыны сөрнитны Сера-

фима Павловнакд, Дашуккд, окота лоис гордны, мый сійо на кодъ жō бур и оз ков сыысь овтыштчыны... Сэсса смелмдчис да шыасис тдса морт дорō моз:

— Серафима Павловна, а поэь?..— и бōр ланьтис. Горшыс гōрддзасис да, эз вермы нинōм водзōсō шуны.

— Мый нō, бур аньōй, мый поэь?..— зэв сьōлōмсяньыс шыасис Серафима Павловна. Но Дарья чōв оліс, нора видзōдіс сы вылō вазьōм синмōн. Мōвпгьясыс дзугсисны юрас, кывгьясыс эз шедны, а сьōлōмыс нетшкысис, вōзйысис ортсō...

— Поэь, поэь, бур аньōй, бурногōн быдтор поэь...— кайтыштіс Серафима Павловна. Сійō здук-мōд сулыштіс на, видзōдіс тайō вошōм аньыс вылō. Сэсса босьтис ичōт Дашукōс китыс да вōрзōдчис. Нывка бергōдчыліс, видзōдліс Дарья вылō да нюмгьвтис.

Дарья дзебис рōмпōштансō, кежис туй вывсьыс, сувтыштіліс вузасянін дорō, но сэсса ньōжйōникōн мōдіс восьлавны Серафима Павловна да Дашук бōрся. Сылы окота лоис дырджык аддзыны найōс, гашкō, бара на сувтōдлыны тайō бур йōзсō. Серафима Павловналы киас кутчысьōмōн нывка мыйкō гораа висгьталіс, чеччаліс да сераліс. Дарья коркō тадзи жō, мамыскōд да бабушыскōд кинаныс кутчысьōмōн, ветлōдліс, сераліс, чеччаліс...

Серафима Павловна да Дашук керка кост мунōм бōрын кежисны туй вывсьыс, пырисны йōрō. Сэні вōлōма налōн садйыс — «Нюмсер». Дарья сувтовкерліс, тэрыба видзōдліс отарō-мōдарō да ньōжйōник муніс гортас.

Гортас воōм бōрын сійō зэв дыр бōрдіс. Паляліс да мыссис душ улын, сыналіс юрсисō да пасгьталіс югыд дзоридзгьяса халат. Лолыс корсис кокньōд, синмыс — мича рōмгьяс... Видзōдаліс керка пытшсō. «Колō идравны, пелькōдны быдлаті»,— мōвпыштіс да медводз босьтис диван вылас пуктылōм рōмпōштансō. Зэв сōстōма мыськис сійōс, пуктіс пызан вылас, пуксис да дыр видзōдчис сгьō мōвпгьясō вōйтчōмōн. Синваыс унаыс доршасгьліс — кимышнас чышкыштіліс сійōс да бара аддзыліс рōмпōштансгьыс асгьō: мича ныр-вома, виж чикыля юрсиа, кузь синлыска, Серафима Павловна моз кō, андел кодъ чужōма том аньōс.

— Мыйла нō тадзи лоис? Мый ме эг сідз вōч? Игорь, Игорь, ме жō эски тэныд, радейті... А тэ, а тэ? Али тадзи нин вōлі колō?— шыасис ас дīнас Дарья.— Мамукōй, ыджыд мам, отсалōй дитюкныдлы. Али Енмыс нин ёрō менō?— сійō бара бōрддзис. Сэсса чеччис да зэв тэрыба кутіс идрасгьны. Нем виччысгьтōг вежōрас бытгьō вирдыштіс: «Елька! Елька! Дитюкōй! Тэныд, тэныд кола мамыс. Кōні тэ?» Дарья пуксис, а сэсса пōрōдчис диван вылас...

Сійō эз гōгōрво, вōтōн али вемōсōн сы дорті ветлōдлісны ыджыд мамыс, буракō, и мамыс... «Дитюкōй, эн отдортчы, лок,— шуис ыджыд мамыс, а гōлōсыс Серафима Павловналōн.— Лок, бур йōзыс уна. Рōмпōштаныд мамōлōн, мамыс жō кольōма, мед пō уна на внучка да правнучка видзōдчас сы пыр. Рōмпōштаныс тайō бур вайысгь, сы пыр видзōдчан да шуда лоан... Оз быд рōмпōштан шудтō вай, а тайō ваяс... Видз асгьд. Нылыдлы коль...»

Дарья восьтис синсō, горōдіс:

— Ыджыд мам! Серафима Павловна!..

Но жыръяс некод эз вөв. Сөмын рытъя шондіс зэв яра юг-зёдіс керка пытшкөссө, а рөмпөштанас веськалысь югөрыс көчөн судзөдчис Дарья юрлөсө, зілис инмөдчыны сылы чужомас, вижөн дзирдалысь юрсиас. Дарья пуксис, но өтнаслы сылы эз овсы. Көсийссис кодкөдкө сёрнитны... Но кодкөд? Серафима Павловнакөд?! Öвтыштчас кө?! Оз, оз. Бур сійө, гөгөрвоас. Кывзас.

Дарья пасьталіс кокныдик плащ, көмаліс важиник тупли да петіс гортсыс. Кокыс ачыс нуис «Нюмсер» детсайдё. Даша пырис өграда саяс, пуксис челядьлы вөчөм ляпкыдик лабич вылө. Сэсса эз и төдлы, мөвпнас кутіс нин сёрнитны Серафима Павловнакөд: «Серафима Павловна, сёрнитыштөй мекөд. Ме өтнам, дзик өтнам... Ті менө гөгөрвоанныд... Ме абу лёк, абу лэдзчысьом нывбаба. Ме тиянлы ставсө висьтала ас йылысь... Эн полөй меысь... Ме карас быдми. Уджалі сиктын... Öні ыджыд мамөс дзеби. Регыд на. Нелямын луныс на эз ло. Нылукөй, Елькаөй, ылын, Ялтаын. Но ме сійөс вайөда регыд. Сійө менам и олан гажөй...»

Дарья дорө матыстчисны бобув кодь куим нывка. На пөвстын вөлі и Дашук. Сійө нюмъөвтис, а медся ичөт нывкаыс кайис лабич вылас да пондіс малавны Дарьялысь юрси чикыльяссө, найө зарниөн дзирдалісны шонді улас да. Нывкаяс ньөти эз повны төдтөм анысь, а Дашук юаліс:

— Төтя Даша, ті миян садикө уджавны локтанныд?

Дарья чуймыштіс: абу пө и вунөдөма. Сылы окота лои ку-тыштлыны нывкаяссө, окыштны, ворсны накөд, серавны, котравны...

— Ог төд, Дашук, зарни нылук, ог төд,— ньөжйөник шуыштис Дарья. И сійө звукас казяліс: детсад өшиньөд на вылө видзөдіс Серафима Павловна да нюмъяліс. Сьөлөмыс ыркмуні Дарьялөн: оз, оз вөтлы, сёрнитас... И Дарья воча нюмъөвтис Серафима Павловналы.

* * *

Дарьяөс босьтісны детсайдё кага видзысьөн. Но быд рыт и асыв сійө нөшта уджаліс сәні ичөтик градъяс ылын, клумбаяссө вильмөдіс-лөсьөдіс, дзоридзөн мичмөдіс детсад йөрсө.

А юль помас Степан Иванович вайөдіс Ялтаысь Елькасө. Елька абу вунөдөма мамсө: Лариса Вавиловна век висьтавлөма сылы Дарья йылысь, петкөдлөма карточкасө. Мамыслөн карточкаөн зептас и воис Елька гортас.

Öні мама-ныла быд лун ветлөдлісны «Нюмсер» детсайдё. Лөнис ловнас и сьөлөмнас Дарья, воис ас выйө: өд зарни тусьыс, олан гажыс орччөн... А сөрөнджык Степан Иванович юаліс Академия филиал оранжереяысь уджалан места. И Дарьяөс шуисны босьтны сэтчө агрономөн.

Регыд мысти гортас воис каникул вылө Сорвачёвлөн ёртыс — Логинов, и Степан Иванович шуис пыравны сы дорө ыджыд кывкутана делөөн.

— Ме, Степан Авдеевич, локті могөн,— пырөмөн тшөтш и шуис Сорвачёв.— Сразу висьтала: корасыны.

Степан Авдеевич серөктыштис, нинөм эз гөгөрво да. Сорвачёв пуктіс пызан вылас мускат бутылка, калбас, сыр, кампет көрөб.

Степан Авдеевич вундаліс да тэчис вөлөгасё тасьтіясё, пузьодіс чайник.

Ёртъяс пуксисны пызан сайё, юисны румка мускат... Вель дыр мыйкё варовитісны, а сэсся Сорвачёв шуис:

— Ёні главнэй сёрниас вуджам. Ме ёд збыль локті корасьны, ньёти ог шмонит. И кора, Стёпа, зэв серьёзнёя кывзыны менё. Ог вермы некыдз заводитнысё... Но тэ, Стёпа, коть и скорман тайё сёрнисьыс, эн вётлы менё... Ме сёмын бурёс косья, некутшом скокорнитом абу менам кывъясин.

— Степан Иванович, эн төмит, висътав могтё,— шуис Логинов.— Удж вылё коралан?

— Ог, Стёпа. Но нёшта отитор: нинём кё оз пусьы, мед таё сёрниыс кольё сёмын миян костын, тодам сёмын тэ да ме.

— Степан Иванович, тэ жё менё тодан. Тэ быдтін менё, мортас пёртін... Ме эска тэныд, кыдзи ыджыд воклы, кыдзи батылы.

— Пасибё, Стёпа, татшом вылё пуктомсьыд. Душаёй радуйтчё... И со главнэйыс, гёгрёдлытёг шуа: босьт гётыр вылад Дарья Рафаиловнаёс... Он ворссьы...— чёв олыштис Сорвачёв да водзё сёрнитіс:— Сійё быд боксянь бур морт... Мед кагаа кё... Ме ог кёсйы тэнё обидитны... И косья, мед и Дашенькалөн лоис бур олём... Эз вермы Игорь, муса пий менам, вёчны сійёс шудаён, эз куж... А тэ вёчан. Ме тода... Вот тайё могнас ме и локті тэ дінё, кыдзи пи дінё...

Степан Ивановичлөн гёрддзасис горшыс, ёд сылы, Степан Ивановичлы, пыкны шогсё — медся дона йёзсё воштёмысь... Зэв на олан морт вёлі Домна Вавиловна — Степан Ивановичлөн син кунёдысь и восьтодысь, лов кыпёдысьыс и олан гажыс... И со эз ло... Игорсянь некутшом юөр абу коймёд во... А Дарьяыс вёсна кутшёма сёлёмыс висис, дзескыдінас кор сійёс йёртісны... Став тайё шогыс нюкыртіс Степан Ивановичёс, пыдзыртіс вын-эбёссё, нормөдіс сёлёмсё... И синванас быттё ыджыд пыкёс письтіс-ылькнитіс... Эз вёв яндзим Степан Ивановичлы том другсьыс... Гёгөрвоас. Оз дивит. Олөмыд тай со кыдз песё, оз жалит...

Степан Авдеевич матыстчис ёртыс дінё, босьтіс кисё, топөдіс да шуис:

— Степан Иванович, лэдз став дойсё сёлёмсьыд, личөдчы... Став шогыс бёрын нин... Тэ он тод, кутшом мен ёні лосьыд лои. Быттё бордъяс быдмисны... Ме ёд тэ вёсна сёмын и эг матыстчы Дарья Рафаиловна дінё, мед тэнё не обидитны... Ме сійёс, Степан Иванович, медводдза паныдасёлёмсянныс радейта... Пасибё тэныд, муса друг, да муөдзыс копыр.



Выль кывбуръяс

Райса лэбачьяса садъяс

Вода — бөрда, сувта — бөрда,
мыйла, сёмын ачым тōда.
Петны эськō мир туй вылō,
мунны татысь ылō-ылō.

Сэтчō, кōнi шуда муяс,
гōравывса посни юяс,
райса лэбачьяса садъяс,
еджыд дзоридзьяс вадъяс.

Сэтчō, кōнi радлун олō,
кōнi вывтi долыд овлō,
йōзыс шаньōсь, осьса лолōн
чōсмōдōны няньōн-солōн.

Сьōкыд петны мир туй вылō,
мунны татысь ылō-ылō.
Мыйла, сёмын ачым тōда.
Вода — бөрда, сувта — бөрда.

Чолōм

Асья ру пыр муна лунлань,
сьōкыдлунлань, долыдлунлань.
Еджыд енэж ыстō чолōм,
сиō, медем бурмас олōм,
медем ёрта-ёртлы колам,
гōсьтьяс корлам, гōсьти волам,
му выв югыдыслы радлам,
аскōдным да йōзкōд ладмам.



Кальта Толь

В И С Ъ Т

Поштаысь гортас локтігчөж Кальта Толь броткис вомгорулас. Ас кежсьыс быд ногыс лёктіс-пиняліс таладор югыдсö. И власьт бердын бергалысьясöс, и поштаын зільысьясöс, и лавкаын вузасьысьясöс, и нöшта на кодöскö, коді бытьтö мыжаöсь сылөн шудтöм да мустöм олöмын. Ставныс пö пöръясöны да гусясьöны, некодлы эскыны оз позь. Сійöс и видзöд, мед кык син костсьыд ныртö эз шышнитны. Горт сод вывтійыс кайигөн нин гораджыка аслыс жö и шуис:

— Видз-му овмöсын нэмöс мырси-уджалі, сьöкыдыс и кынмалöмыс сюрлі, а пенсия чунь пом гыж ыджда жö. Некытчö оз тырмы.

Посводз öдзöссьыс ыджыд важся томан восьтігөн нин бара на кодöскö, тöдтöмöс да тыдавтöмöс, повзьöдліс:

— Энлö! Петкöдлас на олöмыс ті коддьöмыслы бур гаж да пуж!

А гортас нин, öдзöссö калич вылö игналöм бöрын, пызан сайын тшöті моль вылын мöдіс выль пöв лыддьыны поштаын босьтöм пенсиясö. Сылы некыдзи эз эскыссьы, мый поштасаяс олöма нин мортöс эз пöръявны сьöм сетігöныс. Но пенсияыс вөлöма тырмымөн. Тшук-тшук. Тшик да тшолк. Кальта Тольлы неуна кыпыджык лоис сьöлöм вылас.

— Но,— шуö,— оз на тай быдөн ылöдчы эськö да, а век жö, кыз шуласны, дöверит, но прöверит.

Сэсся ывлаас öшинь пырыс кыйкнитлöм бöрын (оз-ö кодкö бытьтö аддзы сылысь ноксьöмсö) пыраліс ыджыд пач сайö, сьöрссьыс петкöдіс гусяинсьыс сепыс тубрас да перйис сэтысь кöртөн кышöм ичöтик важ сундук — пöль-пöчыслөн на кольöмтор. Пызан сайын нин восьтіс сундуксö, сэтысь целопан мешöкъясö тубралöм сьöм пачкаяс перьялігмоз мöдіс лыддьöдлыны:

— Öти, кык, куим, нель... Нельсё сюрс, сідзкö. Но и бур. Эмышт нин деньгаыс. Но содтöдыс оз жö сор. Скуплуныд öд абу йöйталöм. Сьöмыд кö эм, и кынöмыд пöt. Некод вылö öні лача оз позь кутны. Ас вылад сöмын надей.

Толь некымынысь лыддис сьöм пачкаяссö, содтіс сэтчö талунъя пенсиясьыс некымын сюрс шайт, сэсся ставсö тэчис кöрт сундукас, суйис дзебассö картопель видзан сепысö да бөр саймовтіс пачсайса пемыд пельöсас. Пернапас чöвтіс на:

— Ен мед видзас гусялöмысь, сотчöмысь, ваысь, став лёксьыс. Тыпу-тыпу-тыпу.

Сöмын озырлунсö сайöдöм-дзёбöм бöрын Кальта Тольлөн ляпмуніс сьöлöмыс, да пöльö нимкодъпырысь пуксис пажнайтны. Лавкаса пачкөвöй шыдсьыс, дерт, Тольыд веждіс. Но мый керан, чипан яйыс да мös яйыс кö лавкаас зэв дона? Некутшöм сьöм оз тырмы на вылö. Со и ковмö виньгыртны олöма мортыдлы. Пöль кымис-сёйис кодзальштöм нин кизьör «кунвасö», пожъяліс

горшсö балыд тшайöн да пуксыыліс мамысöн на ньöблöм важ телевизор водзö видзöдны «майтöг опера», но энöвтчис. Нинöмла, мöвпалö, весьшөрö бисö сотны. Дугöдіс телевизорсö да лажгысис-водіс диван былö.

Кальта Толь олö öтнасöн. Бать-мамыс кувсисны. Чой-вокыс коді кытчö разöдчалісны-мунісны чужан позсыныс. А Толь ас сиктсыыс некытчö эз мун, батьöн кыпöдлöм керкаын нэмсö олö-былö. Сылöн ни гöтыр, ни мöтыр абу. Керка вежöсын шы ни тöв. Чöв-лөнсьö торкö ывлаын букшасысь-зэрасысь арыс. Гаж-тöм, дерт, олöма мортыдлы öтнасыслы овны. Ни бур кыв шуысь, ни сійöс такöдысь сы дорын абу, ни видчысь-горзысь, ни юысь-кодалысь сійöс оз дöзмöд. Но Кальта Толь оз норась некодлы, дай некод былö. Диван вылын куйлігөн мортыдлөн, гашкö, сизимысь кыпыдлуныс вежсыыліс. То öтитор кузь олöмсыыс казътылö, то мöдтор. Пенсияыс быттьö ичöt да, Тольы бара лои шуштöм сьöлöм вылас. Сы мында нин сьöм чöжис, ов да ов, но сылы век этша кажитчö. Дум вылас уси Нина — Тольöн медводдза гöтырыс. Көнi сійö öнi, кыдзи-мый олö, Толя оз тöд. Дай оз көсйи тöдны. Век жö казътывлö медводдза муслунсö. Но Нинаыс ачыс мыжа. Гашкö, эськö öнi на öтлаын олісны, кывзисис кө Тольöс гöтырыс. Но, шулöны тай, кисьтöм ватö он курав.

Мичаник, ёсь гөлöса, серамбана нывкöд Толь тöдмасис армияысь воöм бöрас клубын йöктігөн да дыр эз нюжмась. Тöлысь мысти и öтлаасисны Нинакöд. Кöлысь вöчлісны и, көть и эз ыджыдöс. Медматыс рöдвужыс да тöдсаясыс сöмын и гажöдчисны томъяслөн көлысь вылын. Тольöн сэки, сöмын уджавны мöдіс да, сьöмыс зептас эз зельöдчы. Бать-мам сыылі вылас на öшийöма вöлі. Гозъя овмöдчисны Тольöн бать-мам керкаыслөн öти джынъяс, олöма гозъяыс мöд джынъяс тöрöдчисны. Батыс на шуліс пиыслы, кула пö да керкаыс мед тэныд быдсөн кольö, кыдзи медся ичötлы. А оланіныс бур, крепыд, кос местаын, джуджыд берег вылын кыпöдлöмаöсь да. Керка лэптöм вылас айыс став вын-эбöссö да сямсö пуктöма, сьöмсö и. Сійö тшöкыда шулываліс, öтчыд пö стрöйтчи да мед керкаыс нэмсö сулалас, мед сэнi и челядьöйлы, и пöльöн шуысьяслы позис овны. Медічöt пиыслы тшöкыда жö висътаваліс, мед сыөн кыпöдöм оланінсö Толь идöра видзис, ковмас кө, ачыс дзоньталас.

Тольöн батыс, кодöс скуплун вöснаыс Кальта Ёгорөн нимтісны, медводз мырсис бухгалтерөн колхозын, бöрынджык, совхоз котыртчис да, сылөн отделениеын. Удж вылас велалöма йöзлысь сьöм лыддыны, но медсясö аслас кальта понда тöждысис. Деньга көшельсö век сьöрсыйс новлöдіс, гöтырыс былö лача эз кут. Шуö на вöлі, бабаясыс пö оз кужны сьöмнас вöдитчыны да нинöмла налы сетны. И быдтасъяссö ичötсянныс жö велöдіс идöра овны. Сиктсаяс Ёгорлысь быдтасъяссö бать ним сертиыс жö и тöдісны — Кальта Эля, Кальта Юрик, Кальта Толь, а мамыс — Кальта Маш. Дай керкасö, кодöс Кальта Ёгор Ыджыд война вылысь воöм бöрас тэчöма, ставөн Кальта керкаөн шуисны. Сійöс пöшти öтнасöн и кыпöдлöма киподтуя да мудер мортыд, бокысь отсасысьсöс шоча корлöма. Öд быд уджалысьлы колö киас сьöм пуктыны дай вердны-юктöдны на. Гöтырыскöд кыкөн и ноксылöмаöсь.

Тольы гöтрассöм бöрас батыс пыр и шуис, мед гозъя на

вылө сэсса эз надейтчыны, кыкнанныд пö уджаланныд да ас кежсьыныд и олöй. Да и гырысьджык челядьыслы, Тольлөн Эля чойыслы да Юрий вокыслы, нинёмөн эз отсась. Но и ачыс Тольыс лышкыдөн эз жö ло, көпейкасö шöри чегас. Дерт, коллыс öд коз пу дорсьыс ылö оз усь. Кутшöм ачыс, сэтшöм и гачыс.

Кык гозъя овмöдчисны торйөн öти керкаын. Томъяслөн пыраніныс öтар боксянныс, олöмаяслөн — мöдар боксянныс. Ті пö ас кежсьыныд, ми ас кежсьыным — стöчмöдiс батыс, тiян асланыд сьöм калыта, и миян сiдзи жö. Нöшта на велöдiс Тольöс, мед пиыс том гöтырсö топыд кийн кутiс. Но Нина, том аныд, кодi уджалiс библиотекаын, дерт, радейтiс мичаа пасьтасьны. Быд удждонысь аслыс то платтö, то тупли, то нöшта мыйкö нöбас. Сэсса чужöмсö краситны-баситны быдсикас мавтчантор вылö сьöмсö шыблалö. Тольлы тайö эз кажитчы:

— Тэ öнi верöс сайын, Нина. Тэнад эм ме. Менö и кывзись. Нинёмла краситчыны-баситчыны, оз öд ков жöникöс ылöддыны. Дай тэ и сiдз мича. Эн пукав öтарö рөмпöштан водзын. Гортын тырыс уджыс.

Совхозын мырсигөн Тольлөн, кыдзи водзмöстчысь механизаторлөн, удждоныс бöрыннас тöдчымөн содiс, но мыйлакö Нинаыс некыдз эз сяммыв тöлысь помöдзыс тырмöдчывны. Тольлы коvmис вöжжисö ас киас босьтны. Быдса бухгалтерия гортас восьтiс. Быд шайт кутiс артавны-лыддыны. Лавкаысь нянь-сакар, чай-сов да мукöдтор нöбöм вылö гöтырыслы сьöмсö тшук-тшук сетас. Гöтырсö на велöдö:

— Öнi öд лавкаад вузасьсысясыд зэв сюсьöсь, пöръяласны да он и тöдлы. Пöртмаласны синъястö, быд сдачаысь шайт-мöд шышнитасны.

Нина эськö шулас на, мый сiйöс сьöкыд пöръявны, но весь-шöрö. Калыта Толь пыр и вомалас сiйöс. Том на пö тэ, нач кычан, унатор он гөгöрво, унатор он аддзы. А кор гозъялөн чужис пи, Толь дзикöдз вельмис, велöдö гöтырсö:

— Каганымлөн паськöм нöбöм вылад сьöмсö ёна оз жö ков шыблавны. Менам челядьдырся паськöмöй на туяс сылы. Мамöйлы тшöктi сарайысь важся гач-дöрöмöс корсьны. Зэв на и шогмас пинымлы.

Татшöм кывъяс бöрын Нина дзикöдз шöйöвошис. Тольлысь юасьтöг лавкаысь ни аслыс, ни пиыслы нинём оз лысьт нöбны. Весиг кагукныслы ичöтик чача нöбöм могысь гöтырыслы коvmö Толь водзын пидзöс вылас сувтны да корны, мед сьöмсö Ниналы сетас. И быд пöрйö тадзи.

— Ноко,— шуö верöсыс,— уна-ö калытаын сьöмыс кольöма.

Та бöрын пуксяс пызан сайö, перъяс зепсьыс калытасö да кутас деньгасö лыддыны. Куимысь кымын лыддяс. Сэсса велöдö гöтырсö, мый колö вайны лавкаысь.

— Но,— бара на шуас,— чача вылад, арталі да, сьöмыс оз тырмы. Дай сытöг овсяс. Менам тай лавкаысь ворсантор эз нöблыны да нинём, сытöг быдми. Ачым рогаткаяс да мый да вöчавлі.

Нина, көть и шензис ас кежсьыс, верöсыслы нинём эз лысьт шуны. Пиныслы куим тöлысь на сöмын тыри. Кутшöм нö рогатка татшöм дзoля кагукыслы? Лад вылас али абу Тольыс? Олег пинысö, быдмыштiс да, Ниналы коvmис яслиö сетны, көть и зэв

жаль вöлі дзoлюкыс. Но мый вöчан... Верöсыс öтарö кутіс сизь-дыны, тöв пö сöмын чужьялан, гортö сьöм он вай, кутшöм пö тэысь гос... Сöмын сөйны видзöдан. Тольöн татшöма шуасьöмыс анылысь ёна дойдіс сьöлöмсö. Но сійö кутчысис мый вынсьыс, öд верöссö сійö радейтіс. А Ниналöн нывьёртыясыс öтарö ошйысьöны выль ньöбöмторьясöн: зарни да эзысь чунькытшöн, мича сикöтшöн, выль кöмкотöн. А Ниналы нинöмöн ошйысьнысö. Юаласны на тöдсаясыс, мый нö пö скупитчан, велöдöны: кöть öти сикöтш ли чунькытш ньöб лавкасыс. Ниналы эськö ёна жö окота мичмöдчыштны, краситчыны-баситчыны, но верöсыс оз тшöкты. Первойя кадсö верöсылысь горшасьöмсö Нина дзевис. Яндзим вöлі пöдругаяс водзас. Но öд йöз синмысь сиктад нинöм он сайöд. Тöдöны, вöлöм, найö, мый Тольыс ичöтсаяныс скуп да горш вöлöма. Сы вöсна и нимтöмаöсь Кальта Тольöн. А Нина — мöд сиктысь воöм ныв, тайöс эз тöд. Чеччыштіс тöдмавтöм зон сайö верöс сайö... Но, кыдзи шуласны, гырдазаыд кöть и матын, он на курччы. Дыр-ö эськö гозьялöн татшöм оlöмыс кыссис, эз кö ньöб Нина аслас удждон выlö Толялысь юасьтöг эзысь чунькытш. Гортас верöсыс пыр и казяліс гöтырыслöн чуньысь эзысь кытшсö.

— А тайö нö мый? Кытысь тэныд татшöм дона чунькытшыс? — скöра видзöдліс Толь Нина выlö.

— Ньöби лавкаысь, — полöмöн, рама шыасис Нина. — Менам став тöдсаяслöн нин чунькытшыс эм, сöмын менам некутшöм абу. Со и ньöби öтиöс.

— А мый? Тэныд и öтиыс этша?! Тэныд нöшта колö? — ярскöба уськöдчис Толь гöтырыс выlö. — Öнi жö лавкаас бөр ну. Быд ковтöмторсö нинöмла чукöртны.

— Ог, ог ну, — эз повзьöдчы Нина. — Öти чунькытшнад ог гöльмöй ни ог озырмöй.

— А, тэ тадз мöдiн сёрнитны! — Толь скөрвывсьыс швачкис-кучкис гöтырыслы бан бокас. — Велöда тэнö дорын узылыны... Чунькытш ковмöма... Вöсни ньөр тэныд бекад колö, а оз чунькытш.

Нина некыдз эз куж чайтны, мый верöсыс кутшöмкö чунькытш понда весиг вермас сылы кучкыны. Мöд луннас библиотекаын Галя нывьёртыскöд юксис аслас шог-дойнас, висьталіс, мый верöсылысь юасьтöг нинöм оз лысьт лавкаысь ньöбны. Дай тöрыгыя лоöмторсö эз дзев. Галялы тайö, вöлöм, абу гусятор. Сійö важöн нин казялöма Ниналысь майшасьöмсö да велöдіс сійöс:

— Мыйла тэ татшöм горшасьысьыскöд олан? Мун сы дорысь, бурджык лоас. Шулöны тай: понлы мöд гөн оз пет. Оз вежсьы Тольыд. А тэныд муюгыдсьыс сюрас на бурджык морт. Ачыд мичаник, том, кагаыд сöмын öти.

Тайö сёрни бöрын Нина сэсся дыр эз и мөвпав. Буретш отпускыс матысмис, да ичöтик Олег пиыскöд муніс автобусöн батьмам гортас и сэтысь эз нин бергöдчы верöсыс ордö. Кутіс уджавны ас сиктса библиотекаын, регыд мысти и выль семья лöсьöдіс. Тольысь писö быдтöм выlö алимент весиг эз кут перйыны. Мед пö виньдас сьöмнас.

Кальта Толь эз жö дыр шогсьы гöтырыс мунöм бöрын. Сэки мамыс и батыс ловьяöсь на вöліны да. Мамыс и пусис-пöжасис, идрасис-пелькöдчис. Тольы — тöжд ни нок, шог ни мог. Керка — шоныд, кынöм — пöt. Дасяс оlö. Но шогыс öд öтнасöн

оз ветлөдды. Виччысьтөг чорыда висьмис Тольлөн мамыс да өдйө и эновтис таладор югыдсө. А во мысти кымын и батыс кувсис. Шогысла ли, мый ли. Пиныс, дерт, шөйөвошліс. Но олөм мунө водзө, кадыс оз сувтлы. Колө и уджавны, кынөмпөт перйыны, и гортас мамыс пыдди месанявны. Асывнас удж вылас водз ковмө мунны. Ломтысьны некор. Пусыны некор. Дыр-ө тадзи верман овны... Кокъястө нюжөдан. Недыр мөвпалөм бөрын Кальта Толь шуис гөтрасьны. Но өні бөрийысьны мөдіс. Медводдза гөтырсө, Нинаөс, Толь, дерт, коркө радейтліс, но сійө эз чайт, мый Нинаыс татшөм кокни сяма, оз куж сьомнас вөдитчыны. Татшөм-мыд сылы сэсся оз ков. Колө, мед гөтырыс вөлі сюсь, сяма, варов, мича, том, озыр да мед сьомнад эз шыблась Нинаыс моз. И, збылысь, татшөм аныс, кыдзи Толь чайтис, зонлы нач нин енэж-сьыс усис. Валякөд, Валентина Ивановнакөд, сиктса медпунктын уджалысь бурдөдчыськөд, Кальта Толь медпунктас и төдмасис. Тольыд эськө дзоньвидзалун вылад ёнасө эз нораслы. Врачяс дорө некор эз ветлывлы. Бурдөдчысьыд дорө юриктө медбөрьяыс ветліс армияө мунөм водзвылын медкомиссия дырйи. Но өні, гортас көдзыдінас узьлігөн ли, удж вылас кынмалөм понда ли, мужичөй ёнакодь висьмис. Ковмис медпунктө мунны, удж вывсьыс юасыны да. Пырис бурдөдчысьлөн кабинетас да кыв-ворсө воштіс. Еджыд калата ань меліа юаліс сылысь:

- Мый вылө норасянный?
- А-а-а... Э-э-э...
- Тіян горшныд висьө? Он вермөй сёрнитны?
- Э-э-э... Ог.
- Восьтөй вомтө. Шуөй: а-а-а...
- А-а-а...
- Пөдлалөй вомтө. Тіян ангина.
- Да?
- Да.

Некымын лун гортас веськөдчөм бөрын Толь бара муніс медпунктө.

— Кыдзи асьнытө кыланныд?— меліа юаліс Тольлысь бурдөдчысь ань.

- Э-э-э...
- Век на он вермөй сёрнитны?
- Э-э-э... Ог.
- Восьтөй вомтө. Шуөй: а-а-а...
- А-а-а...

Сэсся бурдөдчысь тшөктіс Тольлы коскөдзыс пөрччысьны, кывзіс морөссө, сьөлөмсө да шуис:

- Тіян ставыс бур, верманныд сэсся мунны удж вылө.
- Да?
- Да.

Кальта Толь бара быд асыв удж вылө мунө. Рытнас гортас воас сёрөн. Пес поткөдлас, пач ломтас, плита пач вылын картупель да пачкаа шыд ли рок пуас. И тадзи быд лун. Сэк жө дум вылас и син водзас медпунктса мичаник том бурдөдчысьыс. А пеляс век на юргө сылөн мелі гөлөсыс. Гөтрасьны кө эськө сы вылө, мөвпалө Толь. Но мунас өмөй пельшерыд совхозын уджалысь сайө... Сійө — велөдчөм морт, а Тольыд — шопершпана. Кодлы татшөмыд колө? Век жө Кальта Толь кутіс лача,

мый том бурдодчысыды мусмас. Сійо раз-модысь ветліс сиктса клубо кино видзодны, весиг йоктан рыт выло отчид жежаліс. Чайтіс аддзывны сэтись мусмом нывсё. Но весьшорё. Виль бурдодчысыд ни кино, ни йоктом вылын эз петкодчыв. Толь шого уси. Весиг висьмис. Рыгтяснас диван вылас лажгыяс да ружто-ышлоалё. Оз тод, кыдзи том бурдодчысыскод бурджыка тод-масьны. Оти шойччан лунё пырис сы ордё Толькод отлаын уджалысь Сюзь Валер, лавкаысь водка доз босётма да.

— Мый нё татшом ёна ышлолалан? Бара али мый висьмин?— юаліс диван вылын ружтысьлысь воом госьт.— Чеччы вай, пукалыштам пызан саяд, сёрнитыштам.

— А-а-а, юрөй нач нин нөш кодь, топ оз уджав. Мый лоёма, ачым ог гогөрво,— дышакодь вочавидзис көзяин.

— Дак медпунктас ветлы, пельшерыс видзодлас да өдйө висьталас, мый тэнад юрад лоёма,— велөдіс ёртсё Валер.

— Збылысь өд,— пыр и югнитіс Тольон юрас виччысьтом мөвп. (Мыйла не ветлыны мича нылыс дорё удж вылас? Сэні аддзысьлігөн и сёрнитас ськод, висьталас восьсөн аслас майшасьом йылысь), а Валерлы гораа нин шуис:— Тыдалё, ковмас медпунктас ветлыны. Помөдз нин өд вои татшом олөмнас.

Вильлунё асывнас удж вывсьыс недыр кезлө юасьом бёрын Кальта Толь пырис бурдодчысьлөн кабинетас.

— Мый нё бара лоис?— меліа юаліс сылысь Валентина Ивановна.— Мый выло норасянный?

— Э-э-э... Эсіа... Ме корасьны локті.

— Код выло? Ми тані кыкөн, менам отсасысь Елена Степановна да ме. Коднымөс бөрийинный?

— Тіанөс,— эз шөйөвош Кальта Толь.

— Лена,— нюмсорөн кывлысис Валентина Ивановна аслас отсасысь дінө,— недыр кезлө петалөй коридорас, меным колө сёрнитыштны тайө висьысьыскөд.

Ань петом бёрын Кальта Толь да бурдодысь эз дыр и сёрнитны.

— Синпелев, медводдзаысь и медбөръяысь тіянлы шуа: татшом могөн менам удж выло сэсса некор эн локтөй. Висянный кө, да кыті висьө, сійөс и висьталөй, а татшом корөмъясөн шыасьөй сөмын удж бёрын.

— Но ме жө збылысь вися.

— Мый тіян висьө? Кыті?— нюммуніс пельшер.

— Сьолөмөй.

— Сідзкө, тіянлы колө ветлыны юрсиکتө, районса больничаө, либө юркарө. Сэні эм бур аппаратаура, уджалөны врачьяс. Тіанөс видзодласны...

— О-ог! Ме некытчө ог мун.

— Мыйла?

— Ме ті понда вися. Ті выло көсья гөтрасьны.

— Анатолий Егорович,— дөзмис пельшер.— Та йылысь кутам сёрнитны удж бёрын, рыгнас. А өні меным некор. Коридорас висьысьыс со тырыс пукалө. Ставөн виччысьөны, кор ті петанныд.

— Сідзкө, рыгнас и аддзысям,— эз шөйөвош Кальта Толь.— Талун клубас бур кино петкодлөны, ветлам, ме кута виччысьны.

— Бур, бур, ветлам, инө, ветлам клубас,— сетіс сөглас Валентина Ивановна.— Сөмын петөй сэсса татысь өдйөджык, некор меным тіянлысь бызгөмтө кывзыны.

Кабинетысь сійö петіс нюмъялігтыр. Öти воськов лои вöчöма. Öти мог пöртöма оломö. Öни водзлань колö сынны. Рыгнас Кальта Толь кутіс виччысьны Валентинаöс клуб дорын. Көть ёнасö эськö эз и эскы, мый нылыс локтас, век жö лача кутіс. Кино вылас билетсö водзвыв эз ньöб. Дай мыйла? Гашкö, пельшерыс и вунöдіс Толь йылысь да оз и лок аддзысьлом вылас. Но Валентина эз пöръяв виччысьысьсö, локтіс. Вöччöма, краситчöма-баситчöма.

— Бур рыт,— чолөмасис Толякöд Валя.— Билеттö ньöбин кино вылас?

— Эг на, чайті, он лок да, мися, мыйла ньöбны.

— Но, сідзкö, ньöб да пырам. Регыд нин заводитчас киноыс.

Кальта Толь матыстчис билет вузалан касса дорö, сэсся мый-лакö зепгясас мöдіс гудйысьны.

— Мый нö нюжмасын?— чуймис Валя.— Мый корсьысын?

— Деньга кальтай вунöма гортö, тыдалö, пызан вылас кольöма.

— Но тэ и тяпа, кино былö нылöс коран, а сьöмтö гортад вунöдан,— серöктіс ныв.— Меным ковмас билетсö ньöбны. Мöдысь эн вунöд сьöмтö... Жöник.

Валя ньöбис ас сьöм вылас кык билет. Кино видзöдöм бöрын нылöс гортас кольöдігөн Толь тöдмаліс, мый Валя быдмöма уна челядя семьяын: ай-мамыс уджалöны совхозын, чой-вокыс ичöтöсь на, школаын велöдчöны. Тайö медводдза аддзысьлом бöрын Толь да Валя пöшти быд рыт кутісны аддзысьлыны. Но кино вылад гежöда нин пыравлісны. Тольлы кино билет вылас сьöмыс жаль да, пыр шуö, бурджык пö сиктöдыс ветлöдлыштны, сöстөм сынöдсö апавны, мича вөр-ванас нимкодьясьны. А клубас пö сöмын тшын да бус, коридорас унаөн шпуткöны-куритчöны да. Ачыс Кальта Толь оз ышмав шпуткöмнад, некор эз куритчыв дай оз и кыскы сійöс чигарка дукуыс. Нинöмла пö сьöмтö тшынйыв шыблавны. Йöйталöм пö тайö сöмын. Оз кой Тольыд сьöмсö и вина-водка былö. Кодкö кö вöзгяс сылы вина стопка, дерт, оз пыксьы, вомас жö кымас. А ас сьöм вылас — ни-ни... Öти доз оз ньöб.

Рыггяснас некымынысь аддзысьлом бöрын Кальта Толь öти мича лунö вайöдіс мусасö ас ордас. Загсын эз гижсьыны, кöлысь эз вöчлыны. Удитам на пö гижсьыны, шуис Кальта Толь. Дай сьöмыс уна петас гажöдчöм вылас. Выхь гöтырыс паныд нинöм эз шу. Кöлысьтöгыд овсяс на. Валентинаыд, вöлөмкö, воддза гöтырыс моз жö радейтö мичаа пасьтасьны, краситчыны-баситчыны. Ме пö том на, челядьдырйи бур паськөм да көмкот эг аддзыв, да көть öни мый колö, сійöс и ньöба. И збыльысь, выль гöтырыс асьыс кывгьяссö бокö эз шыблав. Став удждон вылас мича выль паськөм да көмкот ньöбалö. Но көзяйка зэв бур, зэв на и киподтуя, горт улас кыккирудз оз пукав, пусьö-идрасьö, рөмпöштан водзын рыт-рыт оз мичмöдчы да и Тольлы шойччөгсö оз сет — пес тшöктас поткöдлыны, ва кыскавны, песлалöм паськөмсö шорын пожгьявны, пывсян ломтыны, град йöрын ноксьыны, картофель пуктыны-керны, вөрö корöсьла ветлыны, чери кыйны, тшак вотны, көзаясыслы көрым заптыны. А верöсыслы варов да сюсь ань шуö, менам пö уджыс сьöкыд да кывкутана, сэні пö ёна мудза, да тэныд, муса Толик, ме вöсна колö лун и вой тöждысьны. Ме пö тэнö верда-пасьтöда-көмöда, и тэ мö-

дан овны сідз, кыдзи меным колö. Тольöн весиг быд төлысса удждоньс вуджис гөтырыслөн зептö. Нинöмла пö сылы сьöмыс. Толь то удж вылын, то гортас быд лун ноксьö, лунъюгыдсö бурногөн оз аддзыв. Со и мудзис ёнакодь. Но нинöм. Регыд, гашкö, арнас Толь отпускö петас да сэки нин бурпöт гөтырыскöд шойчасны.

И со бара воис шоньд, гажа гожöм, кодi вайис Тольлы нöшта на ыджыдджык виччысьтöмтор. Сылөн муса гөтырыс, путёвка сетöмаось да, тюрöдiс-мунiс шойчыны лунвывса саридз дорö. Верöссö эз босьт. Öтнам пö ветла, а тэ горт овны кутан. Кöзаяссö пö öд öтнаныс он коль, тшыгла куласны. Коркö мöдысь пö кыкөн ветлам. Но Толь мöвпалiс мöд ног. Мыйла колö кытчöкö мунны, кор и танi, ас чужан муын, бура шойчыны позьö?! Курортад ветлöмьд төв йыв сьöм шыблалöм кодь жö. Толь тай шойчыны некытчö некор эз ветыв да, сідз жö зэв бура овсьö. И со öнi Тольыд гортас и град йöрын öтнасөн став уджсö бергöдö, но оз элясь, муса гөтырсö виччысьö. Лунвылысь Валяыс воис төлысь мысти. Нöшта на мичаммöма, кыпыд лола. Öтарö ошйисьö. Экскурсияөн уналаö ветлöма да, быдторсö аддзылöма да. Быдсикас сувенирсö, краситчан-баситчанторьяс вайöма. Верöсыслы на кутшöмсюрö козин ньöбöма. Лунвылын, шоньд саридз дорын снимайтчöм фотокарточкаысö стенö öшлис. Но, шуö, лунвылад ветлiгөн пö став сьöмöй бырис, весиг öти шайт эз коль, сöмын туй вылö и тырмис. Кальта Тольлы, дерт, нимкодь, гөтырыс воис да. Но лөг босьтiс, быд ковтöмтор вылö сьöмсö койöма да. Век жö нинöм эз шу. Чöv оліс. Сэсса и аслас отпускö петан кад воис.

— Но, Валюк, ме отпускö петi,— рытнас ужнайтiгөн юöртiс гөтырыслы Кальта Толь.— Кута шойчыны, лунвыв саридз дорö, дерт, ог мун, пыжөн катла вөр керка дорö, сэни олышта, чери кыйышта.

— Дыр-ö кежлö мунан да кор?— юалис Валя.

— Ог төд.

— А отпуск сьöмтö сетiсны нин?

— Эз на. Кассырыс висьмöма да некодлы сетны. Лун куим мысьт петас удж вылас да сэк ветла деньгаысла. Но нинöм, тшыгла, гашкö, ог кулöй, сёян-юанным эм да.

Мöд асывнас Валя мунiс медпунктö. Отпускыс помасис. Колö босьтчыны уджö. Кальта Толь ветлiс лавкаö, ньöбис нянь-сов, сакар-шыдöс, сэсса кыйсян көлуйсö, сёян-юансö лэччöдалiс берег дорö сибöдöм пыжö. Дыр эз и нюжмась. Лун шөр бöрын нин мотора пыжнас йöткисыс вадорысь. Рытнас удж вылысь воём гөтырыс аддзис пызан вылысь записка. Верöсыс юöртöма, мый мöдöдчö пыжөн вөр керкаас да оз төд, кор воас бөр. Валя шай-паймунiс, öд курортö ветлiгөн видзис ассьыс дай верöсыслысь став сьöмсö. А локтан удждонсö кор на и сетасны...

— Но нинöм,— мöвпалö Валя.— Тольöн удж вылас ветла да сылысь отпуск сьöмсö босьта.

Тадзи и вöчис. Лун куим мысти пырис совхозса кантораö. Сьöм сеталысьыс дорö матыстчис:

— Меным эськö колö верöсöйлысь отпуск сьöмсö босьтны. Вөр керкаö дыр кежлö катiс да мунöм водзвылас меным тшöктiс тi ордö сьöмысла пыравны.

— Но ми боковой йозлы съомсö ог сеталöй,— вочавидзис кассирыс.

— Но ме öд абу боковой морт, ме сылön гöтыр. Дай кыз ме денегатöгыс мöда овны? Верöсöй, гашкö, тöлысь оз во да,— шогö уси Валентина Ивановна.

— Кызди ним-овыс верöсыдлön?— юалис нывбаба-кассир.

— Синпелев Анатолий Егорович.

— Синпелев... Так, так, так... Анатолий Егорович...— кассир видзöдлiс ведомосьтсö.— Да тiян верöсныд босьтöма нин отпуск-нойсö.

— Кыз босьтöма?— чуймис Валя.— А меным висьталiс, мый тi висьмылöмныд да абу уджалöмныд.

— Мед оз сör. Эг вись ме. Век уджалi.

Валентина Ивановна эз кут вензыны кассирыскöд. Нывбаба пыр и гөгөрвоис, мый верöсыс сiйöс бöбйöдлöма. Но мый понда тадзи сiйö вöчис? Гашкö, юасьтөг да öтнасөн ветлiс саридз дорö да? А гашкö, съомыс сылы жаль лои? Но öд Валя гортас кык-кирудз оз пукав, ставсö ачыс бергöдö-вöчö. Удждон дай премия на гортас век вайö. А мый ичöтджык чой-вокыслы корсюрö ко-зингяс ыстылö, оз жö тай зэв тшöкыда. Валя, дерт, тöдö, мый Тольыс скупджык, съомтö тöv йылö оз шыблав. Тайöс ань важөн нин казялiс да та вöсна и босьтiс ас киас вöжжисö. Ачыс мöдiс съомнас вöдитчыны. Шулiс на Тольыслы, денегасö пö öд он солав ли чулки-латшын он видз. Съомыд сы былö и эм, мед ко-ланаторъяссö нöбны. Валя кывлiс нин, мый медводдза гöтырыс Тольсö эновтöма сылön скуплун да горшлун вöсна. Но Кальта Толь выль гöтырыслön аслас видзöдлас та былö. Скупитчöмыд пö абу йöйталöм. Сэк жö курыд зелля былö съомсö Тольыд оз шыблав, оз куритчы. Татшöмтö Валя ас кабырас öдйö шымыртас, раммöдас мортсö. И збыльсь, со воысь дырджык нин кывтiс налön öтлаасьомсянь, а Толь гöтырыслы паныд нинöм на эз шулы. Тыдалö, полö, медводдза гöтырыс моз жö мед Валя эз пышйы сы дорысь.

Толь вөр керкасьыс кывтiс вежон кык мысти. Чери кыйöма, тшак да пув вотöма — абу дышöдчöма. Мудзыштöма, дерт, но долыд чужöма, кыпыд лола.

— Нач нин курортын вöлi,— ошйысьö Толь гöтырыс водзын.— Сынöдыс сöстöм, ваыс сэни ма кодь, эз кö ёна дöзмöдчыны номгьясыс, гашкö, эг и кывт татшöм водз.

— Антикомаринсö мед босьтiн, эз эськö дöзмöдчыны,— велöдiс гöтырыс.

— Босьтlи эськö да, мыйкö важ ли мый ли, эз отсав.

— А деньгаыд, кодöс сьöрсыйд босьтiн, эз жö отсав? Мед сiйön вевттьысин-шебрасин гебсьыс,— скöрмис Валя.

— Кутшöм деньга?— чуймис Толь.

— Кутш кодь сера да варыш кодь гöна.

— А, тэ тадз сёрнитан. Ачыл тай меысь юасьтөг-висьтасьтөг курортö мунiн, став съомнымöс шыблалiн-видзин быд нинöм абуыс былö, да ме кыв ни джын эг шу.

— Но öд меным денегатö колiс жö этшаник кольыштны. Ме танi муртса тшыглы эг кув тэ понда.

— Мыйла ме понда? Ачыл съомнас он кууж вöдитчыны, а ме

жō и мыжа коли. Тэныд сэссия удждонōс ог мōд сетны,— ōзтōм сyumōд моз ырзис Кальта Толь.

— Да?!

— Да.

— Но, сідзкō, тайō лунсянь кутам торйōн сёйны и торйōн жō узылыны,— кывкōрталіс вензьōмсō Валя.— Ме кута бать-мам вежōсад овны.

Тайō лунсянь гозъя костын быттъō съōд кань вуджис. Ōта-мōдныскōд эз кутны сёрнитны. Валя аслыс сёян дасътō, Толь ачыс жō пусъō. Узылōны торйōн. Кōзаяссō ōчередьōн лысътōны: ōтиыс асывнас, мōдыс — рытнас. Пывсянсō ōчередьōн жō лом-тылōны вежон мысти. Торйōн и пывсёны. Дыр-ō на эськō зы-кō воѳм гозьялōн татшōм йōзсерамасъōмыс кыссис, эз кō мōдōд-ны Валяōс, водзмōстчысь комсомолкаōс, юрсиктō том йōзлōн чукōртчылōм вылō. Сэтысь воѳм бōрын Валя мыйлакō быд шойч-чан лунō век тэрмасис юрсиктō. Кальта Тольлы, дерт, оз сёрнит-ны да, гōтырыс отчёт эз вōчлы. Мед ветлōдлō, эштōма кō уджыс. Но ōти мича лунō налōн керка дорō сувтис «уазик». Машинасыс петисны статья, мичаа пасътасъōм тōдтōм мужичōй да Валя. Пыр-алісны Тольяслōн керкаō, сэссия петкōдалісны машинаō Валяōн водзвыв дасътōм кōлуйсō.

— Со и ставыс,— ышловзис Валя.— Эн дивит менō, Анатолий Егорович, но ме тэкōд сэссия ог вермы овны, муна юрсиктō. Сэтчō вуджи уджавны. Миян Ванякōд регыд кōлысь лоас. Ме сійōс радейта, ме ськōд зэв шуда.

Вōвлōм верōсыслы татшōм кывъяс шуѳм бōрын найō пуксис-ны машинаō. Журкнитис мотор. «Уазик» варова тōвзис сиктса шōр туй кузя. Кальта Толь коли сулавны керка дорас.

Тайō виччысьтōмтор бōрын исковтис кадыс. Шуштōм-гажтōм арыс да кузьсыс-кузь кōдзыд тōлыс тшōкыда шымыртлісны ōткōн кольōм мужичōйлысь сьōлōмсō. Дай шоньд тулысыс, яръягыд шондйыс эз гажōдны сылысь ловсō. Сійō чайтліс на, мый Валяыс бōр бергōдчас вōвлōм верōсыс дорō. Но пельшерыд эз во. Тольлы ковмис вузавны ōтвылысь лōсьōдлōм кōзаяссō. Дасъ-тылōм кōрымсō иналіс жō и. Ачыс ōд турунсō оз мōд нятшкыны. А бōрыннас асьсō кутис такōдны, абу на пō ме вошōм морт — том, уджач, идōр. Татшōмыд сайō оз на ōти ань вōзйысь верōс сайō. Сōмын чуньнад манитышт, ма дорō мазіяс моз лэбзясны! Но весьшōрō тадзи мōвпаліс Кальта Толь. Сиктса том нывъяс сы вылō торъя эз видзōдны. Тōдісны: скуп Толь дорад верман и тшыгла кувны. Сиктсаяс сёрнитōны, дзикōдз пō сьōм пондаыс Тольыд йōймōма, тшай ва вылын олōм вōснаыс сōмын лыыс да куыс кольōма адгоршыдлōн, но сьōмсō сёян вылō оз видз, сун-дукас деньгасō тэчō. Та понда весиг вōвлōм ёртъясыс сыысь ōтдортчисны, гежōд морт сы дорō пыралō. Сōмын Сюзь Валер оз вунōдлы ёртсō, корсюрō кежавлō сы ордō. Сьōрсъыс вина доз ли водка ваяс, да рытывбыд мужичōйяс даръясьōны. Ōти рытō Валер пырис Тольясō эз ōтнас. Ськōд тшōтш пырис ар кызь вита кымын ныв.

— Тōдмасъ,— шуис Сюзь Валер.— Тайō Шура, менам бур тōдса. Орчча сиктысь татчō воѳма нывъёртыс дорō.

— Бур эськō да. А мый мōгōн воинныд?— юаліс ёртыслысь

Кальта Толь.— Век тай вöлі öтнад пыравлан, а со талун бöж аскöдыд кыскöмьд.

— Кутшöм бöж?— серöктіс Валер.— Бур тöдса, Шура, Катьд-помын столöвöяс уджалö. Тэ ордö пукалыштны пырим, водка доз босьтiм да. Ноко, вай пызан вылад сола тшактö пукты, чös-масьыштам.

Кальта Тольы эськö и жаль тшакыс, да мый керан, ёртыс кö корö. Нинöмысь оз куж виччысьны, нач нин ас гортас пырöма да ыджыдалö. Керкаса кöзяин мырдöнысьмоз пуктiс пызан вылö тшак тыра тасьтi да некымын пуом картупель. Валер та кості восьтiс водка дозсö.

— Но, тöдмасьöм понда — öти стопкаөн,— кыпöдiс стöкансö Сюзь Валер.

Чукöртчöмаяс сэсся рытывбыд пызан сайын даръясисны. Öти дозйыс эз тырмы да, Валер лавкаö котöртлiс. Гажмöм Тольы, важöнкодь нин эз видлыв курыд зеллясö да сійөн ли мый ли, сьöкыд лои. Юрыс дув-дув, шуис, мунöй пö гортаныд, меным шойччыштны колö. Сэсся лажгысис-водiс крöвать вылö. Кунис синъяссö. Асывнас садьмис водз. Ывлаыс пемыд на. Тольöн юрыс висьö. Горшыс косьмö. Кöсйис чеччыны кöдзыд ва юыш-тыны. Но казялiс ас дорас узьысь мортöс. Чайтiс, Сюзь Валерыс ськöд орччөн нюжöдчöма.

— Ноко, чеччы. Мый татчö лажгысьöмьд?— Толь йöткис узьысьлы бокас.

— Мый йöткасян?— кыліс пемыдас нывбабалөн шыöдчöм.

— Тэ нö кодi?

— Ме — Шура.

— Кытысь нö татчö усин?

— Енэжсьыс. Вунöдiн али мый? Тöрыт тай тi ордын пукалiм, юыштiм.

— А мыйла нö Валерыскöд эн мун? Мыйла татчö кольччин?

— Меным лёк лои дай кольччи. Эг вермы мунны, а сійö гортас мунiс.

Кальта Толь чеччис крöвать вывсьыс, öзтiс югыд бисö, сэсся кöшөн гумовтiс ведраысь кöдзыд ва, азыма мöдiс юны.

— Мый васö дучкан?— кывлысис ань.— Тöрыття водкаыс кольыштi да сійөн веськöдам юрнымöс.

И збыльысь Шура перйис диван дорас сайöдöм джынъя доз. Толь эз мöд пыксьыны. Юрыс висьö, кöть шöри потö. Дай öт-наслы зэв шуштöм. Пукалыштас кö нылыс сы ордын неуна, нинöм таысь лёкыс оз ло. Юрсö веськöдас курыдторнас дай мунас. Кальта Толь пуктiс пызан вылö сола тшак тыра тасьтi. Пуксисны да телевизорысь кутшöмкö кинофильм видзöдiгкості водкасö быдсөн сысьялiсны. Шураыдлы, тыдалö, этша лоöма да Тольлысь вина доз вылö сьöм мöдiс корны. Сійö эськö и пык-сьыліс, тырмас пö, юыштiм пö нин талун, либö пö ас сьöм вы-лад ньöб, ёна кö колö.

— Но-о! Эн жмотитчы, Толик, öтчыд öд олам. Гажъялыштам кö талун, нинöм оз ло. Дай талун вöскресенньö, уджавны оз ков мунны.

Кальта Тольы ковмис пыравны орчча кöдзыд вежöсас. То-манөн игналöм шкапсö ключөн восьтiс да перйис сэтысь каль-

тасо, босьтис некымын шайт. Сэсся калытасо бөр суйис шкапас да игналіс ключнас.

— На,— шуис Шуралы.— Тані тшук өти доз выло сьомыс, ачыл ветлы лавкаас да өдйөджык. Өти кокыл мед тан, мөды сэн. Ме кута виччысьны.

Кальта Толь ачыс эз мун лавкаас. Код төдас, кутшөм аныс вайөдіс төрыт сы ордө Сюзь Валерыс. Гашкө, гусясьыс да. Мыйлакө абу мунөма гортас, Толь дорө узыны кольччөма. Абу өмөй яндзим аслыс? Көть абу и дивө — өні лэдзчысьөм бабаыл уна шөйтө. Ни өти удж вылын оз өшйыны, сөмын юоны да мужичөйяскөд узылөны. Но Толь абу йөй, татшөмьястө ас дорад оз сибөд. А Шураыс сідзсө зэв на и мича: гөгрөс чужөма, рудов гырысь синьяса. Статя и.

Шураыс лавкасьыс өдйө и воис, да сэсся лунтыр Толь ордын сысьясисны. Некытчө эз мун, сэк жө рытнас нюжөдчис-водис пызансайса небыд диван выло да сэтчө и унмовсис. Толь а эз нин садьмөд узысьтө. Асывнас удж вылас мунөм водзвылас мөдіс чуксавны нывсө, но сійө эз чеччы, сөмын ымөстис:

— Тэ мун удж вылад. Ме узышта на. Ме отпускын да меным некытчө тэрмасьнысө.

— Но ме тэнө ас керкаө өтнадтө ог коль. Мыйкө шышнитан дай пыгыян,— дөзмискодь Кальта Толь.

— Да тэнсьыд тан нинөм шышнитнысө,— кывлысис Шура.— Киссьөм диваныд нө кодлы колө... Бурджык, томнав менө татчө. Ме көть шойчышта.

Керкаса көзяин таdzi и вөчис. Оланінсө игналіс ыджыл тома-нөн дай мунис удж выло. Рытнас воис пемыдөн нин. Шура телевизор видзөдө. Пызан вылын пражитөм картупель. Тасьтйын солалөм тшак. Электрочайникыс пөсь.

— Көзяйничайтышти ме тэнад гортад,— шыясис Шура.— Мися, удж вывсьыд воан да аслыл оз ков пусыны.

Удж вылас лунтыр ноксиг-пессигөн өна мудзөм Толь пуксис пызан сайө да босьтчис сөйны. Ачыс ас кежсьыс мөвпалө: зэв өд эськө бур, кор гортад тэнө кодкө виччысьө, пусьө-пөжасьө, пеласьө-идрасьө. Валяыс, Толь а мөд гөтырыс, идөра вөлі, да со мөд дорө пышйис. Өні Толь а гортас ставсө ковмө бергөдны. А сылөн уджыс абу кокни. Төлын көть гөжөмын, тулысын көть арын, ноксьөмыс видз-му овмөсад механизаторылды век тырмымөн. А горт олысь абу. Кальта Толь удж вывсьыс век воө тшыг көин кодь дай мудзөма. Гөтрасьны эськө колө да, колана аныс некылд оз веськав. Ставныс тшاپитчөны, краситчөны-баситчөны, сьөмтө оз кужны видзтыны. А тайө Шураыс, тыдалө, идөра, төждысьыс. Со и пусыштөма көзяинсө виччыситөн.

— Толик,— кыліс анылөн шыасьөмсө.— Позьө, ме тэ ордын олышта?

— Кыдз олыштан?

— Тэныд жө өтнадлы сьөкыл, видзөда да,— стөчмөдіс аны.— Ме верма отсасьыштны. Верма пусыны, идрасьны, удж вывсьыд воигкежад век нин мыйкө дасьта.

— А кыз нө тэнад уджылд?— чуймис Кальта Толь.

— Ме жө отпускын, тан шойчышта дай бөр ас сиктө муна.

Кальта Толь өна паныд эз ло. Лэдзис нывсө ас ордас овны. Ветліс лавкаө, ньөбис тшай-сакар, нянь, кутшөмсьорө донтөм

шыдӱс. Аньлы тшӱктӱс, мед ӱти вежӱссыс пачсӱ ломтас да пу-
сяс, керка пытшкӱссӱ идралыштас. Шураӱс эз ковмы велӱдны.
Пачка шыдтӱ да роктӱ пуас, картофелъ жаркнитас, тшай шон-
тас... Весиг пывсян ломтас. Сӱсся кыдзкӱ сӱдз артмис, мый и
войнас ӱти вольпасын мӱдӱсны узылыны. Шураыд ачыс мед-
водзӱн сы дорӱ матыстчис. Шуис, диван вылас пӱ ӱтнамӱн
кынма, керкаас кӱдзыд да. Тольлы нимкодъ. Отсасысьыд ӱнӱ
и збыльысь нач нин енӱжсыс уси. Том, мича, варов, пелькӱс,
сӱрниа... Но... ӱти но... Сьӱмтӱ оз вай. Тольӱн сьылӱ вылас
пуксис. ӱти рытӱ выль олысьыд и юалӱс кӱзьяиныдлысь:

— Мыйла нӱ сӱмын ӱти вежӱссыд пачтӱ ломтыны тшӱктан?
Мӱд вежӱсас ӱд кӱдзыд жӱ, дай мыйлакӱ ӱдзӱсыс век игана.

— Ог ломтыв, пескыс уна мунӱ да. Да ме и ӱти жырӱӱ тӱ-
рӱдча,— вочавидзис Толь.

Вежон мысти кымын выль олысьыд гортас мӱдӱдчис. Отпус-
кыс помасис, дай бать-мамыс виччысьӱны. Шура мунӱм бӱрын
Тольлы дзикӱдз гажтӱм лои. Бара ӱтнасӱн коли. Гортас сӱйӱс
некод оз виччысь. Кыв шуны некодды. Чайтӱс на, мый вич-
чысьтӱм олысьыс ас йывсьыс юӱр сетас либӱ пыралас коркӱ.
Но Шуралӱн шы ни ру. Мунӱс дай вошис, быгтӱӱ ваӱ вӱйис.
Но, мӱвпалӱ Кальта Толь, сӱдзкӱ, абу шуӱма Енмыс, мед Шураыс
сыкӱд овмӱдчис. Мортыд дугдӱс нывсӱ виччысьны, дай сиктын
гӱра-кӱдза пансис, механизаторъяслӱн пӱсь кад. Удж былӱ мунӱ
асывнас водз, воӱ рыгнас сӱрӱн. Кальта Тольлы некор нывъяс
йылысь мӱвпавны. Сьӱм нажӱвитӱ, мукӱдъяс моз весь оз ов.
Гӱра-кӱдза уджыс эштӱс, но водзын — кӱрым заптан кад. Тольыд
и сӱн медколана морт. Гажтӱмтчыны некор. Сӱсся и зарни ар
пуксис. Овмӱсын картофелъ идралӱм эштӱдӱма лои. Тольлы дыр
виччысяна шойччан кад вичмис. Пажнайтыштӱм бӱрын важ
диван вылын пемыдӱнас куйлӱ-шойччӱ. Югыд бисӱ оз ӱзты, ни-
нӱмла весьшӱрӱ сотны, мӱвпалӱ ачыс, оз ӱд газет ли сьӱм
лыддыны ковмы. Посводзын кок шы кылис. Сӱсся ӱдзӱсыс
воссис. Толь водзын вержык моз петкӱдчис морт мыгӱр.

— Кодӱ нӱ пырис?— юалӱс Толь.

— Тайӱ ме,— шыасис нывбаба.— Битӱм эськӱ керкаыд да,
но, видзӱда да, ӱдзӱсыд абу таса, мися, ачыд гортад, сӱдзкӱ.

— Шура? Тӱ али мый?

— Ме, дерт.

Кальта Толь чеччис диван вывсьыс да ӱзтӱс югыд бисӱ. Кӱтшын
сулалӱс Шура. Важиник пальтоа, важиник жӱ сапӱга. Ачыс
гажа.

— Кытчӱ нӱ вошлӱн? Мыйкӱ тай важӱнкодъ нин эн пырав?—
бара на юалӱс Кальта Толь.

— А-а-а! Кӱнӱ ме вӱлӱ, сӱнӱ абу нин,— серӱктыштӱс Шура.—
Эн нин юасъ, бурджык лоас, тшайтӱ кӱ шонтан.

Кальта Толь пуктӱс пузӱдны ва тыра тшайниксӱ. Пызан вылас
вайис культӱм пуӱм картофелъ да корис гӱстясӱ:

— Лок, пуксы да ваксы, кыдз шуласны. Чӱсмась карту-
пельнас. Менам сӱсся нинӱм ыджаыс абу.

— А меным нинӱм оз и ков. Румкаястӱ сӱмын вай,— Шура
кыскис сумкасыс водка доз.— Ёна кынми да вай кыкӱн шон-
тысьыштам-юыштам.

Важ тӱдсаяс пуксисны пызан сайӱ. Гоз-мӱд румкаыс кыкнан-

нысö гажмöдiс, восьтiс вомкаличнысö. Толь пырджык юасьö, а Шура бызгö-висьталö ас олöм-вылöмсьыс быдсикас лоöмторсö. Мöдыс сöмын чуймалö-шензьö. Кыдзи гөгöрвоис керкаса кöзяин, Шураыд Кальта Толь ордыс мунöм бöрын бать-мам гортас абу пырöма овны, найö пö ёна юöны да. Да и батыслөн кабырыс век вылын, кодалiгöныс челядьсö и гөтырсö гортсьыс вöтлö, олан лад абу. Шуралы ковмöма олыштны нывъёртыс ордын, кодлөн аслас верöс дай ичöтик кага. Мый вöчны? Шураыд удж вывсьыс петас дай карлань сетчас. Сэни тöдса ань ордын жö овмöдчас. Удж вылö пырас больничаö санитаркаөн. Но тöдсаыслөн сiдз жö верöс дай кык челядь. Эськö и позис на ордын олыштны да бöрыннас позис и öтув керкаыс пельöс судзöдны. Но тöд-саыслөн верöсыс ышмыны кутöма, Шура дорö маласыны быд вой локтö. Аньыдлы бөр ковмöма ас сиктас локны. Бать-мамыс гортас оз лэдзны да öни оланiн корсьысьö.

— Гашкö, тэ менö лэдзан ас ордад олыштны?— юалис Шура.

— Ог тöд, мый и вöчны,— кывлысис Кальта Толь.— Öд тэ öни некөн он уджав, сьöм он вай, а ме тэнö вердны ог вермы.

— Да ме öд удж вылö пыра кытчöкö, совхозö лысьтысьысьөн ли кукань видзысьөн... Верма и столövöйын пусьысьөн уджавны. Аски жö и ветла сэтчö. Эн шогсьы, тшыгла ог кулöй,— такöдiс Тольöс гажмöм ань.

Öни нин Толь да Шура важ гозъя моз водiсны öти вольпасьö. Мöд асывнас керкаса кöзяин ыстiс бара на нач нин енэжсьыс усьöм аньсö корсьны аслыс удж. Тшöктiс пыравны столövöйö, мед тöдмалас, гашкö, сэн пусьыс ли идрасьыс колö. Удж корсьысьыд воис Толь ордö лун шөр бöрын. Шуö, некөн пö некутшöм уджалыс оз ков, но виччысьлам. Гашкö, усяс на шу-дыс. Ань эскöдiс Тольöс, мый сылөн сьылi вылö оз öшйы, уджтö аддзас, но йöv лысьтысьөн ли кукань видзысьөн оз мöд мырсьыны. Зэв пö сьöкыд тайö уджыс. Сöмын корис кöзяиныдысь водка доз вылö сьöм. Дзикöдз пö кыпыдлунöй вошис, юыштам да, гашкö, бурджык лоас сьölöм вылын. Мöд асыв пö бара на кытчöкö ветла удж корсьны. Тольлы эськö жаль доз вылас сьöмыс, но мый керан, корö бабаыс да. Сiйö восьтiс орчча вежöсыс томналöм öдзöссö ключөн, игналöм жö шкапсьыс перйылис калтасö. Сэсся бөр ставсö, и шкапсö, и öдзöссö, тшиктшолк томналис:

— Медбөръяыс доз вылад сьöмсö сета. Сэсся эн кор. Дай мода мед эз вöv водзö вылö.

— Но-но, эн жмотитчы,— нюммунис Шура.— Ог мöд сэсся корны. Удж вылö пыра, да некор лоас даръясьны.

Рытивбыд водка дозсö сысьялöм бöрын выль гозъя унмовсисны: Толь — крöвать вылын, Шура — диван вылын. Асывнас керкаса кöзяин садьмис сёрөн нин. Вöчны нинöм, мортыд отпускын да. Вальмасьыштiс-нюжмасьыштiс вольпасяс. Вежöсын — шы ни тöv.

— Шура,— чукöстiс сiйö.

Но некод эз шыась. Водзджык, тыдалö, аныс садьмöма да петöма град йöрас ли мый ли. Гашкö, и удж корсьны мунöма. Кальта Толь чеччис крöвать вывсьыс, видзöдлiс öшинь пыр, озö ывлаас Шураыс бергав. Но ань сэни эз вöv. Толь петалис пос-водзö, пыралис сарайö. Шуралөн дукус оз кыв.

— Сідзкё, удж корсьны мунёма,— нимкодпырысь сійё вёчис кывкёртёда да нюммуніс.

Шураёс виччысигмоз солалём ас чериён да пуём картупельён чёсмасьыштис, тшай юыштис. Пывсянё ва ваяліс. Сарай дорас пес поткёдліс. Посводзсё корёсьён чышкис. Рытладорыс пывсян горсё пестис, мед выль гётырыс воигкежлё сійё лои дась. А Шура абу и абу. Пемдыны нин пондіс. Арся луныд ёд дженьыд. Пывсяныд ваймис. Кад пывсьыны, а выль гётырыслён дум абу локны. Толь лэбёдіс мыш вылас куртка да веськёдчис Сюзь Валер ордё. Гашкё, Шураыс сэні да. Сійё ёд тайё сиктсьыс, тыдалё, Валер кындзи некодёс оз тёда. Валер да сылён Тоня гётырыс телевизор видзёдоны. Найё тёдісны, мый Кальта Толь овмёдчыліс Шураыскёда, тёдісны и сійёс, мый аныс сы дорысь мунёма.

— Кутшём мог суис? Важён нин эн пыравлы да,— чуймис ёртыс.

— Суис тай. Шураыд, кодкёда тэ менё тёммёдлін, ме ордё бёр воис овны. Талун асывнас удж корсьны муніс дай эз и во. Мися, гашкё, ті ордё пырис.

— Мый?— чуймис Сюзь Валерлён Тоня гётырыс.— Кутшём удж? Сійё жё некор некён эз уджавлы. Ёласё-ветлёдлё сиктсьыс сиктё, то ёти ордын олыштас, то мёда ордын. Гусясьысь сійё, бёбйёдлыны бур йёзсё зэв сюсь.

— Кыдз гусясьысь?— Кальта Тольлён сингьясыс кольча кодъ ыджыдёсь лоины.

— Да сійё жё важысянь нин татшём вёлёма,— стёчмёдіс Тоня.

— Катыдпом сиктад менам ёти тёдса олё, сы ордын ме кольём во гожёмнас вёлі, сійё и висьталіс. Шураыдлён бать-мамыс вина-водкатё ёна радейтоны, да нывныс на дорын и велалёма юнысё. Сэсся гусясьны мёдома.

— А мыйла нё меным Валерыд нинём эз висьтав Шура йывсьыс?— чуймис Кальта Толь.

— Сылы ёда мый? Вомас кё вина воас, муюгыдсё вунёдас. Ачыд ёда тёдан,— Тоня скёра видзёдліс верёсыс вылё.— Пукалё-маёсь коркё кодъяс ордын кё, ог тёда, код ордын, да сэні и кёвьясьёма Шураыс Валер дорё.

— Валер, мыйла тэ кёть менё эн ёлёда? Мыйла сійёс ме дорё вайёдін сэки?— уськёдчис Толь ёртыс вылё.— Эн мёй тёда, мый сійё гусясьысь?

— Эг, дерт. Тёді кё, эг вайёда. Но тэ жё сэки ётнад олін. Кёсийи тёммёдны тіянёс. Мися, гашкё, сы вылё сэсся гётрасян.

— Да-а!— шензьё Кальта Толь.— Олыштис ме ордын Шураыс, но некыдз эг вермы чайтны, мый сійё татшём вёлёма. Горт улын, мый колё, ставсё вёлі вёчас, пусяс-идрасяс...

— Да-да, сэсся денгятё гусялас дай пышгьяс,— содтіс Тоня.

— Гашкё, и менсьым нин калтаёс куштис?— повзис Толь да аслас керкалань котёртіс.

Ас гортланьыс Кальта Толь тёв ныр моз тёвзис да пыр жё и чепёсийс томналём вежёсланьыс. Йёткис ёдзёссё. Сійё эз воссъы. Сідзкё, игана. Гусяинсьыс, ыджыд пач сайын кёрт тув вылё ёшёдом, ключсё босьтіс. Киясыс тіралісны, да Толь дыркодь эз веськав ключнас томан розьё, но кызкё-мыйкё восьтіс жё

томансö. Пырис орчча вежöсас, перйис зепсыс ключ да сідз жö тіраліг восьтіс томансö шкапысь, көні видзис сьом кальтасö. Шкапын — ни кальтаыс, ни сьомыс. Толь неуна садьтөг эз усь. Сы мында денъга чöжліс. Водзö вылö нö мый вылö мöдас овны? Чуньсö али мый ош моз кутас нёнявны? Гортас öд кыккирудз эз пукав мукöдъяс моз. Тöv и гожöм, тулыс и ар мырсис-уджаліс, пöсь кисьтыліс и кынмавліс. Грабитöма сійöс Шураыд, сьомсö шышнитöма. Мый вöчны? Код дорö шыöдчыны? Милицияö? Да öд серамвыв кыпöдасны. Шуасны, эн лэдз гортад кодöс оз ков. Юрьяндзим йöз водзас. Со тэныд и Шура. Пöръяліс-көмöдіс Тольöс сюсь аныд.

— Но и йöй,— видö асьсö Толь.— Мөмөтыд эски аныслы, чайті сійöс бур мортөн.

Но бур на, эз став сьомсö мудер Тольыд көшеляс видз. Мужичöй öзтөм пöнарөн пырис пачсайса гөбöчас да здук мысыт петіс киас тубрасөн, перйис мешöкысь ичöтик сундук.

— Но нинөм, олам кызкö, тані на сьомыс эмышт,— такöдіс асьсö Кальта Толь.— Бур на, пач саяс сундуксö лои пыдö дзебöма. Сюсь аныд и татысь эськö шышнитіс денъгаöс. Öд казялöма коркö Шураыс, кытчö Тольыд кальтасö дзебö, кы-йöдöма, но сундукö дзебөм сьөмтö абу корсьысьöма.

Уна ва визувтіс Шура пышйөм бöрын, уна зэр киссьыліс, уна лым шлапкыліс-усьліс да сывліс, унаысь Му шарыс шонді гөгöрыс кытшовтліс, а Кальта Толь век на гөтыртөм, öтнас пушиктö-олö. Дерт, пöрысьмыштіс, юрсиыс дзормис, ки-кокыс слабмыштіс. Аскöдыс тшөтш и бать-мамысөн кыпöдлөм керкаыс морт моз жö пöрысьмыс, вежыньгчис. Оланіныс пöрысь пöль моз жö шуштөм-гажтöма видзöдö чусмөм öшиньяснас горувтіыс лөня визувтысь ю вылö, мөдлапöвса пемыд парма-яг вылö. Быттö корö, мед кодкö отсалас сылы нöштаысь на кыпöдны ловсö, гажöдны ветлысь-мунысьясöс аслас вöвлөм пельклуннас, мичлуннас, идөрлуннас. Öд коркö, уна-уна во сайын, керкасö панысьыс — Кальта Ёгор — сійöс мичмөдөм-пелькөдөм вылö пуктыліс асьыс став сямсö, киподгуйсö да тшөктыліс медся ичöt пиыслы радейтны оланінсö, лелькуйтны да дзоньтавны. Но сійöс дзоньталөм вылö Кальта Толь сьомсö эз вичмөд. Воясөн став чөжөм озырлуныс көртөн кышөм сундукин куйлö. Куим аныкöд овмөдчыліс Кальта Толь, но некодкөд олөмыс эз артмы. Нывбабаясыдлы сійö дугдіс эскыны. Шуис аслыс, некор пö сэсся ог гөтрась и некутшөм бабаос гортö ог вайöд, ставныс найö öткодьöсь. Сиктсаясыд на юаласны вöлі кодсюрö:

— Мыйла нö öтнад олан? Вайöд гортад кодöскö. Кыкнад öд гажаджык.

— А-а!— öлыштас кинас пöльыд.— Меным и öтнамлы зэв бура овсьö.



Дженъыдик висътъяс

Пöдарок

Тöрыт рытнас Ваня дорö карысь бöра-водза воліс батысь. Вайöма ичöтик пистолет. Пистолетыс лыйсигас шковгö и ствол помас би öзйылö. Ваня пырысь-пыр ошйысис Лёшöлы. Лёшö босьтіс пистолетсö, видліс лыйсьыны, видзöдліс пытшкөссьыс лампочкасö, коді öзйылö лыйигас, да шуис:

— Мошнöй! Ме пöчлы тшöкта жö ньöбны, сэсся позяс война-ысь ворсны.

— Кор нö ньöбас?

— Ог тöд.

— Талун жö и кор!

— Тэныд кокни шуны, батыд ставсö ньöбалö да. Менам пöчлысь он ёна босьт. Пыр жö шуас, сьом таргайтöм пö сöмын.

— А ме думышті, кызд вöчны,— радпырысь шуис Ваня.— Колö пöчыдлы первойöн мыйкö козьнавны. Меным мыйкö кö колö, век батыöлы первойöн пöдарок рисуита, сета да сэки нин кута дзайгыны козин йылысь.

— Кызд ме тайöс ачым эг гөгөрво?— юрсö гыжйыштіс Лёшö.— Пыр жö пета гортö да серпасала. Менам бумагаыс эм.

Лёшö эз кут нюжмасьны. Сылы телепит лои пистолетсö ньöбны, медем Ванялөн кодъ вöлі, шковгис да биыс öзйыліс. Сійö котөрөн кайис кильчö вылö. Пырис гортас, лолыс тырöма. Пöчыс юалис, ошкөд пö паныдасьлін али мый? Лёшö сöмын юрнас докнитіс: эг пö.

Какод вылысь босьтіс бумага лист. Корсис карандашсö, но сöмын сюри шарикöвöй ручка. Лёшö пуксис пызан сайö да заводитіс рисуитчыны. Пöчыс весиг шензыыштіс: мый пö талун Лёшöыскöд лоöма?

Лёшö серпасасис. Эз артмы да косыыштіс бумагасö, чукраліс да пач водзö шыбитіс. Сэсся бара рисуитіс. Бара косяліс. Та бöрын коли зэв ичöтик кабалатор, муртса ки пыдöссьыс ыджыд-джык. Сэтчö, Лёшö чайтöм серти, серпасыс артмис. Серпас гөгöрыс рочөн гижис. «Тебе бабушка подарочек не большой. Я люблю тебя очень сильно. Или ты штото мне купиш, я тебя очень люблю».

Лёшö нöшта видзöдліс пöчыслы рисуитöм козинсö. Гыжйыштіс балябöжсö. И сылы бара на окота лои мыйкö сэтчö содтыны. Кабала банладорас нинöм нин эз төр, бергöдіс бумагаторсö да рисуитіс мышкас пистолет. Уліас, медем пöчыс тырвыйö гөгөрво-ас, гижис: пистолет. Сэсся нöшта öтчид видзöдліс рисуитöмторсö да мычис пöчыслы:

— Баб, тайö тэныд мясянь пöдарок.

— Пöдарок?— чуймис пöчыс.— Мый ради нö?

— Прöстö сідз. Öні тэ меным мыйкö пöдарит.

— Ме?— бара чуймөмөн юалис пöчыс, гижöдсö да рисуйтöмсö видзöдалігмоз.— Да, тöдчö, бура велöдчöмьд школаад, грамотей, а тайö нö мый, жабаöс али менö рисуйтін?

Лёшö гөрдöдіс, юрсö копыртіс, синъяссö дзевигмоз нурбыльтіс:

— Мышкас эм на.

Пöчыс бергöдіс бумагаыслысь мышсö да гораа лыддис:

— Пистолет.

— Но да, пистолет меным колö,— лэптіс юрсö Лёшö да ко-ран синмөн видзöдліс бабыс выlö.— Ванялы батыс тöрыт ва-йöма. Сэтшöм лöсьыд!

— Тэ öд абу нин ичöt, коймöд классö вуджин. Дай дыр-ö кежлö ньöбан? Оз дыр ов, пыр и жугöдан.

— Ог жугöд, бура кута видзны. Сöмын Ванякöд войнаысь ворсыштам.

— Пуысь вöч, ми тай сідз ворслім да пöрысьöдз воим. Лавка-ысь ньöбны татшöмтортö — сöмын сьöм таргайтны,— кывкöрта-ліс пöчыс.

Тайöс кылöм бöрын Лёшö чушкыльтчис. Ас кежсьыс думыш-тіс, мый весышөрö рисуйтчис. Ваняслөн батыс со ньöбалö. А менсьым бабöс абу кокни ылöддыны.

Лёшö жугыльтчöмөн и петіс ывлаö, пырис сарайö. Джаджыйн куйлісны дедыслөн инструментъясыс: ножовка, струж, мöлöt, весиг ас вöчöм пу воропа пурт. Пöлыс кулöмсянь инструментсö некод на абу босьтlöма.

Лёшö видліс чуньнас пуртлысь да стружлысь дорышсö. Тökö-тьö чуньсö эз вунды. Босьтіс сарай бокын куйлысь дöска пом да заводитіс стружитны. Лёшö татшöм уджтö вöчны оз на бура куж да лои ёна мырсьыны. Стружитчигас и Ваняыс локтіс.

— Мый вöчан?— сарайö пыригмоз юалис сійö.

— Он аддзы? Стружитча, пистолет кута вöчны.

— Сідзкö, пöчьд оз ньöб?

— Оз. Лавкаысь ньöбны — сöмын сьöм таргайтны,— бабыс-лысь кывъяссö висьталіс Лёшö да чышкыштіс ньылöмсö плешсьыс.

Зонка здук кежлö пуктыліс стружсö, лöсьöдыштіс пöвсö да тшöктіс Ванялы кутыштны, медым оз вөр стружитігас. Ваня шашаритчис пöвъяс, но ёнасö кутны эз вермы. Пöвйыс вöрис, нөрöвитіс усьны сарай джоджö. Тадзи бура дыр ноксисны. Кыдзкö-мыйкö сэсся пöвйыс еждыштіс жö. Лёшö кинас малыш-тіс да шуис:

— Оз желлясь, пырала гортö да ручкасö вая, медым рисуйтны.

Лёшö пыркнитіс ас вывсьыс öшйöм стружки чагсö да котөр-тіс гортас. Сэсся кык друг заводитісны рисуйтны. Видліс серпа-савны Лёшö, но эз артмы. Ванялөн тшötш эз кажитчы. Медбö-рын Лёшö небыдика шлапнитіс юрас:

— Вот бöбьд, Ваня, котөртлы пистолетыдла, сы серти вöчам. Кыдз ме водзджык эг казаяв тайöс?

Ваня вайис пистолетсö. Локтігмозыс лыйсис, вежсö Лёшöлысь петкöдіс. Лёшö босьтіс сылысь пистолетсö да пöв выlö пукты-тöдз тшötш лыйсьыштіс. Сэсся пистолет сертиыс визыйöдлісны мыгöрсö. Пилитісны да пуртөн вöлалісны. Артмис пистолет кодъ жö, сöмын оз лыйсьы да биыс оз öзйыв.

— Вомнад лоö шуавны, лыйигад,— пистолет вылас индіс Ваня.

— Зато оз жугав,— ышöдіс асьсö Лёшö да чургöдіс пистолет-сö Ванялы морöсас.— Дізъ, дізъ.

Зонкаяс петісны сарайысь. Көсйисны нин пышйыны улич
вылө, кыддза рас дорө, но кылісны пöчыслысь гөлөссө:

— Кодлы нө ёгсö колинныд, нотö, живо уберитö!

Лөшöлы лои косны на чышкысьны. Ваняыс отсыштис жö.
Чукöртöм ёгсö öтлаын нуисны пывсян пачö.

Кыддза рас дорын зонкаяс сёрнитчисны, коді лоö партизанөн,
коді фашистөн. Лөшö шуö:

— Ме лоа партизанөн, киноысь аддзылі, налөн первойсö
пистолетыс абу жö вöлöма. Тэнад лавкаысь ньöбöм, сідзкö фа-
шиставны ковмас.

— Тадз абу честнö!— мөдіс вензыны Ваня.— Кодлы окота
фашистөн лоны? Вай öчередьөн, либö ме ог ворс.

— Сідзкö, ворсам öчередьөн,— сöгласитчис Лөшö.

Зонкаяс ворсісны, дзёбсясисны да öта-мөдсö лыйлісны писто-
летьяссьыс. Пöсвятöдз лои, гөрдöдöмаöсь кыкнанныс котралö-
мысла. Сэсся Лөшö друг ланьтис. Сылы кыддза раслөн лунадо-
рас нем виччысьтöг паныдасис оз чукөр. Озьясыс гөрдöдöмаöсь
да пыр жö уськөдчисны син улö. Лөшö суйис öтиöс вомас.

— Ваня, лок татчö!— чукөстис Лөшö другсö.

Ваня котөрөн локтис да пыр жö самасис озьяинад. Чөскыдтö
сійö тöдö жö.

— Мында озйыс, некод на абу веськавлöма татчö! Бабушкалы
вотышта жö,— шуис Лөшö да пистолетсö суйис гач вөнъ костас,
мед оз мешайтчы.

— Мыйла?— чуймис Ваня.— Сійö жö тэныд эз ньöб пистолетсö.

— А сійö менам бабушка!

Лөшö мөд ног эз куж гөгөрвоöдны ассьыс көсйöмсö. Сы но-
гөн тырмö и сійö, мый пöчыс сöмын бабушка. А Ваняыс вотчис
да ставсö ачыс сёйис, миян пö Марпа пöчлөн и сідз быдсяма
юмовторйыс эм, тöрыт на пö батьö вайис.

Лөшö гортас воис да пöчыслы мыччис содз тыр озсö. Мукö-
дыс эськö вайигас лямыштöмаöсь, но пöчыслы озйыс зэв чөскы-
дөн кажитчис. Татшöмсö пö эг на сёйлы, аттьöалигас шуис сійö.

Туясьöм

Талун ывлаыс кымöра да гебйöсь. Прамöй тöвру абу. И ко-
лö жö вöлі пöчыслы татшöм поводдяö морков градсö ёгысь весав-
ны. Лөшö отсасис пöчыслы. Көть эськö регыд на кадыс коли,
но коскыс мудзис нин. Сувтыштлас, видзöдлас енэжö, оз-ö зэр-
мы, да коссö зырыштас:

— Мудзис коскöй.

— Мудзин кө, шойччышт,— шуис пöчыс.

Лөшö көсйö нин вöлі котөртны улич вылö, но аддзис на до-
рö локтысь Марпа пöчöс да сувтис.

— Чолöм, Петровна,— шыасис Марпа пöч.

— Чолöм, Васильевна,— вочавидзис Лөшöлөн пöчыс.

Кык пöчлөн медводз сёрниыс заводитчис град выв пуктасьяс-
сянь. Кодлөн кутшöм петасыс да бура-ö быдмöны. Сэсся, тыдалö,
Марпа пöчлы тöд вылас уси майшасянтöрийыс, да юалис:

— Тіян градтö каньясыд оз парсавны?

— Оз торъя,— вочавидзис Лөшöлөн пöчыс.— Миян град
дорсö пöвьялöма да оз кайны, ог казявлы.

— Ме пөгубитчи. Став каньыс матігөгөрсъыс волöны миян град вылö. Мыйсö сöмын эг вöч. Ставыс весьшөрö,— шогпырысь висътяліс Марпа пöч.

— Весиг миян Васьканым тшöкыда сэтчö петалö,— суюсис сёрниас Лёшö.

— Мый сэсся вöчны?— ышловзис Марпа пöч.

— Колö кыйöдны да тшапнитны öтиöс. Повзясны да оз кутны локны,— видліс такöдны Марпа пöчöс Лёшö.

— Ог тöд, ог тöд, отсалас оз тшапнитöмьд.

— А ми Ванякöд кыйöдам волысьяссö,— збоя шуис Лёшö да юаліс:— Ваняыд гортад?

— Гортын, мультфильм видзöдö.

— Ме чукöста сійöс,— мунігмозыс нин шуис Лёшö.— Ми сыкöд туялам волысьяссö да повзьöдам.

Лёшö котөрөн петіс асланыс öшинь улысь да восьтіс дзиръя öдзöссö Марпа пöчлысь. Зонка радлыштіс весиг, мый на дорö локтіс Марпа пöчыс. А то дзикöдз нин дышöдіс ёгсö весавны морков градсьыс. Öні көть ас сьölöм серти уджö босьтчасны. Пырис Ваня дорö да порог дорсянныс горöдіс:

— Ваня, тэ мультфильм видзöдан, а сэккості тїяныльсь градтö каньяс парсалöны!

— Кöні?— пыр жö уськöдчис Ваня öшиньö.

Но öшиньсянныс нинöм эз тыдав, да петіс кильчö вылö. Но и сэсянь каньясыд эз тыдавы.

— Шмонитан?— бергöдчис Ваня Лёшöлань.

— Ог,— шуис Лёшö да дженьыдика висътяліс Марпа пöчлысь каньясөн пөгубитчöмсö.

Кык друг кутісны мөвпавны, мый вöчны. Петісны град йөрö да кытшовтісны морков градсö. Налөн синъяслы нинöм грекуйтаныс эз усь. Ни öти кань эз вöv. Сöмын кытсюрö морковыс водöма. Марпа пöч лöсьöдöма нин парсалöм местаяссö. Лёшö да Ваня пуксисны жытник дорö, сайöдінö, да мöдісны кыйöдны каньясöс. Локтасны кө, колö найöс сідз повзьöдны, медым нэм кежлö вунöдасны воыны. Та ради зонкаяс сёрнитчисны не жалитны весиг ассьыныс Васька да Барсик каньяссö.

Пукалöны зонкаяс жытник дорын да кыйöдчыны. Көркө-некоркө сэсся бөжсö лэптöмөн кыськө локтіс гөрд кань. Воис морков град дорö, исышталіс да заводитіс град боксьыс мыйкö лукйыны. Ваня көсйис нин уськöдчыны сы вылö. Но Лёшö кутыштіс: виччыслам пö, видзöдлам, мый водзö вöчны кутас. Каньыд водзö кутіс кыкнан лапанас гудйысьны да мыйкö сэсь перйис. Та бöрын зонкаяс эз сэсся виччысьны. Найö горзігтырйи уськöдчисны кань вылö:

— Брысь, рыжöй!

Гөрд кань повзис да зэв öдйö пышйис. А зонкаяс мöдісны видзöдавы каньлөн парсалöминсö. Лёшö лукйыштіс да перйис дöратор. Босьтіс киас, а нырас пыр жö вартіс дукуыс:

— Валерьянкаөн öвтö,— мыччис дöрасö Ванялы.— Дукуышт вай. Öні гөгөрвоана, мыйла каньясыд татчö волöны. Ваня, помнитан, урок вылын Анна Ивановна висътявліс, мый каньяс пö зэв ёна радейтöны валерьянка дуксö.

Ваня босьтіс дöраторсö да тшöтш дукуыштіс.

— Да, збыльысь валерьянка дука. Коді нö дöрасö татчö пук-

тіс? Марпа пöч ачыс али мый?— заводитіс майшасыны Ваня.

— А ми сылысь и тöдмалам,— шуис Лёшö.

Зонкаяс матыстчисны Марпа пöч дорö, киас аддзöм дöрасö кутöмөн. Со пö ми аддзим, мый гудйöны вöлі каньясыд.

— Коді нö вермис дöрасö градъяс дзебны?— юалис Лёшö.

— Некод эз дзеб. Ме ачым пукті. Меным сусед, Кузьма пöль, тшöктіс. Валерьянкаа дöра пö пукты градъяд. Öти кань пö оз сэсса воы.

— Йöюк,— эз вермы кутчысыны Ваня да серöктіс.— Кузьма пöльыд ылöдліс тэнö. Каньясыд валерьянкатö радейтöны, сійөн и локтöны.

— Но, Кузьма пöль, водзö тадзи он кут шмонитны!— веськы-да шуис Лёшö да босьтіс дöрасö Ваня кийсь.

Ваня колис пöчыс дорö. Пöчыс кутіс мыйкö юасыны сылысь. А Лёшö видзöдліс Кузьма пöль йөрö да кавшасис потшöс ылö. Звирк чечыштіс да дöрасö Кузьма пöльы аслыс морков град бокас дзебыштіс. Сэсса регыдөн бөр петіс йöрсьыс.

— Öні ачyd каньяссö вöтлöдлышт,— ас кежсьыс ропкыштіс Лёшö.

Та бöрын лун-мöд мысти Лёшö да пöчыс паныдасисны Кузьма пöлькöд лавка дорын. Няньла вöлі локтöма. Кузьма пöль кутіс норасыны пöчлы:

— Ог тöд, мый вöчны, дзикöдз öдöлитісны каньясыд. Морков градйöс парсалöны.

— Ме ог жö тöд,— шуö пöчыс.

— А ме тöда,— вильыша горöдіс Лёшö.— Колö валерьянкаөн градсö пызйыны.

Кузьма пöль кöсйис на мыйкö шуны, но сідз и коли восьса вомён сулавны. Гөгөрвоис, буракö, мый Марпа пöч вылын тешитчöмыс аслыс бергöдчис.

Данила

Таво тулысыс воис водз. Зэрышталіс лым сылігас да ю ойді-гөн. Сэсса кöдзальштіс-ыркнитліс йи кылалігөн. Но регыдөн пуксисны шоньд лунъяс. Шондіыс вильыша нюмгяліс да чуксаліс став ловъя ловсö ывла ылö.

А нывка-зонкаяслы колö пукавны классын. Бур, мый велöд-чан воыс помасьö, бөръя лунъяс нин коли школаö котравны.

Талун мöдöд урок бöрын виччысисны историяысь велöдысьöс, Анна Ивановнаöс. Триньöбтіс нин звöнок, но Анна Ивановна эз лок урок вылас. Сы пыдди пырис школаса директор да шуис:

— Анна Ивановна висьмöма, вежнысö некодөн. Тіян прöст кад, верманньд ывлаö петавны.

— Ура!— горöдіс Ваня директор петöм бöрын.— Вай лэччы-лам ю дорö.

Зонкаяс ставөн гузьöбтісны классысь. Ставöныс витөн и эм — Вася, Данила, Ваня, Миша да Саша.

Школа коридорöд котöртöмыс, тыдалö, гораджык лои. Весиг физичка ассъыс класс öдзöссö осьтіс да öлöдіс, мед пö лөнъ-джыка олім.

Ю дорöдз школасянь лоö верст джын. Гожöмнас юыс пöшти

дзикӧдз косьмыӧ. А ӧні бура ыджыд на, кӧть эськӧ ямӧма нин. Таладор берегыс крут, ваыс сэні джуджыд. А мӧдарыс алькӧс, зэв паськыда да кузя лыа кӧсаыс мунӧ.

Ваня видліс кинас васӧ:

— Коді абу полысь, пыралам ваас. Мӧдар берегас вуджалам.

Полысьӧн Васьӧ эз кӧсйы лоны. Саша тшӧтш жӧ лӧсьӧдчис вартчыны. Миша шуис, кок чуньӧй пӧ доймӧ. Васьӧ ас кежыс думыштис: «Китруйтӧ, ю дорас котӧртигӧн тай эз чот». Сӧмын Данила веськыда висьталіс:

— Ме ог. Бара висьма, кӧдзыд на ваыс.

— Эк тэ, слабак,— дивитана видзӧдліс сы былӧ Ваня да ызӧбтіс ваас.

Данила и збыльысь вӧлі медся жебӧн зонкаяс пӧвстын. Сійӧ велӧдчис бура. Но физкультураысь тройка вӧлі, да и то физрук жаляддза оценоксӧ пуктыліс. Данила тшӧкыда висис.

Саша вӧтчис Ваня бӧрся. Васьӧ пӧрччысис да тшӧтш пырис юас. Морӧсӧдз лои ваыс. Тувсов ваыс абу на удитӧма шонавны да сотыштіс яйсӧ.

Ваня да Саша сынисны ю шӧрас нин. Васьӧ заводитіс вӧтчыны на бӧрся. Ю шӧрӧдыс бура ылын на, а эбӧсыс бырны кутіс, лолыс тырис. Видзӧдліс водзын вартчысьяс былӧ.

«Ог во»,— ас кежсьыс мӧвпыштис Васьӧ да бӧр косіс. Этша нин эськӧй коли таладор берегӧдыс, но ки-коксӧ йӧрсӧн кутіс. Найӧ омӧля кывзысьӧны сылысь. Васьӧ мый вынысь зілис вартчыны. Сэсся друг юрнас бердліс ва пытшкас. Бырснитіс-петіс да горӧдіс:

— А-а!

Таладорӧ кольысь зонкаяс казялісны Васьӧлысь пикӧ воӧмсӧ. Миша котӧртіс берег пӧлӧн да чуксаліс отсӧг.

Данила аддзис Васялысь ю вылын бультыкасьӧмсӧ. Ачыс эз тӧдлы, кыдзи пӧрччысис да уськӧдчис ваас. Пон моз вартчӧмӧн матыстчис Вася дорӧ. Вася кутчысис Данилалы пельпомас. Тадзи кыкнанныс воӧдчисны берег дорӧ.

Кӧть эськӧ ваысь петӧм бӧрын пыр жӧ пасьталісны кос паськӧмсӧ, дыркодь пиньясыс зяткакылісны. И медым ӧдйӧджык шонавны, весиг котралыштисны. А Васьӧ ки-коксӧ зырышталіс, медым вирыс бурджыка ветлас.

Данила, кор уськӧдчис ваас, эз думайт, мый вермас висьмыны, мый вермас тшӧтш вӧйны. Сылы татшӧм мӧвпыс и юрас эз воы. Бӧрвылас нин повзис, ас кежсьыс мӧвпыштис, мый висьмас кӧ да мамыс кывлас ваӧ пыралӧмсӧ, вичмас сылы видӧмыс.

А Васьӧ думыштис, мый Данилаыс, вӧлӧм, абу слабак. Сійӧ ӧна повтӧмджык мукӧдысь.

Тайӧ кадсянныс Васьӧ да Данила кутісны ӧртасыны.



Тундра пи

Тундралөн эм аслас висьтавны позьтөм мичлун. Кытысь ті нөшта аддзанныд сэтшөм паськыд эрдъяссө, хрусталь кодь сөс-төм ваа тыяссө да юяссө, лыдтөм-тшөттөм звер-пөткасө? Кажитчө, весиг туруныс сэні быдмө мода-мөдкөд панласьөмөн. Асывнас на рудось вөліны мылькъясыс, а рытьявылыс нин гөгөр турунвиж. Көр видзысь нимкодьясь тайө мичнас, и лэ-бачьяслөн асья сьылөмыс содтө вынъяс, томмөдыштө сійөс.

Тундраын вөвлывлі төлын и гожөмын, тулысын и арын. Төв-ся көдзыд войясө мокота розь* пыр дыр нимкодьяси полохалөн** ворсөмөн. Енэжыс ломзьө-ыпъялө уна сикас рөмөн, а кодзувъясыс дзирдалөны сэтшөм ярьюгыда, мый кажитчөны дзик матынөсь.

Юньын тундраыс тырөма лэбач шыясөн. А юльын — өва-дөн. Лолыштны он вермы, ном-гебйыс пырө вомад, синмад. Көръяс йирсьөны вывтасінъясын, кытчө веськалө төлыс, либө чукөртчөны ыджыд мылькъяслөн войвывладорас, кытысь го-жөмнас лымйыс оз и сывлы. Пастукъяс ёна төждысьөмөн видзө-дөны стада бөрся: өд медся ёна көръяс тшөгөны буретш юль-сентябрын, торйөн нин өдйө быдмөны-сөвмөны теляяс.

Август помланьыс тундра янсөдчө аслас сьыланкыв кодь мичлунөн. Көдзыд вой төв бөрын кутас помасьлытөг зэрасьны, а сэсся өшгьяс сэтшөм сук ру, мый пөраөн харей помтө он ад-дзы. Көр стадаяс ньөжйөник веськөдчөны сиктлань.

Большеземельскөй тундраын көр видзысьяслөн вөліны, позьө шуны, быдса школаяс. Татшөм школанас уна во помся лыддысис киписевоса «Путь Ленина» овмөслөн көр видзан ферма, кодөн дыр кад веськөдліс Василий Егорович Канев, сөдз юр сады, тыр-бур вежөра морт. Изьва да Усавом районса, а сідзжө Ненеч округса көр видзысьяс, да эз сөмын найө, шулісны сійөс Ёгор Васьөн. Завидьтана мортөн вөлі: ыджыд тушаа, паськыд морө-са, дзор юрсиа, кыз гөлөса, чужөм вывсьыс нюмыс гежөда веш-йывліс. Томдырйиыс пө кокныда вермылөма нюкыльтны под-ков. 51 арөсаөн менам син водзын нярталасө*** өтчид вувзьө-мөн**** кутіс тэрыба котөртысь көрөс. Пыр йөз пөвстын, шмонитысь, мукөддырйи сэтшөмтор гаровтас, мый он көсйы да серөктан.

Бура думышттөг-артышттөг воськов оз вөлі вөч. А босьтчас кө — вөчас сьөлөмсянныс, сідз, медым эз ло яндзим йөзысь. Казьтывлісны, дедыс да батысь сэтшөмөсь жө вөвлөмаось.

Киписевоын коллективнөй овмөс котыртөмсянь колис воён-джынйөн, кор Ёгор Вась шыөдчис колхозө пырөм йылысь. Сі-йө и водзті кадысь кадө воывліс колхоз правлениеө, зілис төдмавны, кыдзи олө-сөвмө овмөсыс. Пырөм бөрас төлысь сайө колхозлы дасьтіс вөр, а сэсся индісны гырысь скөт видзан

* *Мокота розь* (диал.) — чумын тшын петан розь.

** *Полоха* (диал.) — вой кыа.

*** *Няртала* (диал.) — аркан.

**** *Вувзьыны* (диал.) — шыбитны.

фермао веськөдлысьөн. Омөля вердөм-дөзьөритөм вөсна 26 мөскыс дзикөдз нин яйтөммөмаось. Важ веськөдлысьыс абу путь-мөма висьтавыны, кытчө вошөма лысьтөм йөлыс. «Меным ёна эз кажитчы скөтсө татшөм ногөн видзөмыс,— казътыліс Ёгор Вась.— Гашкө, медводдзаысь аслам олөмын матькышті мыжаяс вылө. Лысьтысьны инді томджык нывбабаясөс, скөт бөрся пуктім колана дөзьөр. Төлысь-мөд мысти мөсьяс кутісны бура лысьтыны. Шоныдджык лунъясө петкөдлім ывла вылө. Тайө вөлі выльтор. Водзті мөсьяссө эз петкөдлыны».

1933 воын Ёгор Васьөс мөдөдісны курсъяс вылө Сыктивкарө. Велөдчис окотапырысь, зілис төдмавын унджык, мед кужө-мөн веськөдлыны коллективнөй овмөсөн. Ичөт грамота вылө видзөдтөг (помавлөма начальнөй школалысь куим класс) төдөм-луныс вөлі ыджыдкодъ, зілис төдмасыны политикаөн, экономикаөн. Курсъяс бөрас характеристикасө сетісны сэтшөмөс, көть районса юралысьөн пукты. Гортас локтөм бөрын бөрийсны колхозса юралысьөн. Босътчис уджө сьөлөмсяныс, велөдчөмыс быттьө бордъяліс сійөс

Ёгор Вась веськөдлөм улын регыдъя кадөн овмөсын унатор вежсис. Помалісны стрөитны ыджыдкодъ скөт карта, панісны кыпөдны куканъ видзанін. 1934 вося арнас өдйө да воштытөг идралісны урожай. Идсө чукөртісны гектар вылысь шөркодъ 14 центнерөн. Войвывса овмөслы тайө абу и этша. Быдтісны уна капуста. Районса газетын гижисны, мый «Путь Ленина» колхозын төв кежлө заптөма тырмымөн турун.

«Ёгор Васьлөн веськөдлөм улын овмөс заводитіс сувтны кок йылө»,— казътывліс Василий Рочев, кодөс сиктын шулісны «нәмөвөйся бригадирөн». 1937—1938 воясө ид да картупель озыр урожай быдтөмысь сійөс пыртөма видз-му овмөс Ставсоюзса выставкалөн Почёт книгаө.

Ёгор Вась вөлі аслыспөлөс мортөн, думъяссө эз дзөб йөзысь. Сылы эз кажитчы, мый кулакавын кутісны зіля уджалысьясөс, унджык скөт дөзьөритысьясөс да найөс, кодъяслөн мича бур керка. Эз во сылы сьөлөм вылас тшөтш, мый сиктса да районса өткымын веськөдлысь, активистъяс ас олысьөсь кутісны лыддыны врагөн. Ёгор Вась вөлі паныд озырджыка олысьяслы вермытөм ыджыд вот пуктөмлы, өд та вөсна өткымынъяс рөзөр-итчалісны. Тайө мөвпнас сійө юксис и сиктса скодъяс вылын. Но колхозса юралысьлөн видзөдласыс эз кажитчы районөн веськөдлысьяслы, татшөмыслы пө оз позъ веськөдлыны коллективнөй овмөсөн.

Кипиево важөнсянь нимавліс уна көрөн. Пётр Терентьев «Брыкаланск — село печорское» книгаын (Сыктивкар, 1973 во) пасйыліс: «Кипиевоын 100—120 овмөсысь дас квайтыс — озыръяс-лөн. Крепыд кулак Марк Фильлөн 6 сюрс сайө көр, 40 сайө душгырысь скөт. И вокъясыслөн скөтыс уна». Сиктын сөвет власът пуксьөм бөрын озыръяс пиысь унаөн асланыс көръясөн мунісны Обь вылө, Печора ю усянінсянь ненечъяс дорө, Канинса тундраө.

Кипиевоын көръясөс кутісны өтүвтны 1933 воын, а во мысти лөсьөдісны көр видзанін, но веськөдлысьнас некод эз көйы лоны. Кызвын көр пастукуыс ни гижны, ни лыддысьны эз кужны. Быд көр видзысь ветлөдліс тундраті аслас неыджыд көр стадаөн. Колө вөлі лөсьөдны көр видзан бригадаяс, не-

ыджыд стадаяссö ötувтны. Көр видзсыяс шыödчисны Ёгор Вась дінö. Лун-мöд мөвпалөм бöрын сійö көсйысис лоны фермаса веськөдлысьөн. Колхоз правление индіс сійöс «временнö исполняющöйөн». Татшöм «временнöйнас» неыджыд кадколастьясөн ферманас веськөдліс 1934 восянь 1968 воөдз, пенсия вылас петтöдз. Но весиг медся сьöкыд вояс дырйиыс көр юр лыдыс ёна эз чинлы. 1937 воын овмöсас вöлі нин матö 7300 көр.

Тундраын көр фермаөн веськөдлысьлөн власьтыс абу ичöt да и уджыс зэв кывкутана. Оз тырмы мыйкö бригадаын, доймис-висьмис пастук либö нöшта мыйкö лоис омöльтор, көр видзсыяс пыр жö локтöны сы дорö. А водзті öд тундраын и рацияыс эз вöв. Көр видзсысьлы быдтор колö вöчны ас кадö: петкөдны көр стадаяс сиктбердса вөръясысь, воөдчыны пиöдчанінö, неыджыд юяс да шоръяс пölөн пуксьöм тувсов пöскöтинаяс вылö, кытчö водз петöны гöнаюр да эжөр турунъяс. Пастуклы бура колö видзöдны и пьянасысь көръяс бöрся, а мукöд-дырйи вöчны акушерлысь уджсö.

Фермаөн веськөдлысь тöждысьö, медем öвад да ном-геб петтöдз көр стадаяс тувсовъя пöскöтинаяс вывсянь заводитісны вешйыны гождяинъясö, матöджык Хайпудырскöй губалань. Öвадыс торйөн нин лёка тöдчö көрпиянлөн быдмöм-сöвмöм вылö, важенка-яслөн (энь көръяслөн) вошö йöлыс, көръяс тшöкыдджыка висьöны.

Гожöмнас көръяслөн сёяныс уна. Юльын юяс да шоръяс пölөн быдмысь бадъяслөн мыччысьöны коръяс, васöдінъясын — сора-са турун. Юнь-юльын көръяслөн вежсьö гöныс, быдмöны сюръяс. Көр пастукъяс тöдчöдöны, мый юль-августын теляяслөн сьöктаыс содö 8—10 пöв.

Гожöмнас кипиеваса көр видзсыяслөн чумъясыс вежон кык, а кор и дырджык, сулалöны öти местаын. Мунысь көръяссö дöзьöритöны кык пастук. Найö босьтöны сьöрсьыныс палатка, сёян-юан. Көръяс йирсигтыр пыр мунöны водзö, найöс некод оз дöжнöд-майшöд, суткинас öтчид-кыкысь палаткасö сувтöдöны выльлаö. Кык сутки мысти пастукъяс вежсьöны. Оз кө нин ёна ковмы — понъяссö көръяс дорö оз лэдзны. Овлö, тундраын петавлö помтöм уна тшак, көръяс ёна корсьысьöны найöс, сэки, дерт, пастукъяслөн уджыс содö. Кипиеваса көр видзсыяслысь татшöм опытсö пыртісны уна мукöд овмöсын.

Тöвнас ыджыд стада он вермы видзны öти местаын, сёян тырмытöм вöсна көрыс öдйö яйтöммö. Сэки стадасö юклöны куим-нель пельö, да быд татшöм группа видзöны торйөн. Тадзисö көръяс йирсьöны тэрмасьтöг.

1939 воын Усавомын, сэкся Печора округса шöринын, кытчö пырисны Кожва, Усавом, Изьва да Чилимдін районъяс, чукöртчылісны округса көр видзан овмöсьясысь стахановецъяс да ударникъяс. Уна бур кыв вöлі висьталöма кипиеваса «Путь Ленина» колхозысь көр видзан фермалөн вермöмъяс йылысь. 1939 во заводитчигөн фермалөн артавис 8300 сайö көр, на лыдын 56 прöчентыс — важенка. Стадаын та мында энь көрыс сетö позянлун öдйö содтыны көр юр лыдсö, воысь-во вöчны унджык көр яй. Лои пасйöма, мый округын 1937—1938 воөдз шөркөдя январса быд сё көр вылö кө вöчöма 22 центнер яй, то «Путь Ленина» овмöсын — 28 центнер сайö. Тайö овмöсыс лоис көр видзсыяслы бур школаөн. Сылөн бур удж йылысь

висьталö татшöмтор: 1937—1938 воясö видзöма вошöмысь 98,1 прöчент көр, быд сё важенкалысь быдтасны 84,8 прöчент теля. Тайö ыджыд вермöмсö шедöдны мыйкö мында отсаліс и Ёгор Васълöн водзмöстчöмыс — стрöитны Большеземельскöй тундра-ын кораль. Кораль — тайö торъя жыръяс вылö юклöм йөр. Водзті тундраын коральяс эз вöвны. Көр видзсысяс висьталöны: кораль отсöгөн пöшти дас пöв öдйöджык да стöчджыка позьö лыддыны, уна-ö стадаын көрыс, вöчны сибирскöй язвасысь прививкаяс, торйöдны начкан көръясöс, кодзны ай көръясöс.

Көр видзöмын ыджыд вермöмъясысь фермаөн веськöдлысьöс 1940 воын наградитöма ВСВХ-лөн зарни медальöн, а көр видзан бригадиръясöс — Андрей Каневöс, Николай Рочевöс, Ёгор, Иван да Семён Чупровъясöс — эзысь медальясөн. Быдöнöс пыртöма выставкалөн Почёт книгаö. 1939 воын бригадир Иван Чупров колхозса председатель Василий Ануфриевкөд ветліс Москваö. Ставсоюзса староста М.И.Калинин сетіс налы ыджыд награда — Трудовое Красное Знамя орден, мыйöн наградитісны колхозсö.

Уна сьöкыдыс көр видзсысяслы сюрис война кадö. «Путь Ленина» колхозысь война вылö босьтісны 32 пастукöс. На пыдди тундраö мунісны уджавны том нывбабаяс, 14 арöса зонъяс да коркö көр пастукъясөн уджалысь олöма нин мужичöйяс.

«Война воясас,— казътывліс Ёгор Вась,— колхозлөн көр стадаяс эз быд во пыравлыны сиктбердса вөръясö, көръяс төв-йылісны сідз шусяна дор вöрын, сиктсаянь 120—140 километр сайын. Сэсянь көръясөн кокныдджык воöдчыны тувсов пöскö-тинаясöдз (пиöдчаніно). Нывбабаяс кадысь кадö ветлывлісны видзöдлыны гортсаяссö, челядсьö, а мужичöйяс кык воөн помся уджавлісны гортаныс вольтöг».

Республикаса «За новый Север» газет 1944 вося февраль 20 лунö гижис: «Путь Ленина» колхозлөн көр видзан фермаыс районын медся ыджыд — сәні 7 сюрс сайö көр. Том нывбаба, Марфида Рочева, фронт вылö мунöм верöс пыддиыс веськöдлö бригадаөн, көні 2 сюрс көр. Ачыс пемыд войясö тшöтш петавлö дежуритны стада дінö. Ыджыд отсöг бригадирлы сетö старшöй пастук (көр видзсысяс шуöны найöс опытнöй пастукъясөн) Анна Антиповна Рочева, олöма нин нывбаба. Бригадир ошкö бур уджысь Савита да Марина Ануфриеваясöс. Анисья Дуркиналөн верöсыс сідзжö муніс фронт вылö. Бригаданас, кодөн веськöдлö том нывбаба, комсомолка, кык сюрс сайö көр. Бригадаын сизим пастук, кыкöныс ёна нин олöма мужичöй, нель нывбаба (на лыдын бригадир) да 14 арöса зон. Зіля уджалöны Елизавета Артеева, Лидия да Мария Рочеваяс.

— Брезентсö гожся чум вылас,— казътылö Марфида Рочева,— сетісны 1944 воын. Сэтчöдз олім сямöдысь вöчöм чумын. Ёна и сюрліс кыммöмыс. Война воясас тундраын көиныс вöлі вывті уна. Медым горш зверъяс войнас эз усьласыны стада вылö, пуысь вöчим сідз шусяна тачканъяс да öшöдлім найöс көръяслөн сюръясö. Верöслөн вöлі кык ствола ружье, сыысь и лыйлі көинъяссö.

— Война каднас,— казътывліс Ёгор Вась,— меным тшöкыда ковмис ветлöдлыны бригадаысь бригадаö. Дуркинлөн брига-дысь куим нывбаба вöлі висьмöмаöсь, а көръясöс войнас видзöд-тöг он коль. Куим вой петавлі дежуритны стада дінö. Яков

Чупровлөн стадаысь паськалёмаось көръяс. Пастукъяскөд тшөтш отсалі чукөртны көръяссө, войсö кольны ковмыліс тундраын. Быдторйыс овліс... Том пастук окотитөма аддзысьлыны мөд бригадаын, 10—12 километр сайын уджалысь ёртыскөд. Мунигас ылалөма. Кык сутки тыригас нин аддзи эбөстөм зонка-ос. Вескыда шуа: ачымос ыджыд начальникö эг пуктив. Да и мөд ног эз позь, сэсся пыдди оз кутны пуктыны.

Война воясас сьöкыда овсис и сиктын. Колхозникъяслы сёя-нөн отсыштөм могысь Ёгор Васьлөн водзмөстчөмөн 1942 вося мартын лөсьөдісны сідз шусяна вөрса стада,— көръяс во гөгөр чөж йирсисны-сёйисны сиктбердса вөръясын. Татшөм стадасө дөзьөритысьясөн пуктісны олөма йөзөс да том зонъясөс. Көр яйөн вердісны турун пуктысьясөс, урожай идралысьясөс. Яя шыд пуисны детсадъясын да школаын велөдчысьяслы. Вичмыліс яй фронтөвикъяслөн семьяяслы, висысь колхозникъяслы. Водзөсөн босьтлісны көръясөс и мукөд овмөсьясысь. Партия райкомлөн бюро вылын Ёгор Вась висьталіс, мый кык вонас чөжсис колана опыт сиктдорса вөръясын көръясөс видзөмын. 1944 воын кипиеваса көр видзысьяс серти татшөм стада вөлі лөсьөдөма и Сизябск сиктса «Трактор» колхозын. Дерт, татшөм видзөм вылө колө унджык вын, унджык рөскөд. И 1946 воын татшөм стадаяссө бырөдісны.

Война помланьыс овмөсын уджыс кутіс мунны зэв слаба. Вынъяс да техника тырмытөм вөсна көрымсө заптісны этша, йөв лысьтөмыс ёна чиніс, вөвъяс слабмисны. Ылысджык видзьясысь турунсө лои ваявны көръясөн. Сэтчө жө ид урожайыс лоис вывті омоль. Колхозникъяс шыөдчисны партия райкомө, медем Ёгор Васьос индісны овмөсса веськөдлысьөн. 1946 вося августын сійө лоис колхозса председательөн. Вөвъясөс кок йылө сувтөдөм могысь көр яй вылө леспромхозысь босьтіс зөр. Лои котыртны чери кыян содтөд бригада, кытчө тшөтш пырисны война вылысь воөм инвалидъяс. Көрым заптөмыс муніс өтсө-гласөн. Сійө жө йөзыс, а уджыс муно төдчымөн бурджыка. 1947 воын колхоз кык пөв вевтыртіс чери кыян план, мыйысь сетісны 7347 шайт содтөд сьөм, джын сьөмсө вичмөдісны война вылын усьөм фронтөвик семьяяслы. Сійө жө воас вөвъяс бөрся бур дөзьөр пуктөмысь колхозса юралысьлы сетісны 1000 шайт премия, кык конюклы — 530 шайтөн. Кутісны нуөдсьыны уджъяс и муяс вынсьөдөм кузя. 1947 восянь кипиеваса колхоз воысь-во леспромхозлы кутіс дасьтыны унджык вөр, тайө сетіс позянлун трудодень вылө сетны унджык сьөм.

1952 воын Ёгор Вась Нарьян-Марын помаліс видз-му овмөс-лы кадръяс дасьтан өти вося школа. Школаса директорөн кырымалөм характеристикаын эм татшөм кывъяс: «Водзмөстчысь, сюсь вежөра, кужө ышөдны йөзөс. Эм төдчана опыт йөзкөд уджалөмын. Но такөд тшөтш оз радейт критика, өдйө пузьö. Но лөг некод вылө оз кут. Школа вөзйө индыны сійөс коллективнөй овмөсөн веськөдлысьөн».

Велөдчөм бөрас Канев бөр вөзйысис көр видзан фермаө веськөдлысьөн. Менам юалөм вылө: «Мыйла эн кольчычы сиктө?» — вочавидзис: «Тундраас быттё ас местаынджык, меным тундраыс колө, ме кола тундраыслы...»

Ёгор Вась зіліс кыдзи позьö өдйөджык нуөдны көр начкан

уджъяссö. Õд декабрын кө, шуам, көръяслөн шөркодъ съöктаыс 66 килограмм, то тöлыс мысти нин 9—10 килограммөн этшаджык. А вонас кө бригада сдaitö 450—500 көр, мыйта артмö воштöмъясыс!?

1960 воясын Ёгор Васълөн водзмöстчöмөн көр видзысьяслы лöсьöдiсны стажевöйяс. Дас во уджалöм бöрын удждоныс содö 20 прöчент вылö. Содтöд кутiсны мынтыны көръясöс ыджыд-джык весөн сдaitöмыс. Көр куясыс кө бурöсь — бара жö содтöд съом... Том пастук петö тундраö, сылы сетöны дас энъ көрöс, вит во уджалöм бöрын став көръясыс пыр кeжлö кольöны пастуклы.

Кипиеваса колхозын некор эз норасылыны, мый тундраын уджавны некодлы. Ёгор Вась тöдчöдлiс: медся бур, кор том морт велöдчö пастукö оз көнкö училищeын, а веськыда тундраын. Та вöсна сiйö тöждысис, медым челядьöс гожся каникулъяс дырйи быть вайöдлiсны бать-мамныс дiнö тундраö, медым дзo-лясянныс тöдмасьöны пастуклөн, чумса көзаякалөн уджөн.

Ёгор Вась эз сет том йöзлы гажтöмтчыны тундраын. Гожся ыркыдджык лунъясö том йöз ордйысисны, кодлөн дадюлыс öдйöджык котöртö, кодi ылöджык да стöчджыка вувзяс няртал, кодi кокныдджыка чеччыштас көр додь вомөн. Татшöм ордйысьöмъясыс петкөдлöны көр видзöмлысь культурасö, пастуклысь вынсö да сямсö. Вермысьясөн тшöкыдджыка лöлины Степан Выучейский, Митрофан Рочев, Василий Чупров. Ордйысьны петавлiсны и нывбабаяс. Помнита, чумработницаяс радпырысь чолöмалiсны Мария Каневаöс, кодi панйис аслас дадюлөн кык том мужичöйлысь дадювъяссö. А сёрниыс татшöм ордйысьöм бöрас мыйта, дас восайсясö казътыштасны, кодi да кор вермысьөн вöлöма.

Ёгор Васькөд дыр орччөн пукалiм чум дорас көр дадь вылын. Сiйö съöкыда лолалiс, кадысь кадö вомас чöвтлiс кутшöмкö таблеткаяс. Ме дзорги-видзöдi көкъямыс-öкмыс километр сайын сулалысь ыджыд мылькъяс вылас, кодъяс видзöны тундралысь нэмöвöйся чöвлунсö да озырлунсö. Тундраын татшöм мылькъяссö шуöны мусюръясөн. «Бөръя воясас,— висьталiс орччөн пукалысь ёртöй,— дорса мылькъясыс быттö быдмыштiсны, а шöрсаясыс, мöдарö, ляпкалыштiсны. Некор сывлытöм му веркöсас ваыс пырö, сөнi чукöрмö, а кор кынмö, кыпöдö либö паськөдö мусö, да ещö овлö, сэтшöм шыөн».

Дыркодь чöv олöм бöрын казътыштiс и Александр Чупровöс, Сöветскöй Союзса Геройöс, кодкөд олöма öти чумын. «Войнаöдзыс Александр менö во мында новлöдлiс öти бригадаысь мöдö, ветлывлiм и ненечьяс ордö, налөн көръясыс йирсьöны Науляха юсянь километр 30—40 сайын. Александр тундраысь тöдiс быд ю, ты да вис. Паметыс вöлi дивö бур. Öтчыд аръявылыс ветлiм ненечьяс дорö сёрнитчыны ай көръясөн венласьöм йылысь. Бур суседъяс ордын пукавсис дырджык. Кольöдiсны узьны, но аскинас меным колö вöлi ветлыны кораль дорö. Джын мында туйсö удитiм локны, кор тундрасö вевттис сэтшöм сук ру — дадювса көръясыным муртса тыдыштöны. Юалi Александрлысь, гашкö, мися, танi узьмöдчам, асывнас руыс пуксяс да мунам водзö. Том пастук вочавидзис: «Руыс, тыдалö, дыр кeжлö пуксис, ньöжйö, но мунам». Кадысь кадö Александр сувтöдлiс

нэль көра дадювсö, некымын минут кeжлö кытчöкö вошлас, сэсся бара мунам водзö. Даддын пукалöмысь менам позялисны кокъяс, кадыс кыссис ньöжйö. Коркö и шыасис ме дорö: «Дядь Вась, кутчысь крепыдджыка, горувлань кутам лэччыны». Мöдар берегас кыпöдчигöн нин кылис пон увтчöм. Окота лои кутыштлыны Александрöс. Не кө войнаыс, бур пастук артмис сыысь.

Ёгор Вась вылö донъялис ассыыс пастукъяссö, көр видзысь бригадиръяссö. Сйö тшöкыда казътывлis Иван Иванович Чупровöс, кодöс шуисны «тундраса академикöн», сы дорын быдмис уна том пастук. «Кöсья öтитор казътыштны,— шуалис Ёгор Вась.— Тулысьявылыс вывтi ёна чарöмтis, менам пастукъяс öдва-öдва вöли кутöны көръяснысö разалöмысь. Ассыыс стада гөгöртигöн Чупров аддзас уна бокöвöй көрöс, метка сертиыс оз вермы тöдмавны, кутшöм овмöсысьöсь. Бригадир думыштас: он кө кут найöс, разаласны тундра пасьтала, горш көинъяс унаöс джагöдласны. Нэль сутки пастукъяс видзöдисны асланыс и бокысь локтöм көръяс бöрся. А шондöдыштöм бöрас аддзысис и көръяслөн көзяиныс — Усавом районса Лая совхоз. Совхозса пастукъяс сэсся торйöдисны Чупровлөн стадаысь 360 сайö ассыыныс көр. Совхозса директор аддзöдчылис Иван Ивановичлөн бригадаса пастукъяскöд, көсйис козьнавны быд пастуклы öти көрөн, но пастукъяс öткажитчисны, шуисны, мый тундраын мöда-мöдлы отсасътöг оз позь».

Ёгор Вась казътывлis Герасим Рочевöс: война вылын ранитчылöма кокас и сояс. Локтöм бöрас пыр жö мунас тундраö, кутас веськöдлыны бригадаөн. Öти арся войö стада дорын дежуритигöн усьöма садътöг. Дыр-ö куйлöма, оз помнит. Бур, вöжжыыс киас гартöма. Садяс локтöма вöжживыв көрлөн чужöм дорас инмöдчöмысь. Кыссьöма сэсся шор дорöдзыс, кытысь сйöс и аддзöмаöсь ёртъясыс. Фельдшер вундöма пыкөссö. Ор да вырыскöд тшöт петöма кык дзöля көрттор — граната осколокъяс.

Ыджыд пай көр видзöмö пуктисны Василий Прокопьевич Чупров, дыр кад Ёгор Вась бöрын сйö веськöдлис көр видзан фермаөн. Яков Чупровлы поэт Серафим Попов сиис кывбур. Бур уджысь наградитöма медальөн Фёдор Сергеевич Хатанзейскийöс, Андрей Егорович Каневöс, Николай Антипович Рочевöс. Көр видзöм сöвмöдöмын вермöмъясысь Ёгор Васьöс наградитöма Трудовое Красное Знамя орденөн, сетöма заслуженной уджалысьлысь да Коми АССР-са почётной көр видзысьлысь ним.

Тундраын сьöкыд уджыс, дерт, тöдчис дзоньвидзалун вылас. Квайтымын арöс тырöм бöрас Ёгор Васьлы лои сьöкыд ветлöдлыны, а сэсся и висьмис сьölöмыс. Но гортас эз пукавсьы, лöсьöдчис гижны чужан сикт да көр видзöм сöвмöдöм йылысь книга. Сйö ньöжйöник ветлöдлис керкаысь керкаö, гижалис фронтöвикъясöс, көнi, кутшöм фронт вылын тышкасьлöмаöсь, гижалис и тылын уджалысьясöс. Волis ме дорö Изьваö, уна пукалим Сыктывкарса архивын. Шуалис: «Материалыс чукöрмас да öтлаын пуксям гижны. Унатор меным колö висьтавны...» Но помöдз уджсö эз вермы вайöдны, сьöкыда висьмис. Кувсис Ёгор Вась 1982 вося март 2 лунö.



Колö документ подув вылын гижны.

Лыдди Галина Микушевалысь «Войвыв кодзув» журналлön мöдöд петассыс «Татчö ордымыд оз быр» статьясö и кöсья шуны — сэнi унатор торкöма! Тыдалö, авторыс оз мыджсы документъяс подув вылö, оз инды архивысь фондъяссö. Та вöсна документъясön подулалöмön гижöдам петкöдла библиоте-каыслысь збыль историясö.

Нёбдинын йöзлы лыддысьöм вылö библиотекасö Усть-Сысольск уездса земскöй Собрание шуöма восьтны 1901 вося октябр 3 лунся заседание вылын, а абу 1900 вося сентябр 18 лунö, кы-дзи гижö Г.Микушева. 1900 воас земскöй Собраниеыс шуис восьтны Ф.Ф.Павленков нима сизим библиотека, Павленковыс-лön жö сьöм вылö, и быд библиотекалы сетны 50 шайтöн. Та-йö: Одыбö, Щугырö, Палаззяö, Мординö, Маджаö, Озёлö, Кобраö. (НА РК, ф. 116, ЖЗС 1900 и 1901 гг.). Пасъям, мый Флорен-тий Павленковыс вöлöма Санкт-Петербургың небöг лэдзысьöн; 1866 восянь лэдзöма нималана йöзлысь 750 книга, на лыдын — Ф.Энгельслысь, А.И.Герценлысь, Д.Писаревлысь. (Ф.Павленков чужлöма 1839, кувлöма 1900 воын. Сьöмсö кольöма библиоте-каяс восьтöм вылö — «Жизнь замечательных людей». М, 1979 г., стр. 965).

1901 вося октябр 3 лунся земскöй Собраниелön протоколас (журналас) библиотекасö восьтöм йылысь гижöма тадзи: *«Независимо от существующих 8-ми приучилищных библиотек, в отчётном году (год начинался в сентябре — А.П.) с дозволения господина товарища министра народного просвещения РАЗРЕШЕНО ОТКРЫТЬ ЕЩЕ ПРИ ВОСЬМИ НАЧАЛЬНЫХ НАРОДНЫХ УЧИЛИЩАХ Усть-Сысольского уезда: Межадорском, Вотчинском, Свято-Стефановском, Кажымском, Лоемском, Корткеросском, Нёбдинском, Устьнемском, Помоздинском. По представлению инспектора заведующими теми библиотеками господином ДИРЕКТОРОМ НАРОДНЫХ УЧИЛИЩ ВОЛОГОДСКОЙ ГУБЕРНИИ НАЗНАЧЕНЫ: при училищах — Межадорском — учитель Кирилл Гуляев, Вотчинском — Зинаида Кайдалова, Кажимском — Кирилл Шутов, Лоемском — Иван Клочкив, Корткеросском — Нонна Попова, Нёбдинском — Леонид Русиновский-Пуцято, Устьнемском — Павел Щекин, Помоздинском — учитель Никон Старовский с ассигнованием 1382 руб. и для приобретения книг и брошюр по списку представленном инспектором народных училищ и утверждённых директором народных училищ Вологодской губернии в количестве 1360 томов на сумму 618 руб. 18 коп.»*. (НА РК, ф. 116, ЖЗС 1901 г., стр. 51 и стр. 48 Доклад уездной управы Уездному земскому Собранию от 27 сентября 1901 г. № 298, стр. 48).

Библиотекасо восьтоны А.Латкинлөн керкаын 1901 вося декабр 21 лунö, көні училищеыс кутас уджавны кирпичыс стройбасö эштöдтöдз. Пасьям, мый 1902 восянь Спирин Мишка Емельыс ас керкаас училищесö видзны абу нин көсйöма.

Йöзлы (публикалы) библиотека воссигкежлас Нёбдинса училищеас вöлöма нин кык библиотека: велöдысьяслы (фундаментальной), көні вöлöма 110 нима 148 книга 108 шайт 38 ур дон, и велöдчысьяслы — 253 нима 934 книга 210 шайт 42 ур дон. (НА РК, ЖЗС 1901 г., стр. 67). Библиотекарнас вöлöма велöдыс Леонид Русиновский-Пуцято, отсасьыснас — Елизавета Иванова. Каникулъяс дырйи библиотекалөн уджнас веськöдлö училищеса попечительыс, вузасьыс крестьянин Иван Марков Панюков, кодлөн кык судта керкаас 1900 восянь вöлöма вит крöватя больнича. Попечительыс кывкутö училищеыслөн удж вöсна, сйö жö гижасьö народной училищеяс серти инспекторкöд. А попечительнас индöма Вöлöгдаын народной училищеяслөн директор шуöмөн.

1902 воö земскöй управа лöсьöдö библиотекарьяслы инструкция. Сылөн 6 пунктын гижöма: *«Книги и брошюры не выдаются лицам находящимся под надзором полиции, и лицам находившимся в бегах»*. (НА РК, ф. 6 полицейского управления).

1902 воын Вöлöгдаса губернатор Коленко вынсьöдö уездса публичнöй библиотекалыс устав. Уездса земство индö, медым сйö жö устав сертиыс уджалісны и училищеясбердса библиотекаяс. Торъя уставъяс, кызди гижö Г.Микушева, эз вöвны. Индöм устав сертиыс, лыддысьны гижсьысьлыс босьтлісны 3 шайт залог, а эз кө вöв сöмыс, лыддысьны көсйысьыс корсьліс поручительясöс. И лыддысьысьыс кө воштыліс книгасö, мынтысьліс поручительыс. А эз кө книгаыс вошлы, 3 шайтсö бөр сетлісны.

Уездса земство, вöлөсьтса правление, училищеяс, библиотекаяс пырöны пытшкөсса делöяс министерство борд улö. Библиотекалыс уджсö вермö быд пöрйö прöверитны полиция. Тöдмалö, коді да мый лыддö, эмось-ö цензураөн запретитöм книгаяс, брошюраяс.

Сідз, полициялөн индöд серти вöлі бырöдöма: 1908 воын — 29, 1910 — 23, 1914 — 31, 1916 — 18 книга.

Библиотекаас квайт юкөн: медуна книга — словесность да духовно-нравственнöй юкөнъясын; видз-му овмös, техника да медицина кузя — этшаджык. Бөръя, квайтöд юкөнас, сöмын учебникъяс.

1902 воын библиотекаас вöлöмаöсь: Библия (2 шайта), «Житие и страдания св. Параскевы» (2 ура), «Святой благоверный князь Александр Невский» (10 ура). Словесностьыс: А.Дюма «Граф Монте Кристо» (15 ура), Н.Гоголь «Ночь перед Рождеством» (30 ура), А.Пушкин «Выстрел» (15 ура). Географияыс да историяыс: «Иван Сусанин» (10 ура), «Владимир Мономах» (10 ура).

Видз-му овмös да град йөр юкөнын: «Колодезные ручные насосы» (8 ура), «Устройство несгораемого винта» (8 ура), «Земледельческие орудия. Устройство косули и плуга» (8 ура), «Книжки для деревенских слесарей и кузнецов» (10 ура).

Медицина юкөнын: «Лечение сифилиса» (1,5 ура), «Как оста-

новить кровь» (6 ура) да мукёд. А Г.Микушева гижё, мый некутшом технической литература абу вёлома. Ылёдло лыддысьысьсё.

1910 воын библиотекаас вёлома 486 книга, 59 морт лыддьомаось 595 книга, 1911 воын 850 книга, 110 морт лыддьомаось 500 книга. 1911 восянь губернской земство дугёдө сетны 156 шайт 70 ур, но сы пыдди 120 шайт дон выло йёзёдө типографияын каталогъяс. Библиотекаяслы, кыдзи и водзті, сьомсё 77 шайтён быд во сетө уездса земство, и тайё некыдзи оз тöдчы библиотекаыслөн удж вылас.

Попечительскöд сёрнитчёмён библиотекалысь уджалан кадсö индö уездса Управа. И уезд пасьталаыс библиотекаысыс уджалöны öтмоза: 1901 восянь 12—16 часöдз, а 1910 восянь 15—17 часъясö. (НА РК, ф. 116).

1912 восянь, библиотекарнас кö уджалö велöдысьыс либöсылөн отсасысьыс, сьомсö оз мынтыны. Уналаын библиотекаысыс вёлöсьтса правлениеасын, кöні уджалöны писаръяс. А 1914 восянь ставныслы бөр заводитöны мынтыны 2 шайтён во.

Нёбдинса библиотекаын волшебной пöнарыс эз вöвлы. Вöвлі сöмын Дереваннойса да Поёлса второклассной школаясын. 1913 во кезлö том (тіль) вöрысь вöчöм джоджъясыс кирпичной училищелөн стрöйбаас сисьмöмаось, костаось, вевтыс виялö. Училищесö пöдлалöны капитальной ремонт выло. (НА РК, ЖЗС 1913 г.). Библиотекасö вуджөдöны вёлöсьтса правлениеö.

Полиция, жандармерия оз вунöдны ассыныс уджсö. Нёбдинса урадникъяс Спирин да Латкин паныдалöны быд пароход, быд вöла пошта. Прöверяйтöны став корреспонденциясö. Эмось кö политической гижөдъяс, пыр жö и мырддьöны. А Нёбдинö воöны и воöны крамолакөд тышкасьом мога индөдъяс: «1906 г. 2/06. При получении задерживайте и отсылайте губернатору газеты «Трудовая Россия», «Современная жизнь», «Призыв», «Набат», журнал «Мир божий». (НА РК, ф. 295, оп. 1, ед. хр. 1, лист 75).

«18/06 1917 г. по телеграфу в 10 часов 40 мин. По приказу военного министра задерживайте и уничтожайте газеты «Правда», «Окопная правда», «Латышский листок». Товарищ министра почт и телеграфа Чернышев. Начальник Архангельской почтово-телеграфной конторы Лапин». (НА РК, ф. 295, оп. 1, ед. хр. 5, лист 169).

Сідзкö, некутшом политической литература библиотекаясö эз вермы воны, а Г.Микушева гижö: «1916—17 воясö земствосянь да йöзкостса котыръясянь библиотекаясö кутіс воны уджык ПОЛИТИЧЕСКОЙ ЛИТЕРАТУРА» (69 л.б. бөръя абзац).

Сідзи кö вöлі, став земствосö важөн нин АРЕСТУЙТІСНЫ ДА ПУКСЬÖДІСНЫ ТЮРМАЯСÖ! ÖД АРТМÖ, МЫЙ НАЙÖ ВОСЬСÖН МУНÖНЫ САРЛЫ ПАНЫД! ТАТШÖМЫС ЭЗ ВЕРМЫ ЛОНЫ!

1916 восянь библиотекаыс Нёбдин вёлöсьтса Правлениеын. Уджсö нуödö писар, кодöс индöма полицияөн да жандармерияөн прöверитөм бöрын Вёлөгдаса губернаторыс! Öд вöлі война кад и писар пырыс муніс военной министерстволөн да МВД-лөн быдпöлөс секретной ПЕРЕПИСКАЫС!

1918 восянь вossьöны нардомъяс да изба-читальняяс. Волис-

полком оз лэдз сетны книгаяссö библиотекасыыс: вöвлöм купечьяс Яков Григорьевич Макаровлы да Лука Дмитриевич Осиповлы, вöвлöм жандарм Павел Григорьевич Макаровлы, вöвлöм урадникьяс Николай Михайлович Спиринлы да Алексей Максимович Латкинлы. (НА РК, ФР 54, оп. 1, ед. хр. 2, лист 41).

1921 вося август 22 лунсянь Нёбдін пырö Кулöмдін уездö. 1923 вося март тöлысьö Нёбдінса волисполкомлысь уджсö прöверяйтö инспектор-ревизор Потолицын. Март 4 лунся актö сійö гижöма, мый Нёбдінас 1850 олысь, изба-читальняыс и библиотекаыс öти жырыйнöсь. Изба-читальняас воö сöмын «Югды туй» газет. Библиотекаыс öти шкапын. Библиотекарыс ассыыс уджсö бура оз тöд. Лыддысьысьыс зэв этша — 82 морт. (НА РК, ФР 185, ФР 54). 1929 воын 2117 олысь пиысь лыддысьö 114 морт. (ФР 54, оп. 2, ед. хр. 12).

1901 воын востöмсяньыс библиотекаыс пырö народнöй образованиелöн юкөнö, Коми АССР-са Наркомпрос улö. 1948 вося юль помас Нёбдінса библиотекалысь уджсö прöверяйтö инспектор Пылаева Агния Николаевна. Август öтиöд лунся актын сійö гижö: «*На 1 августа 1948 г. Нёбдинской избой-читальней заведует Макарова Анастасия Осиповна, 1926 года рождения, библиотекой находящейся здесь же — Макаров Иван Николаевич, 1924 года рождения. Макаров библиотечную работу знает плохо, на семинары и совещания в Сторожевск часто не выезжает. Инспектор управления по делам культпросвет учреждений Наркомпроса Коми АССР Пылаева Агния Николаевна*». (НА РК, ФР 1112, оп. 1, ед. хр. 4). Сидзкö, изба-читальняад уджалöны нин комын во, а оз дас сайö, кызди гижö Г.Микушева.



ПЫДДИ ПУКТАНА АВТОРЪЯС!

Редакцияö гижöдъяснытö ыстигöн быть колö юöртны:

1. Ассыныд ним, вич, ов; кор да кöнi чужлöмныд (лун, тöлысь, во).
2. Паспорт юöръяс: номер, серия, кор да кöнi сетiсны, гортса адрес (прописка серти).
3. Индивидуальнöй налогöвöй номер — ИНН (кодлөн эм).
4. Страхöвöй свидетельство номер.

Тайöс юöрттöг редакция гонорар оз вешты.

*Журналын йöзöдтöм гижöдъяс
редакция оз рецензируют и авторыслы найöс оз мöдöд.
Редакция оз век во öти кывйö авторъяскöд.*

Комп. набор и верстка **Н.Кузнецова**. Корректор **Н.Габова**.

Адрес редакции: 167982. ГСП-2, г. Сыктывкар, ул. Карла Маркса, д. 229, Дом печати, каб. 202.
Телефоны редакции: 24-47-52 (гл. редактор), 24-51-52 (общ. отд./факс).

E-mail: kodzuv@mail.ru

Подписано к печати 15.05.2012. Формат 70х108^{1/16}. Печать офсетная. Усл. печ. л. 7; усл. кр.-отт. 8,4; учётно-изд. л. 7,54. Тираж 780. Заказ № 2891. Регистр. *ПИ № ФС 3 - 0226* от 20.12.2006 г. выдано Беломорским управлением Федеральной службы по надзору за соблюдением законодательства в сфере массовых коммуникаций и охране культурного наследия. Публикация материалов, направленных на освещение реализации социально значимых проектов, осуществляется при государственной поддержке в форме субсидии Агентством Республики Коми по печати и массовым коммуникациям. Отпечатано в ООО «Коми республиканская типография», 167610, г. Сыктывкар, ул. В.Савина, д. 81. Цена свободная.